

WANTOK

32 pes

Niuspepa bilong Papua Niugini stret
Namba 1075

Wik i stat long Fonde Februeri 2, 1995

25 yia nau
50 toea

Mosbi haus sik bai sasim moa fi long marasin

MOSBI Jenerel Haus sik bai apim fi em save sasim ol sikman meri stat long Janueri 1 long dispela yia.

Mosbi Jenerel Haus sik em i wanpela bikipela haus sik tasol long kantri em ol arapela haus sik long kantri save salim sikman meri wantaim bikipela sik i kam long kisim sut marasin o long dokta long katim ol (operesen).

Ripot i kam long menesmen bod bilong haus sik i tok dispela senis em long mekim haus sik i givim yet sevis long ol pipel. Olsem na ol sikman meri bilong ol ausait ples na propvinsal helt senta husat em sik bilong ol i bikipela na dokta salim ol i kam long Mosbi haus sik bai baim moa fi nau.

Kabinet i oraitim ol nupela fi long Novemba 29, 1995. Nau yet olgeta samting i wetim tasol nem bilong Gavana Jenerel i go antap long tokorait pepa, bai haus sik i ken sasim nupela fi.

Bipo taim ol sikman i go long dokta long sekim ol, o long testim blut o kisim piksa, ol bai baim 50t olsem pablik autpesen sevis. Aninit long nupela fi, ol sikman i go long dokta i sekim ol bai baim K3. Nupela fi bilong sekim blut, pispis o piksa bai em K2.

Ol sikman i slip long

HARLYNE JOKU i raitim

haus sik na kisim marasin bai baim bikipela fi stret. Fi bilong go slip long haus sik bipo em K2. Nupela fi bilong slip long haus sik em K10 long wanwan man.

Dispela 10-pela i bilong 5-pela de tasol. Sapos sikman i slip moa long 5-pela de, em bai baim K2 long wanwan de. Dispela K2 bai sikman i baim bihain long 5-pela de.

Ol mama husat i karim bebi long haus sik bai baim K10. Fi bilong operesen i go antap tu. Aninit long nupela haus sik fi, ol bikipela operesen bai kos K30, ol operesen i no bikipela tumas bai kos K15, na ol liklik operesen bai kos K8.

Fi bilong ol intemediet Autpesen sevis i goap tu, na i kamap olsem kos bilong go lukim ol pravit dokta o klinik. Fi bilong dokta i sekim yu em K20. Dispela em long ol kainkain sik. Fi bilong sekim blut i pispis i stap namel long K5 na K15. Na bilong kisim piksa em K20.

Long slip long intemediet wod, wanwan sikman bai baim K180.

Dispela em fi bilong tripela de. Sapos sikman slip moa long tripela de, em bai baim K60 long wanwan de.

Dispela K60 bai sikman stat baim bihain long tripela de.


Fi bilong ol sikman slip long haus sik na dokta sekim blut, pispis o kisim piksa i wankain olsem fi bilong intemediet autpesen fi.

Long ol nes na dokta i helpim mama long karim bebi, intemediet fi em K80. Fi bilong ol dokta i katim sikman husat i slip long intemediet wod i go antap tu. Dispela fi em K180 long ol bikipela operesen, K120 long ol operesen i no bikipela tumas, na K60 long ol liklik operesen.

I gat save olsem menesmen bod bilong Mosbi Jenerel Haus sik bai karimaut bikipela aweanes kempen, we bai sut long kliam ol pipel long dispela senis long fi. Kempen bai kamap long ol niuspepa, tokbek so long redio na long ol televisen program.

Haus sik i kamapim pinis nupela we bilong kisim ol dispela fi. Ripot i kam long menesmen bilong haus sik i tok sapos aweanes kempen i kamap gut long namba wan tripela mun bilong dispela yia, Mosbi Jenerel Haus sik bai redi long sasim ol sikman aninit long nupela fi stat long Epril dispela yia.

Bisnis wok kirap long Buka



• (antap) - Long Krismas na Nu Yia, ol manmeri long Buka i wokim planti kopra stret. Mekim na ol haus kopra long Buka i pulap na ol i putim ol kopra beg ausait long hap bilong sekim kopra. Ol yangpela man ya i rausim kopra long wanpela trak. Ol i skelim pinis na i nogat hap bilong putim. Olsem na ol i lainim tasol ol kopra beg ya antap long trak. • (daunbilo) - Poto bilong Nicholas Ratsi (waitgras) bilong ples Tohatsi, Buka, Not Solomons provins. Em i statim nau wanpela bisnis bilong planim ol flaua na salim. Planti pipel long ol gavman bodi na pravit bisnis i baim nau ol flaua bilong em. Lukim moa poto long pes 12. Ol poto: Aloysius Sami.



RAUSIM DISPELA HET PEN

TOYOTA GENUINE PARTS

25% DISKAUT LONG OLGETA EXSOS SISTOM

WANTAIM! 5 FRI SIGARAPIM LOTTO TIKETS! HARIAP..KISIM NA RAUSIM DISPELA HET PEN NAU!

INAP TASOL LONG 28 FEBUARI 1995.

Ela Motors

OLGETA HAPI!

**Plis
RIPOT**



LAE, Morobe: Wapela man i stap long Lae Angau haus sik wantaim bikpela bagarap. Na tripela haus i paia. Dispela em bihain wapela pait bilong ol wanpisen i kamap las wiken namel long ol pipel bilong Okapa long Isten Hailans na Menyama long Morobe.

Bos bilong plis long Lae siti, Tony Wagambie i tok man Okapa i kisim bagarap na i stap nau long haus sik. Pait em bin kamap long Spitwe Setelmen, ples we man Okapa i stap long em.

Mista Wagambie i tok tripela haus we i paia i bilong ol Menyama pipel husat i stap long Boina setelmen. Setelmen ya i stap klostu long ples Kamkumung.

Em i tok plis i no holim pasim sampela lain taim ol i kamap long ples pait. Tasol ol plis i gat save long husat tru i wokim dispela asua.

Ol samting i lus long paia i kostim planti tausien kina.

Ol lain i lukim taim pait i stap i tok tupela grup i wok long sut i go long wapela narapela wantaim bunara. Bihain long ol i pait wan awa pinis, orait, ol i kukim ol haus.

Ol pipel long ples Kamkumung i pret nogut long pait i kamap klostu long hap bilong ol na ol i ranawe. Tasol ol paitman ino bagarapim ples o ol samting bilong ol. Na ol pipel long ol ples klostu i amamas long ol plis long kam hariap long ples pait na stapim pait.

DARU, Westen: Ol meri Daru i singaut nau long ol atoriti long provins i rausim ol skwata setelmen long provins bilong ol.

Ol i mekim singaut bihain long dai bilong wapela yangpela man wantaim 19 krismas las wiken. Nem bilong daiman em Sedaraka Fredifu. Em i bilong Daru Ailan.

I gat ripot we i tok ol meri i plenim long holim wapela protes mas long putim presa long ol atoriti iken eksenim askim bilong ol kwiktam.

Samting olsem 100 meri long ailan i bin holim wapela miting long Tunde long toktok long dispela samting na bungim sapot bilong ol meri.

Provinsal plis Komanda long Daru, Inspekta Saibu Ako i tok dai manki i bin dai long Janueri 22 bihain sampela lain i kilim em. Sampela man i bungim na kilim em. Tupela man Galp i stap nau long han bilong plis bikos ol plis i bilip olsem ol i hap long grup we i kilim dai manki ya.

Tripela samting we ol meri i strong na ol laikim ol atoriti i harim na mekim em:

- Long provinsal gavman i stapim ol pablik sevan long kisim ol man inogat wok i go insait long provins. Moa yet ol man bilong Hailans, Kerema na Sentrel provins.

- Rausim olgeta skwata setelmen long Daru Ailan na salim ol i go bek long ples bilong ol na

- rausim i go bek long ples ol lain husat i kilim manki ya. Long nau, plis i mekim wok painimaut long dispela samting.

Skul fi bilong 1995 i antap yet

**PETER KASIA
i raitim**

MEMBA bilong Kabwum insait long nesenel palamen, Ginson Saonu, i singaut long nesenel gavman long daunim skul fi bilong olgeta skul insait long kantri we em i tok i antap tumas long ol papamama long baim. Mista Saonu i mekim dispela tok taim em i harim olsem skul fi bilong dispela yia i go antap tumas, abrusim mak bilong las yia, we nau i givim planti hevi

long ol papamama gen.

Em i tok gavman i mas givim toksave long olgeta skul atoriti long kantri bilong daunim ol skul fi long mak we bai planti papamama bilong ol skul manki ol i ken peim long en.

Mista Saonu i sutim tok igo long gavman long i no bin tingting gut pastaim em i oraitim dispela samting. Na em i singaut long gavman long mekim sampela samting nau sapos ol i gat tingting long ol pipol bilong ol.

"Sampela papamama i gat tupela o moa pikinini long skul. Na wantaim ol prais bilong ol narapela samting i go antap, ol bai painim hat moa yet long baim ol skul fi bilong ol. Wantaim dispela, gavman i ting ol papamama inap baim K500 o K600? Dispela em i bikpela moni tumas," Mista Saonu i tok.

Nau yet i luk olsem gavman i baim pinis sampela bilong ol skul sabsidi moni igo pinis long ol skul, tasol dis-

pela long memba em i liklik tumas.

"Dispela em i no inap. Sapos yu lukluk long ol Hai skul we ol i sasim K700, long ol wanwan pikinini, na bihain long gavman i baim K200; yu gat bikpela moni bilong baim yet," em i tok.

Mista Saonu i tok em i sori tru long papamama husat ol i stap long we long ol taun husat ol bai painim bikpela taim tru long kamapim dispela kain moni.

Memba i tok, olsem wapela memba bilong Palamen na tu stap

long sait bilong gavman, em i no pret long autim ol tingting bilong em igo long gavman.

Em i tok dispela kain as tasol na ol pipol nau ol i wok long kamapim ol kainkain tingting krangi long gavman. Na em i singaut long gavman long stretim ol dispela wari bipo ol i kamap bikpela.

Mista Saonu i tok gavman bilong yumi em ol pipol yet ol i mekim na long dispela as tasol "planti pipol i no moa bilip olsem gavman em bilong ol na stap wantaim ol."



• 1996 skul yia i stat long dispela wik Mande. Na planti pikinini i amamas stret long go bek long skul na lukim ol poroman o poromeri bilong ol. Tasol em i narapela skul yia gen bilong brukim het. Poto i soim ol studen bilong Popondeta i amamas long bung gen dispela wik, bihain long 6-pela wik holide. Poto: Daniel Mona.

Hetmasta long Buka holim pas setifiket Komyuniti skul long Manus i no senis yet

FELIX RAMRAM i raitim

SINGAUT i go nau long open memba bilong Manus, Martin Thompson long go raun long Bipi ailan, Manus provins na lukluk long komyuniti skul long hap.

Singaut ya i kam long memba bilong Matabai insait long Bisakani komyuniti gavman long Wes Kos, Joachim Losalem olsem ol klasrum na haus tisa long Bipi komyuniti skul i no gutpela tru.

Ol klasrum ya i yusim yet ol samting bilong 1942 na em i wapela olupela skul tru insait long Manus provins. Tasol i no gat senis yet long em.

Planti skul i kamap nau long ol ailan na bikples long Wes Kos bilong Manus tasol ol skul pikinini long hap i mas go slip pastaim long Bipi ailan. Na planti long ol dispela sumatin i kamap ol i save manmeri na holim ol bikpela wok insait long nesenel gavman, provinsel gavman na tu insait long ol bikpela kampani long kantri.

ALOYSIUS SAMI i raitim

PASIN we hetmasta long wapela hai skul long Buka i mekim long pasim setifiket bilong ol sumatin taim ol papamama ino pinis long peim skul na prosek fi i mas noken kamap gen long dispela yia. Memba bilong Haku long Buka Interim Atoriti na tu memba long skul Bod bilong Gavanas husat i makim ol papamama, Paul Kehono i mekim dispela toktok long Buka long dispela wik. Mista Kehono i mekim dispela toktok bihain long wapela hetmasta long Buka i holim pas setifiket bilong tupela

sumatin bikos ol papamama ino pinis peim skul na prosek fi bilong tupela sumatin las yia. Inap tasol ol i pinisim ol peimen em bai givim setifiket long tupela sumatin ya. Nau em i askim strong Provinsal Edukosen Bod long givim sampela kain mekim save long husat hetmasta i wokim dispela kain pasin. Bikos em i tok wan wan sumatin i laikim setifiket bilong ol long painim wok o go het long skul bilong ol. Em i askim tu PEB long noken larim dispela pasin i kamap gen long dispela yia.

Buin hai skul laikim moa tisa

**ALOYSIUS SAMI
i raitim**

STRONGPELA askim nau i go long ol tisa husat i stap nating long Buka distrik na ol narapela hap long kantri long aprai long kisim wok olsem hai skul tisa long Buin Provinsal Hai Skul insait long Saut Bogenvil. Hetmasta bilong skul,

John Masiu i mekim singaut long las wik bihain long em i kamap long Buka edukosen opis long stretim sampela wari bilong skul. Mista Masiu i tok long dispela yia, klostu 400 sumatin bai i go long Buin Provinsal Hai Skul. Na ol i laikim olsem 20 tisa long skulim ol. aaSot long tisa i wan-

pela hevi we skul i kamap nau. Bikos sindaun i wok long kamap orait long Buin distrik na ol man i kamaut long ol gavman kea senta, namba bilong ol skul pikinini tu i go antap. Olsen na ol i laikim moa tisa long skulim ol pikinini na helpim long bringim pis na gutpela sindaun long Bogenvil.

All departments Phone: 25-2500 Fax: 25-2579

WANTOK Published Weekly, Thursdays, for

PO Box 1982 Boroko NCD Papua New Guinea

Word Publishing Co Pty Ltd

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Honiara, for Word Publishing Co Pty Ltd

General Manager: Ian Fry
Company Secretary: Vince Ohlinger SVD
Group Editor in Chief: Anna Solomon
Editor of Wantok: Leo Waiwa
Advertising Manager: Peter Kalso

Advertising deadlines
Display bookings: Monday, midday
Camera ready copy: Tuesday, midday
Classified advertising: Wednesday 2 pm

Regional office:
Suite 7, Haus Taa, Second Street, Lae PO Box 1726 Lae, Morobe Province
Phone/fax: 42, 0010
District Manager: Zeph Agai
Papers distributed by air throughout PNG Available by airmail subscription within Papua New Guinea and overseas
Australia & New Zealand Representatives: Tonkin Media Pty Ltd
PO Box 101 Avoca Beach NSW 2251 Aust
Sydney, James Tonkin, (043) 85 1746
Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholic, 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Baim K1 moa long yusim Wau ples balus

YAKAM KELO i raitim

OL pasindia husat i kisim balus long Wau ples balus na i laik go aut long narapela provins o long ol rurel eria bilong Morobe provins yet bai baim K1 fi antap long balus fea bilong ol.

Dispela em i wanpela nupela senis famili bisnis grup; Jugami Namba 9 husat i papa long Wau ples balus i kamapim long dispela yia stat long 23 Jenuari.

Jugami Namba 9 bisnis grup bai sasim tu arapela sas long ol kago olsem dram bilong bensin, karasin na wel long K5 wanwan dram na K2 long dram i no gat samting long en.

Olgeta kago we i go antap long balus bai i gat sas olsem .5 toea antap long wanwan kilogram bilong skel.

Ol kopi tu bai i gat sas olsem 3 toea antap long wanpela kilogram bilong bek we balus bai karim.

Wanpela mausman husat tu em papa bilong dispela famili bisnis grup, Len Aldan i tok ol i laik sasim fi i go antap long ol samting na manmeri husat bai kisim balus long Wau. Bikos dispela em praivet ples balus na i no bilong gavman o DCA.

Mista Aldan i tok long olgeta mun, ol i save tromoi olsem K4,000 long wok mentenens bilong ples balus ya. Na long olgeta yia, ol i save lusim olsem K14,000.

Tasol gavman wantaim DCA i no lukluk insait long helpim ol wanpela taim liklik inap nau. Na ol i mas kamapim sampela kain senis long larim ples balus ya i mas op yet na i stap.

Mista Aldan i tok Wau ples balus i no nupela ples balus long stori bilong Papua Niugini. Dispela ples balus i bin op long 1922 taim ol ovasis man i kapa-sait i go insait long Wau Bulolo long painim gol.

Dispela i bin wanpela ples

balus we balus i save pundaun long olgeta de na nait bikos long gol ras long Wau Bulolo.

Mausman ya i tok taim Niugini Gol maining kampani, NGG i tekova long wok maining long Wau, em i save ronim na lukautim dispela ples balus. Tasol nau NGG i kirap na go pinis, dispela famili bisnis grup, Jugami Namba 9 i ronim gen ples balus ya.

Ol i wok long lukautim ples balus ya longpela taim i kam tasol rekot bilong ol i soim olsem ol i no wokim mani tasol ol i wok long lusim mani. Mak bilong mani ol i save lusim i olsem K14,000 long olgeta yia.

Long dispela, ol i kamapim ol senis long eapoti fi na kago samting.

I gat tupela balus tasol i save pundaun long Wau. Not Kos Eviesen na MAF. Tasol Mista Aldan i tok MAF i save pundaun wanpela o tupela taim tasol long wanpela wik. Not Kos Eviesen em olgeta de.

Ol Yakumul papagraun egens Aitape agro forestri projek

JOE KANEKANE i raitim

OL papagraun blong Yakumul lain wanpisin long is kos Aitape long Sandaun provins i no laikim dispela Aitape Agro-Forestry project long go het long wanem ol i bilip i gat plenti rong i stap i mas klia o nogat wanpela nupela kampani i mas kam long katim ol diwai.

Long wanpela kibung blong ol long Yakumul namba 2 vilis long 8 January long dispela yia ol pipel i tok aut long ting ting blong ol long, bihain tasol long ol i bin harim toktok blong wanpela manki yakumul husait i skul long Kwinsten univesiti ov technology.

Tony Smare husait i stadi long kisim digri blong em long Lo na aplid sains i bin kiliam tingting blong ol pipel long wanem kain ol samting i bai kamap

long projek we wanpela kampani blong Malaysia, Damansara Realty i salim pinis aplikesen blong ol long developim dispela projek.

Olgeta lian long kominiti, ol sios na ol het man blong ples i tok strong olsem ol i laikim developim tasol ol i no laikim pasin blong ol kampani long yusim ol na kisim ol timba blong ol.

Ol i komplein olsem i no gat toktok namel long ol papa graun na Damansara long wanem kampani i makim ol man blong em yet long wokim ol toktok namel long kampani na ol papa graun, we plenti blong ol dispela lain i no ol papa tru blong ol graun we bai projek i kamap.

Na dispela ol lain man i makim maus blong ol pipel i sainim ol kontrak

pepa wantaim kampani we i nogat sampela toktok wantaim dispela ol mausman wantaim ol pipel long ples long wanem ol samting i bai kamap long projek.

Ol pipel i sutim tok long kampani long pasin em i bin wokim long em i no karim aut sampela we blong tok save long pipel long ol wanem kaain samting i bai kamap long projek na tu kampani i no tok-save long ol samting i stap insait long kontrak pepa.

Wanpela man husait i gat bikpela hap graun we projek i bai kamp long en Mista Patel Nagai i tok olsem em i bai 'taitim bunara na sutim ol saina na wanem ol man i kartim ol bus graun'

Mista Smare i tok olsem pasin blong gavman long i no lukluk long ol pipel i stap long ol rural eria blong kauntri i wokim ol pipel long dispela ol kain eria long lukluk long ol lain autsait we nau i

gat ol dispela kain pasin.

"Em i no gutpela pasin long lukim olsem ol bikpela kampani i kam putim mani insait long kaunbtri aninit long nem blong developmen tasol tingting blong tru i stap long kisim mani hariap tru na go long ples blong ol taim ol i luksave olsem ol pipel i no klia gut long wanem samting i wok long kamap long ples blong ol", em i tok.

Mista Smare i surukim tok tu olsem em i hamamas olsem ol pipel blong Yakumul i klia nau long wanem ol samting i bai kamap long dispela ol projek na tingting blong ol long pasin kampani long kam katim ol bus diwai blong ol i gutpela na ol narapela lain husait i gat graun long dispela hap i mas mekim wankain pasin blong ol bipo long gavman i givim laisens long dispela kampani.

Wik bilong klinim skul



• Ol gred 4 skulmeri bilong Sen Therese's Komyuniti skul long Badil, Mosbi i karim ol baket wara long kilnim skul toilet bilong ol. Dispela em bihain long 1996 skul yia i stat long dispela wik Mande. Dispela wik i bin wanpela hatpela wik stret bilong kilim skul, we sampela papamama tu i givim helpim. Foto: Ivan Bayagau.

Morobe gavman winim kot long ileksen

KOT bilong Morobe provinsel gavman egens nesenel gavman na lilektorel Komisn long skruim taim bilong Morobe provinsel ileksen i go moa long narapela 12-pela mun i i kamap stret bihainim lo.

Nesenel kot jas, Jastis Tracy Doherty i tokaut long las wik long kot olsem lo bilong provinsel gavman i olsem lo bilong kantri, na i mas gat rispek we husat atoriti i stap long pawa i mas luksave na pret long salensim.

Spika bilong Morobe provinsel gavman, Isaac Narol i tok em i o amamas stret taim lilektorel Komisn i no toktok wantaim em pastaim long go het long go het long kamapim ileksen long Morobe provins.

Bikos ol lida bilong Morobe Tutumang i bin vot pinis long skruim taim bilong Morobe provinsel i leksen i go moa long 12-pela mun, dispela i kamap olsem pawa ol lida i kamapim bihainim Ogenik Lo, Mista Narol i tok.

Mista Narol i tok taim em i bin salim pas i go long opis bilong nesenel provinsel afeas minista, no gat ripoti bin kam bek long em long luksave bilong dispela.

Taim ilektorel komisn i bin laik go het long karimaut ileksen long 19, Januari, Nesenel Kot i bin stapim ol inap em i tokaut long kot. Las wik disisen bilong Nesenel Kot i tok Morobe provinsel gavman bai stap long opis inap narapela 12-pela mun.

Tasol wok i stap nau long nesenel gavman long holim kibung na tokaut long Morobe provinsel ileksen i ken kamap long dispela yia o no gat.

Tasol Ekting primia bilong Morobe, James Ibras i tok nesenel gavman i mas gat rispek long Ogenik Lo bilong olgeta provins na Morobe provinsel gavman i soim pinis long ai bilong kot olsem lo bilong provins em lo. Na olgeta man i mas wok bihainim lo.



WANTOK
NIUSPEPA BILONG OL PAPUA NIUGINI STRET

Maski pait long wara

OL PIPEL long Mosbi i sindaun lukluk nau long tupela bikman, David Unagi na Daniel Tulapie i pulim kros i go kam long husat tru bai bosim wok bilong wara long siti.

Dispela wok i bin stap aninit long siti kaunsil em David Unagi i go pas long en. Tasol long Mande, Minista bilong Eneji Dvelopmen Daniel Tulapie i toksave olsem Wara Bot bai i tekova nau long wok bilong lukautim wara saplai.

I tru olsem lain bilong NCDC i no mekim gutpela wok tumas long saplaim wara long olgeta hap bilong siti. Siti i gro bikipela tumas na i no wara paip na ol bikipela teng i no inap moa long saplaim wara i go long olgeta hap. Mekim olsem na inap tripela yia nau, bikipela hevi bilong painim wara i stap insait long siti.

Ol pipel i no wari tumas long kros pait namel long Tulapie na Unagi. Ol pipel i laik husat lain i kisim dispela wok i mas stretim hevi bilong wara insait long siti.

Wanpela lain bilong Japan i kisim pinis kontrak bilong stretim wara saplai insait long siti. Yumi mas tok tenkyu long NCDC long statim dispela projek.

I gat more long 200,000 manmeri insait long Mosbi. Ol i les long harim kros bilong ol politisen. Bikipela askim bilong ol pipel em long stretim dispela hevi bilong wara.

WANTOK
NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

**PE BILONG
WANPELA YIA
52 NIUSPEPA**

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

OL BOGENVIL RIPOT

Tas Fos tekova long restoreesen komiti

VERONICA HATUTASI i raitim

NUPELA komiti bai lukautim ol wok long stretim ples na sindaun bilong ol pipel long Bogenvil.

Kenel Lima Dataona bai bosim Task Fos Komiti we bai bosim na lukautim olgeta wok long Buka. Komiti ya i kisim ples long Bogenvil Restoresin komiti we i bin lukautim ol wok long Waigani, Mosbi.

Ol ripot i tok Praim Minista Sir Julius Chan i kamapim dispela senis bikos em i no amamas tumas long sampela samting we olpela komiti i mekim. Tasol em i laikim nupela komiti long mekim gut wok na kamapim senis long ol wok bilong bringim sevis na gutpela sindaun i go bek hariap long ailan.

Ol arapela memba long nupela komiti em George Lessi, administretive seketeri bilong Not Solomons administresen, Stuart Priestly, Roy Mumu, Leftenen Elias Kamara, na wanpela opisa bilong PNG

Wok bilong kamapim gut sindaun go het gut

WOK long kamapim gutpela sindaun na bringim bek sevis i go bek long ol pipel i go het nau long planti hap bilong Bogenvil ailan.

Long Siwai na Saut Bogenvil long las wik, moa long 1,000 pipel i bin bung long Tonu kea senta, na lukim ol olpela Bogenvil Revolusinari Ami komanda na memba wantaim ol resisten grup paitman long sekan na kamapim belisi pasin. Dispela em ol pipel husat i birua long las 6-pela yia long hevi long ailan.

Distrik menesa long Siwai, Joseph Noro i tok ol olpela BRA paitman i givim 54 gan ol eme ol yet i wokim i go long han bilong ol sief na sekuriti fos long eria.

Ol i bin lusim ol samt-

ing bilong pait long han bilong sekuriti fos komanda long Siwai, Sajen Jackson Pute. Siaman bilong Saut Wes Interim Atoriti long Siwai, Nick Peniai i bin stap tu long witesim dispela samting.

Mista Noro i tok ol BRA komanda husat i bin stap long seremoni i bilong Motuna eria. Na i gat ol biknem BRA komanda olsem Peter Kanikai, Steven Pokonoming, David Pirah, Handai, Moses Pinoko, Poka Parurua na Danis Posara.

Mista Noro i tok dispela em namba wan belisi seremoni i kamap long Siwai, bihain long Arawa Pis Konpren long Oktoba las yia.

Em i tok ol i plenim long holim narapela pis seremoni long Haisi

Red Kros.

Taim Sir Julius i tokaut long dispela komiti na wok bilong em, em i tok ol bin stretim pinis ol tok-tok long ol samting ya long Mirigini Sata las Novemba.

Nupela Task Fos komiti bai bosim ol arapela komiti o grup husat i helpim wantaim ol wok long Bogenvil.

Nesenel Eksekutyutiv Kaunsil i oraitim kamap bilong dispela nupela komiti.

"Komiti ya bai kamapim senis long administresen na menesmen long ol wok long Bogenvil," Sir Julius i tok.

Wanpela Bogenvil Task Fos komiti i bin stap pastaim taim ol i kirapim ol restoresin progrem long ailan. Tasol ol i rausim na putim progrem menesmen tim we olpela provinsal seketeri, John siau i bosim. Tasol taim ol i rausim Mista Siau long Desemba 1993, komiti tu i pinis. Na bihain ol i kirapim restoreesen opis long Waigani, we tim bilong Gus Schweinfurth i bin lukautim.

eria long sampela taim i kam. Sampela BRA paitman i stap yet long dispela eria.

Tasol ol ripot i tok bihain long seremoni las wik long Tonu, moa pipel i kam aut long bus na stap nau long ol kea senta.

Long wankain taim tu, pasin long belisi na sekan i go het strong long Buin distrik. Buin i no stap longwe long Siwai.

Ol olpela BRA memba, resisten grup, pis komiti, ol siefsna sekuriti fos long eria i wokbung wantaim nau. Ol pis komiti memba long wanwan kaunsil bilong ol sief eria olsem Makis, Lenoke, Baubake, Konnou,

Wisai na Lugakei i go het long karimaut ol pis kempen. Olsem nau na sindaun long hap i kamap orait isi.

Buin Distrik menesa, Paul Mitu i tok ol olpela BRA memba na ol sekuriti fos i givim fridom long ol pipel long muv raun long Buin. Olsem na nau, ol man i raun i kam olsem long Kangu i go long Buin, Piano i go long Buin na long Tabago i go long Buin.

Na tu, Buin ples balus i op pinis long ol lain husat i laik lusim Bogenvil i go ausait long ol arapela hap. Air Link balus i save mekim tupela ron i go long Buin long wanpela wik.

Wok bilong kamapim gut sindaun em astingting bilong gavman - Sir Julius

NAMBA wan astingting bilong gavman em long go hetim ol wok bilong kamapim gutpela sindaun long Bogenvil.

Dispela em ol toktok em bin stat wantaim Arawa Pis konpren long Oktoba las yia. Na tu bihain long gavman i sainim Mirigini Sata wantaim ol Bogenvil lida long Novemba las yia. Praim Minista Sir Julius Chan i tokaut long dispela samting taim em i toktok wantaim ol bikman long Buka las wik.

Sir Julius i bin go long Buka bihain long em i lukluk raun i go long ilektoret bilong em long Namatanai, Nu Ailan provins. Em i harim singaut bilong ol bikman bilong Bogenvil long go long Buka na sindaun toktok wantaim ol long sampela bikipela samting i sutim sindaun na ol wok kamap long Bogenvil tude.

Sir Julius i tokim ol lida na siaman bilong ol interim atoriti long ailan olsem bikipela samting we gavman bai kamapim long Bogenvil em long putim kamap interim gavman bilong Bogenvil. Gavman bai kirapim kain gavman we ol i kolim long trensisensel gavman long mun Mas, em i tok.

Sir Julius i bin singaut strong long ol

Ol Torokina laikim Not Wes Interim Atoriti

ALOYSIUS SAMI i raitim

OL pipel bilong Torokina i paul nau long wanem interim atoriti ol i stap aninit long em.

Planti bilong ol i laik stap aninit long lukaut bilong Not Wes Interim Atoriti, we i kamapim ol eria olsem Kunua, Keriaka na Selau. Stat long yia 1991 taim sindaun long hap sait i kamap orait liklik, Torokina distrik i bin kam aninit long lukaut bilong Not Wes Interim Atoriti.

Tasol long las yia, olpela minista bilong Stet na Bogenvil Afeas, Michael Ogio ibin givim tokorait long Torokina distrik i kamap hap bilong Bana Interim Atoriti. Atoriti ya i kamapim Nagovis, Bana na nau Torokina.

Dispela muv i kamapim bruk namel long ol pipel we liklik lain i laik stap aninit long Bana, na bikipela lain i no laik lusim Not Wes Interim Atoriti. Bikos dispela lain i tok ol i kisim gutpela sevis aninit long Not Wes Interim Atoriti.

Wanpela man husat i makim Torokina nambis, Steven Suako i tok pasin we Mista Ogio i mekim wantaim nogat toktok long samting wantaim ol sief bilong eria na suvim ol pipel long kain senis i no gutpela.



pipel bilong Bogenvil long givim sapot bilong ol long dispela wok. Bikos dispela bai helpim long kirapim gavman bilong ol pipel long provins.

Em bin givim tok tenkyu i go long siaman na lida long ailan long hatwok bilong ol long kamapim gutpela sindaun long ailan. Na em i singautim ol rebel paitman long lusim ol samting bilong pait na joinim ol arapela brata susa long ailan long mekim 1995 i kamap wanpela yia bilong pis o gutpela sindaun olsem Pop John Paul II i tok tupela wik i go pinis taim em i kamap long kantri.

Sir Julius i tok moa olsem ol lain husat i go hetim pait long Bogenvil na giamanim ol pipel long ailan bai no inap kisim wanpela gutpela samting. Long nau, ol pipel i les pinis long ol bagarap na sindaun nogut. Na ol i laik sindaun gut olsem ol arapela brata susa bilong kantri.

Praim minista i bin bungim Not Solomons administreta, Sam Tulo na ol sinia opisa bilong em long Not Solomons administresen. Minista bilong Provinsal Afeas na Viles Sevisis, Castan Maipawa i bin stap tu wantaim Sir Julius long dispela wok-abaut i go long Buka.

Ol Morobe laik go pas long sait bisnis bilong Lae tinpis faktori

Sandaun pipel pret long flai long ol liklik balus

YAKAM KELO i raitim

MELANESIAN Semba ov Komes na Industri opis long Lae i laikim ol Morobe nambis pipel yet i go pas long ol bisnis insait long tinpis faktori long Lae.

Siaman Gabriel Miriye i tok i no gutpela long bikpela wok projek olsem i kamap long Lae siti na lusim tingting long ol papagraun.

Mista Miriye i tok ol pipel bilong Morobe olsem long Salamaua, Bukawa, Ahi, Sialum na ol arapela moa husat i stap arere long solwara bilong Morobe provins i mas kisim luksave nau long wok bilong tinpis faktori ya.

Em i tok i no gutpela long ol papagraun na pipel yet i no kisim wanpela gutpela helpim i kam long wok we i stap long provins bilong ol. Olsem na em i askim nau nesenel gavman long luksave long dispela samting na i noken pasim ai. Bikos ol pipel i laik kisim kain helpim olsem. Tasol i nogat tok yesa i save kam long nesenel gavman.

Mista Miriye i tok Mekerel tinpis faktori long Malahang bai kisim olgeta samting bilong wok i kam long ol ausait kantri na Melasia yet na i no long PNG. Dispela em ol samting bilong pulim pis, wokim tin na piksa. Na dispela i no inap givim bikpela helpim long ol papagraun.

Olsem na long dispela as, dispela tinpis faktori i mas pulim ol pipel bilong Morobe. i go insait long wok bisnis olsem ol liklik projek. Na tu wanpela Morobe i mas stap insait tu long bod ov dairekta posisen. Dispela em i wanpela bikpela samting we inap makim tu interes o laik bilong ol pipel.

Mista Miriye i tok i no gutpela tu long lukim ol ausait lain i go insait long narapela provins na yusim ol samting bilong ol long wokim bisnis. Na dispela pasin i save oltaim kamapim pait na kros long kantri we nesenel gavman i save harim na lukim olgeta taim, Mista Miriye i tok.

FELIX RAMRAM i raitim

PLANTI pipel insait long Sandaun provins i wok long pret nau long flai long ol liklik balus. Dispela em bihain long tupela balus i bin pundaun na 30 pipel i lusim laip bilong ol long pinis bilong las yia.

Distrik we ol pipel i pret nogat tru em long Telefomin. Olsem na ol i mekim bikpela singaut i go long ol lida long gavman long wokim wanpela rot we bai bungim Kiunga, Tabubil, Telefomin na Oksapmin.

Provinsal Minista bilong Distrik Sevis na memba bilong Oksapmin, Ulivian Ameneng i tok olsem stat long 1960 i kam inap las yia, 10-pela balus i bin pundaun insait long Tele-

fomin distrik. Na planti laip i bin lus. Em i singaut nau i go long gavman i mas luksave long dispela samting na mekim rot insait long dispela eria, we i ken helpim ol pipel tu long mekim ol wok bisnis bilong ol.

"Mipela 4-pela memba bilong Telefomin distrik insait long provinsal gavman i mekim bikpela singaut i go long ol nesenel memba bilong Sandaun long lukluk long dispela samting. Bikpela tru i go long memba bilong Telefomin, Bob Nitin na Rijonel memba, John Tekwie long harim ol toktok bilong mipela. Na tu singaut tu i go long memba bilong Not Flai, Bob Bubeg long wokim wankain samting long sait bilong em i kam, bai dispela i helpim ol pipel," Ameneng i tok.

Manus nogat spes bilong ol les gavman opisa

MANUS Provinsal minista bilong Edukesen na Yumen Developmen, Michael Kuweh i tokaut long las wik olsem ol gavman opisa i no mekim gut wok. Na tu ol i no save bihainim lo bilong gavman na dipatmen ol i wok long en.

Mista Kuweh i mekim dispela toktok long taim em i tokaut long sampela bikpela plen bilong edukesen divisien long Manus.

Dispela em long bihainim ol plen long yia 1979 i kam. Long 1979, Manus

provinsal gavman i traime long painim ol nupela rot olsem bai edukesen i noken lus long ol plen nesenel gavman i kamapim.

Minista i tok long dispela as, planti wokman i no laik wok gut. Bikos plen bilong nesenel

gavman na bilong provinsal gavman i no save wok gut. Na i kamapim les long ol wokman.

Em i tok ol dispela gavman opisa i save slip tumas, na i no laik long kamapim gutpela senis.

Ahi Komyuniti Gavman opis no op yet

FRANCO NEBAS i raitim

KOMPLEN i kamap insait long Ahi komyuniti long Morobe provins long ol i laik save sapos opis bilong Ahi Komyuniti Gavman i stap yet o nogat.

Wanpela mausman husat i no laik tokaut long nem bilong em i tok ol i gat planti hevi na ol projek bilong mekim. Tasol i nogat dispela komyuniti gavman opis, ol i no save long wanem hap bai ol i kisim helpim.

"Dispela Ahi komyuniti Gavman i dai pinis olsem na gavana na ol eksekutiv memba bilong em i mas opim ai gen na kirapim dispela opis.


Ol i mas kamapim stret ol polisi na plen bilong helpim tru komyuniti," mausman ya i tok.

Mausman i tok ol i gat planti projek insait long komyuniti. Bikos Ahi tu i karamapim ol setelmen na eria insait long Lae siti, i mas gat dispela komyuniti gavman opis long lukluk tu long hevi na wari bilong ol pipel.

Em i tok arapela konsitutensi olsem Bukawa, Salamaua na Wampar i gat ol komyuniti gavman bilong ol. Tasol olsem wanem na Ahi yet insait long Lae siti i nogat.

Bikman ya i laik bai dispela opis i mas kamap gen long sevim ol lain long Ahi na ol eria insait long Lae siti.

Ol Drimadamasuk pipel brukim rekot long salim moa raba



• Man ya bilong ples Drimadamasuk ausait long Kiunga kisim raba i kam long salim long Kiunga. Ol pipel bilong ples Drimadamasuk i salim pinis 31 tan raba long las yia. Dispela em bikpela namba bilong raba tru wanpela ples i ken kamapim. Prais bilong raba nau em 33t long wanpela kilogram. Foto: Rudolf Ayu.

Bipi ailan laikim gutpela trenspot sistem

OL pipel bilong Bipi ailan long Wes Kos bilong Manus provins em longpela taim tru i sot long gutpela sevis bilong trenspot. Komyuniti gavman memba Joachim Losalem i tokaut long dispela.

Mista Losalem i tok ol pipel bilong Wes Kos long Manus i save painim hat tru long ron long bot i go long Lorengau taun long salim ol kaikai o baim ol samting bilong ol, na tu long go long haus sik long taun.

Dispela hevi bilong trenspot i stap longpela taim tru. Na ol pipel i save tromoi bikpela mani tru long painim rot bilong go long Lorengau taun.

Em i tok long Bipi ailan, i gat ol liklik spit bot. Tasol dispela em bilong ol mani lain tasol. Ol rabisman meri bilong ples i nogat kain bot olsem. Na ol i save painim hat tru long trenspot.

Olsem na singaut bilong mipela long Bipi na Bisakani Komyuniti Gavman olgeta em long mas i gat wanpela

liklik bot o sip we i ken ron long gutpela taim na taim no gut. Dispela i min olsem bot ya mas gat ol samting long karim aut imejensi sevis. Na tu i ken helpim ol pipel long i go kam long Lorengau na distrik senta bilong ol long karimaut wok bisnis.

Bai i gutpela sapos Open na Rijonel memba bilong Manus i wokbung wantaim long dispela tingting bilong mipela ol manmeri long Bisakani Komyuniti Gavman eria, Mista Losalem i tok.

Madang oposisen lida rabisim nupela Madang gavman

BIHAIN tasol long ol i kamapim nupela gavman bilong Madang, lida bilong oposisen i tokaut olsem em i nogat bilip tru long dispela gavman. Na bai rausim long Jun dispela yia.

Provinsal lida bilong oposisen na memba bilong Almami, Bernard Mollock i tok dispela gavman bilong Mathew Gubag na Florian Bahin em i wanpela "papet" gavman.

"Dispela gavman bilong Mathew Gubag na Florian Bahin em i no trupela gavman bilong pipel bilong Madang," Mollock i tok.

Em i bilip olsem dispela gavman i bin kamap bihainim krangi pasin we ol memba husat i stap long gavman nau i no bin gat sans long muv i

go kam na skelim wanem grup ol i laik joinim. Em i tok ol memba i bin lokap long wanpela hap inap long taim gavman i kamap.

"Mi olsem lida bilong oposisen. Na moa yet olsem wanpela asples Madang stret i sori tru long lukim olsem ol dispela lida pipel i makim ol i no fri long toktok wantaim ol narapela long kamapim dispela gavman."

Mollock i toktok long taim bihain tasol long ileksen we ol memba nau i stap long gavman i go bungim ol yet. Na stap insait long banis bilong Yama Sekyuriti Sevis, kampani bilong nesenel Minista bilong Woks, Peter Yama.

"Dispela gavman i bin kamap long strong bilong ol

ausait man. Olsem na dispela gavman nau i wanpela papet gavman we bai stap tasol long helpim bisnis na wok politik bilong ol narapela lain. Na i no bilong sevim Madang.

"Ol pipel bilong Madang i wok long putim ai long wanpela gutpela na strongpela gavman bilong sevim ol tasol ol. Dispela hop bilong ol i lus nating."


Lain oposisen i no wet liklik long tokaut olsem ol i givim gavman sikspela mun inap long Jun dispela yia long suvim wanpela vot-bilong-nogat bilip long gavman.

Nau yet i gat strongpela tok olsem oposisen bai traime long blokim baset bilong Gubag gavman long mun Mas taim ol i traime long

bringim. Sapos ol i stopim dispela baset, em bai min olsem nupela gavman i mas kamap na ranim provins.

Gavman bilong Madang nau em: Mathew Gubag (Takia) - primia na Minista bilong Informesen, Kalsa na Turism; Florian Bahin (Not Ambenob) Deputi Primia na Minista bilong Fainens na Plening; Rodney Malai (Jomba) - Provinsal Afeas, Viles Sevis na Lokal Gavman; Amili Deidi (Astrolabe Be), Fiseris; Henry Bayema (Raikos 1) - Woks na transpot; Malakila Atua (Waskia) - Sosol Sevis, Yamure Magin (Wangil) - Edukesen; Michael Mimpi (Arabaka) - Helt, Samson Kuli (Usino) - Komes na Lika; Mikauri Asse (Bundi) - Praimeri Industri.

Mobil 5-MILE
NAU I OP 24 HAWAS



DEI NA NAIT
SERVIS

bilong fiul na Handy Mat Sapplais
long Boroko Draiv Trafik Laits

TU MINIT TINGTING

NO KEN EGENSIM GUTPELA WOK

LONG Luk 9:49, disapel Jon i bin komplem long Jisas olsem: "Bikman, mipela i bin lukim wanpela man i wok long rausim ol spirit nogut long nem bilong yu. Tasol em i no bihainim yumi.

Olsem na mipela i tambuim em." Tasol Jisas i tokim John olsem: "Yupela i no ken tambuim em. Man i no birua long yupela, em i pren bilong yupela."

Ating planti yumi i save paulim dispela tok. Ating wanpela pris o pasto i kros bikos wanpela man o meri nating i save autim gut tru ol tok bilong God.

Em i jeles nau. Ating wanpela sios i daunim arapela sios bikos em i win long helpim ol pipel long pre.

Ating ol bikman i kros bikos wanpela meri nating i grisim ol pipel bilong ples long mekim gutpela wok na ol i no inap. Ating wanpela tisa i bihainim buk long tisim mats, na wanpela manki nating i kirap wokim problem nating long blakbot

na ansa bilong em i stret. Ating wanpela mekenik i kros.

Tingting bilong Jisas em i dispela: yumi no ken kros bikos narapela man i winim yumi long mekim wanpela gutpela wok. Sapos em i mekim olsem, em i helpim yumi. Kas bilong em!

Yumi olgeta Kristen, yumi olgeta sios i laik helpim ol pipel i kamap gutpela manmeri. Nau bai yumi mekim dispela, hau bai yumi skulim ol pipel na pulim tingting bilong ol, em i samting nating. Bikpela samting em i dispela: yumi inap mekim ol memba bilong yumi i kamap gutpela manmeri tru o nogat? Sapos yu mekim ol pipel i kamap gutpela manmeri, mi no ken kros long yu. Sapos mi helpim ol pipel long kamap gutpela manmeri, yu no ken kros long mi.

Yu laik bai olgeta manmeri i mas kamap gutpela, laka? Mi tu mi laikim olsem. Olsem Jisas i tok: yumi tupela i no ken pait. Mi helpim wok bilong yu, na yu

helpim wok bilong mi.

Wantaim moa yumi mas lukim gut: yumi no mas skelim kain kain tok bilong wan wan lain. Nogat. Yumi mas sekap long dispela tok i *karim wanem kain kaikai*. Yumi no mas skelim wanpela sios long toktok bilong em. Nogat. Yumi mas skelim em long wok bilong em long senisim tru laip bilong ol pipel.

I gat wanpela stori long dispela. Stori i go olsem: wanpela man i gat wanpela ring i gat mejik ston bilas long en. Husat man i putim dispela ring long pinga, em i save kamap naispela gutpela man na olgeta pipel i save laikim em tru.

Taim papa bilong ring i laik dai, em i save givim ring long pikinini bilong em. Na pikinini ya i givim i go moa long pikinini bilong em gen. I go, i go olsem, inap i gat wanpela papa i gat tripela pikinini man. Em i laikim tripela wantaim na em i wari nau bai em i mekim wanem wantaim dispela mejik ring.

Orait, ol i go sanap long ai bilong wanpela jas i saveman tru bai em i ken stretim wari bilong ol. Jas i glasim tru tripela ring na em i no inap save wanem ring em i mejik ring. Olsem na em i skulim tripela brata olsem: "Mi no inap painimaut wanem ring i mejik ring. Tasol yupela yet yupela inap long soim wanem ring i mejik, na wanem ring i gat ston nating."

Ol boi ya i harim dispela tok na ol i kalap nogut na ol i askim: "Olsem wanem bai mipela i luksave long husat i holim mejik ring?"

Na jas i tokim tripela olsem: "Yupela i save pinis, dispela mejik ring i save mekim man i naispela na gutpela na olgeta manmeri i save laikim em. Orait, nau yupela wan wan i go na mekim gutpela na stretpela pasin tasol, na olgeta pipel bai laikim yu. Dispela bai soim yu yet yu gat dispela mejik ring."

Olsem tasol yumi save laikim



FRANK MIHALIC i raitim

man o sios o grup o skul long taim yumi lukim gutpela pasin bilong ol memba bilong en. Maski long toktok na skul bilong en.

Olgeta sios i laik mekim ol manmeri i gutpela, i holi, i santu - olsem na ol sios ya i no ken kros sapos ol arapela sios i mekim wankain gutpela wok. Olsem Jisas i bin tok: "Man i no birua bilong yupela, em i pren bilong yupela."

Pop tok God tasol save long husat em makim

EDDIE SAUNDERS i raitim

GOD wanpela tasol i save long wanem samting mi mekim na husat em mi makim. Dispela em hap tok bilong Pop John Paul 2 husat i bin kam raun long Papua Niugini long las wik.

Pop i mekim dispela toktok long sampela lain Katolik manmeri long bekim ol toktok nogut we ol arapela sios i wok long tromoi olsem Pop i no makim wok bilong God.

Pop i tokaut long dispela taim olsem em i laikim olgeta manmeri. Bikos dispela ples graun nau i gat hevi long pasin bilong laikim ol arapela, pasin bilong marimari na bilip long Jisas Kraus.

Pop i askim ol Katolik na kristen manmeri long holim bilip bilong ol long God papa, God pikinini na God holi spirit. Na ol i manmeri i mas

oltimea prea long ol kristen i mas bung wantaim, laikim arapela na givim bel long ol arapela.

Pop i bin holim tu lotu wantaim wanwan kristen Katolik manmeri long taim em i kam raun long PNG.

Tupela yut lida; Nixon Ilumpui bilong Sambri Lek long Is Sepik provins na Peter Jimmy bilong Bogia long Madang provins i bin gat dispela sans long sindaun na lotu wantaim Pop long Don Bosco haus lotu.

Tupela i tok ol kainkain toktok we i wok long kamap long ol arapela lotu i no stret. Bikos ol yet i no bin sindaun wantaim na toktok o raun wantaim Pop, bai ol i ken save gut long em i wanem kain man.

Tupela i askim ol kristen manmeri bilong Papua Niugini long skelim ol samting gut na wok strong long bilip bilong ol long kraus. Dispela em ol tingting bilong man nogut long traim wok bilong ol kristen long ples graun.

Erima peris amamasim 25 yia



• Erima haus lotu.

ERIMA Katolik Komyuniti skul na peris long Mosbi i bin amamasim Silva Jubili bilong em las Sande, Janueri 29.

Bikos long Janueri 29, 1970, ol Sista long Kongrikesen bilong Santu Brigid we ol i kolim ol long Brigidin Sista i kirapim tru skul na wok bilong peris long Erima.

Long hatwok bilong ol Sista yet, tude peris i gat long em komyuniti skul we i kisim moa long 600 sumatin. Fotin (14) tisa i tis long skul wantaim faivpela sapot wokman meri. Na tu Maino Heduru vokesinel skul long hap i kisim ol man meri sumatin wantaim. Long Mas las yia, peris i kirapim wanpela pri skul. Na nau, dispela pri skul i kisim ol pikinini husat i winim 6-pela krismas i antap long 8-pela yia. Bihain long dispela, ol inap long go insait long komyuniti skul.

Olpera peris pater, Francis Vegas i tok ol

Peris i kamap long hatwok bilong 4-pela Brigidin Sista

VERONICA HATUTASI i raitim

Sista i amamas long lukim olsem wok ol i kirapim long peris i go het gut. Na ol i helpim komyuniti na ol lain long peris i kisim na skruim save long sait bilong lotu, skul na ol arapela eria we i kamapim developmen bilong pipel. Long bipo, bikpela hap bus na liklik lain haus i stap taim ol Sista ya i sindaun long Erima na kirapim wok long hap.

Long nau yet, ol Brigidin Sista i go hetim wok long peris, skul na komyuniti. Ol i slip klostu tasol long haus lotu na mekim wok bilong ol. Tasol wanpela long ol foapela olpera Sister husat i sindaun pastaim long Erima na i helpim long kamapim

skul long 1970 i stap yet. Dispela em long Sista Maurus Dullard bilong Australia. Em i winim moa long 50 krismas pinis. Tasol em i strong yet na em i wanpela hai skul tisa long Tapini. Em i skulim Inglis, Hom Ikonoms na Rilijes edukesen long ol sumatin bilong Tapini Hai skul insait long Sentrel provins.

Ol SVD na tu ol Kristen Bruder wantaim ol Brigidin Sista i wok wantaim long lukautim Erima peris.

Orait, Sentrel provins Erima Katolik komyuniti grup i bin putim kamap ol gutpela tumbuna singsing, na danis na tu ol singsing lotu long amamasim 25 yia long kamap bilong peris na

skul. Wanpela pater bilong Airis Katolik Telivisen i bin kisim vidio piksa long lotu na selebresen. Em bai karim piksa i go long Ailen na soim long famili, poroman na wantok bilong Pater John Ryan, husat i givim bikpela mani long sanapim haus lotu na komyuniti hol long Erima.

Pater Ryan em i peris pater bilong Erima nau. Pastaim long Pater John i kam long Erima, Pater Vegas i bin peris pater, stat yet long 1984 i kam inap long 1992. Tasol nau em i tisa long Holi Spirit Seminari long Bomana.


Long wankain taim tu, dispela de i bin wanpela bikde long ol Gred 3 sumatin bilong Erima Komyuniti skul. Bikos long namba wan taim ol i kisim luksave long kisim Holi Komunio bilong ol.

Tasol namba wan taim tru ol i kisim komunio em long Janueri 17 long lotu we Pop John Paul 11 i mekim long santuim Bleset Peter Torot. Ol sumatin i laki tru long kisim wanwan presen i kam long Pop. Pater John i kisim ol presen long han bilong Pop yet na las Sande, em i givim long ol studen ya.

Long las Sande tu, 40 sios woka i bin kisim setifiket bilong ol long han bilong Pater John. Dispela em bihain long ol i pinisim 14 wik "disaipelsip kos," stat yet long Oktoba, 1994.

Pater John i tok dispela em i namba wan kos peris i kamapim long helpim ol sios woka long skruim save long wok bilong ol.

Papamama klinim Sande skul klasrum



• Ol papamama na famili memba helpim long klinim ol klasrum eria bilong Katolik haus lotu long Popondeta, Oro provins long las wik.

Dispela wik, planti skul long Popondeta na ol arapela eria bilong kantri i wok long klinim skul long statim 1996 skul yia. Poto i soim ol papamama i mekimsave long klinim Sande skul klasrum. Poto: Daniel Mona.

Sios na pipel mas sapatim yut - Mona

DANIEL MONA i raitim

OL yut em ol lida bilong tumora. Na em i gupela long pipel wantaim sios long givim sapat bilong ol. Na ol i ken strong long go hetim gut ol wok.

Siaman bilong Mosbi Asdaiosis Katolik Yut Kaunsil (ACYC), Daniel Mona i tokim ol yut lida long wangepela semina o kibung ol i holim long Popondeta las wik.

Mista Mona i tok dispela tripela de semina i bin sut long kamapim ol gupela kristen komyuniti. Sampela long ol bikpela samting we semina i bin edresim em wanem samting i narakain namel long sosel na kristen komyuniti. Na wanem wok tru ol inap mekim long sosaiti.

Twenti (20) Katolik yut lida i bin sindaun long dispela semina. Ol lain long Mosbi i bin go long Popondeta


long stap insait long dispela semina. Sista Ehmee husat i wok olsem Katolik yut kodineta long Mosbi Asdaiosis i bin kodinetim kos ya.

Ol Katolik yut bilong Popondeta i kam aninit long lukaut bilong Mosbi Asdaiosis. Tasol bikos long hevi wantaim trenspot, ol i no save kamap long planti yut bung we i save kamap long Mosbi siti.

Popondeta yut presiden, Teddy Vali i tok em bai toktok wantaim ol lain bilong em na painimaut husat tru bai kamap long ACYC liteji na humen developmen semina we bai ol i holim long Mosbi sampela taim long dispela yia.

Dispela bai kamap long taim bilong malolo long ol skul sumatin. Na em i gupela sans long sampela manki i makim ol yut na kamap long kos.

Mista Vali i tokaut long program bilong ol Popondeta Katolik yut long dispela yia.



• Sampela yut husat i hamap long semina.

Raun bilong New Dawn musik ministri bilong Amerika



• Ol memba bilong yut grup bilong Amerika ol i kolim "Lutheran Encounter's International" husat i kam raun long PNG.

WANPELA yut grup bilong Amerika "Lutheran Youth Encounter's International" i kam pinis na raun insait long Papua Niugini. Ol i kam wantaim musik ministri na autim nem bilong Jisas Kraus long pasin bilong musik, papet so, drama na ol arapela rot.

Taim ol i stap hia, ol i lukluk raun na lainim planti samting. Lukim ol ples, skul, sios, lukim ol hausick na i

stap insait long ol bung bilong yut na lainim kalsa bilong yumi. Stat long 1964, dispela grup i bin salim pinis 300 yangpela Lutheran manmeri long 49 kantri pinis.

Lutheran Yout Ecounter grup, em wangepela oganaisesen bilong Lutheran Sios insait long Amerika. Sios i givim sapat long

mekim dispela wok-misin long ol yangpela long Wol na insait long Papua Niugini tu.

New Dawn yut grup i autim Gutnius sut long bilip long Lutheran Sios. Em i wok aninit long planti kain grup long mekim dispela wok mekim musik ministri.

Namel long ol dispela lain yut, i gat wangepela yangpela bilong Evan-

jelikel Luteran Sios bilong Papua Niugini.


Nem bilong dispela yangpela man em Mug Amu bilong Yaros insait long Kaipit Seket. Mug stadi inap long 2-pela yia long Waldorf Koles insait long Iwva, Amerika. Em i stadi long rilijen na filosofi (Philosophy). Pastaim Mug stap sumatin bilong Balob. Tasol em i winim skolasip na go stadi long Amerika.

SANANG ZAZORING i raitim

NAMBA WAN TRAK

TOYOTA 6000

Ol Toyota Trak i fit long raun long ol rot insait long Papua Niugini. I gat spesel tripel fran waipa bilong helpim draiva long lukim gut rot long taim em i ran long bikpela ren. I gat strongpela Toyota disel pawa na ful sapat bilong Toyota Genuine Parts na Quality Service Centre i stanbai oltaim long helpim Toyota Trak bilong yu.



Ela Motors

PORT MORESBY 229400 • LAE 422322 • RABAU 921988 • MADANG 822188 • GOROKA 721844
 MT HAGEN 521888 • WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254
 POGERA 579367 • ALOTAU-WALTERS WORKSHOP 611174 • ORO MOTORS 297002



• Foapela man ya i karim kofin em ol bun bilong Blesed Peter ToRot i stap insait long en. Air Niugini balus i kisim i go pundaun long Togua ples balus.

Dispela em sampela moa poto long bikpela lotu em i bin kamap long Vunapope, Is Nu Briten long namba tri wik bilong mun Janueri. Lotu i kamap taim ol i karim ol bun bilong Blesed Peter ToRot i go long stap long Vunapope. Matmat bilong Blesed Peter ToRot i bin stap long ples Rakunai. Taim Pop John Paul II i laik kam, ol i kamautim bun bilong em (ToRot) na kisim i kam long Mosbi long Holi Papa i blesim. Na bihain ol kisim i go bek long Is Nu Briten. Tasol ol bun bilong Blesed Peter ToRot bai stap nau long Vunapope.

Ol poto: Pater Mlak na Asbisop Hesse.



• Ol manmeri i redi long tumbuna bilas na wetim kamap bilong kofin bilong Blesed Peter ToRot na ol sios na gavman opisa long Togua ples balus.



• Ol Katolik mama long Vunapope i sanap long lain na wetim kamap bilong kofin em ol bun bilong Blesed Peter ToRot i stap insait long en.



• Asbisop bilong Rabaul, Karl Hesse.



• Ka karim kofin bilong Blesed Peter ToRot long Togua i go long Vunapope.

OL HELT NIUS

Mipela wok wantaim nau long kamapim gutpela helt long kantri

HELT bilong ol pipel bilong em i wanpela bikpela samting tru long olgeta gavman long olgeta hap bilong wol.

Ol pipel i save amamas na wok gut long kainkain samting sapos helt bilong ol i gutpela na tu ol bai i no na wari long helt bilong femili bilong ol.

Tasol planti samting i save bagarapim helt long we ol pipel i save stap na mekim ol samting. Sapos mipela i laikim gutpela helt, mipela olgeta i mas wok bung wantaim na lukluk long ol komyuniti lida bilong mipela long mekim ol gutpela tingting long ol samting em yumi yet i no nap long mekim.

Gutpela helt em samting bilong komyuniti yet.

Em i no samting we bai yu lusim long han bilong ol papa na mama o putim long wanpela liklik bokis bilong wanpela gavman opisal long lukluk long dispela samting.

Wanpela Nesenel Helt Kraises

Las wik ol saveman bilong helt na ol narapela wok i save go wantaim helt i bung wantaim Minista bilong Helt, Peter Barter long Hohola na toktok bikpela tru long wanem kain samting nau helt long kantri i stap wantaim ol helt sevis.

Olgeta i save olsem i gat bikpela hevi long helt nau i stap insait long kantri. Na i bin gat strongpela sapot tru long minista long kamapim wanpela komiti we bai stiarim gavman long mekim ol samting helt i laikim we bai go long gavmna long lukluk taim ol i mekim 1995 baset na tu long mekim ol plen bilong bihain taim.

Gutpela helt i singaut long olgeta long kam wantaim.

Em i singaut long:

- * gutpela na klinpela wara saplai
- * gutpela kaikai bilong bodi
- * gutpela toilet na ples bilong tromoi pipia we i mas klin
- * gutpela haus we i nogat ol binatang nogut
- * marasin na sut i mas stap klostu tasol we ol manmeri i ken kisim olgeta dei
- * lainim ol mama long we bilong karim na lukautim gut ol pikinini
- * trenspot i mas stap klostu long wanpela helt senat o haus sik o i gat walis o telipon i mas stap klost
- * dispela olgeta samting i mas stap long pepa na bihain trenim ol man long lainim ol manmeri long ol dispela samting long tokples bilong ol yet.

Sapos nau yet ol i wok long toktok long ol bikpela samting we gavman i mas mekim disisen, em i min olsem olgeta gavman atoriti husat i gat liklik wok wantaim ol dispela samting i mas wok bung wantaim: kain ol lain olsem fainens na plening, edukesen, publik works na wara saplai, leba na publik sevis, viles sevis, ekrikalsa, laipstok na fishin, trenspot, komyunikesen, haus sik na helt.

Sapos ol pipel i wok long toktok long ol lokel samting, em i min olsem ol viles lida, ol lapun bikman, kaunsol, sios wokmanmeri, tisa, plis na gavman opisals, olgeta yet i mas wok na helpim ol ed pos nes, komyuniti helt wokman, nes, ol lain i save helpim ol mama long karim pikinini na ol dokta long wanem kain wei ol i nap.

Long Wod Pablising Kampani, mipela i laik helpim long olgeta kain we mipela i ken helpim. I gat tupela samting em mipela i tingting long em olsem na mipela i laik mekim hariap tasol.

Mipela bai putim kamap wanpela spes long Wantok na Times long olgeta wik na mipela i laik tokaut long ol komyuniti helt wokman long givim sampela awot i go long ol lain husat i wok long komyuniti helt long olgeta hap bilong kantri.

Helt bilong Yu

Spes ya bai mipela i kolim "Helt bilong Yu" na bai gat ol toktok bilong ol saveman long:

- * wei bilong stopim ol sik long kamap
- * wei bilong was gut long wara saplai na mekim gut ol toilet na ples bilong rausim ol pipia
- * kamapim gutpela kaikai bilong gutpela helt
- * ol sik yumi save kisim olgeta taim na rot bilong stopim ol
- * wanem samting gavman bilong yumi i wok long mekim long helt sevis
- * kisim ol drag olsem spak brus we i save bagarapim helt bilong ol na tu ol narapela samting i save mekim dispela
- * helt progrem na developmen long we bilong stopim ol sik long olgeta hap bilong wol
- * trenim ol sumatin husat i stap na i laik wok long sait bilong helt na marasin.

Komyuniti Helt Woka Awod

Namel long mun Mas na Ogas na mipela putim aut ol nem bilong ol lain husat i wok long sait bilong helt long ol wanwan provins na Nesenel Kapitl Distrik(NCD) husat em ol i kolim nem bilong ol long mekim gutpela wok bilong helt insait long komyuniti na eria bilong ol. Wanpela awot bai go long wanpela man o meri long wanwan provin na NCD tu.

Na long Septemba bai mipela i tokaut logn wanpela bilong ol dispela spesel pipel husat bai kisim awit olsem Komyuniti Helt Woka bilong Yia long taim mipela i amamasim namba 20 aniveseri bilong PNG long kisim independens.



• Wapela wanenjin balus long Saut Australia i bin ron i go na bungim hevi. Olsem na pallot i putim balus antap long stret long Hum Halwe we balus i go na pundaun gut tru na i no bungim wapela bikpela bagarap tumas. Papa bilong balus, Mark Patterson i tokim plis olsem em i no inap long ronim balus i go moa bikos klaut long hap bilong Hum Halwe i kamap bikpela tumas na i mekim hat long em long lukim rot. Olsem na wapela tingting tasol em long stapim balus long dispela halwe. Em bai ronim balus gen sapos klaut i kila.

OL LIKLIK NIUS

AUSTRALIA: Wapela kalabusman husat i bin brukim windua bilong haus kalabus na ronawe i no mekim dispela samting hait. Bikos haus kalabus ya i gat ol televisen kamera i stap long olgeta hap kalabus rum we i save was long ol kalabusman long olgeta de na nait.

Man ya em Damien Watkins husat i gat 23 krismas na plis i holim em insait long Burwood haus kalabus long pait na tu em i bin traime long pait wantaim plisman na narapela taim em i bin ronawe long plis.

Ripot i tok plis i bin lukim Damien insait long haus kalabus we em i karamapim em yet long ol kapuk bilong matres na kalap i go brukim windua na go pundaun ausait. Em i ronawe tasol plis i holim em bek.

YUROP: Bikpela hevi ren na win i kamapim bikpela bagarap long ol haus na laip bilong planti manmeri insait long ol kantri olsem Nedalen na Frans. Moa long 900 manmeri i lusim haus bilong ol pinis na i go bung i stap long Sauten Beljum we Red Cross i wok long lukautim ol na was long ol long kaikai na ol samting.

Ripot i soim tu olsem birua bilong ren na win bai i kamap klostu taim tu long Beljum na Noten Frans.

Dispela hevi i kamapim bikpela bagarap pinis long ol samting na tu planti manmeri i lusim laip bilong ol long birua ya.

JAPAN: Samting olsem 3500 plisman i go aut long wapela biktaun bilong Japan ol i kolim Kobe long painim bodi bilong 14 manmeri husat i lus yet long taim bikpela guria i kamap na brukim siti long 17 Jenuari.

Dispela bikpela guria i bin kilim samting olsem 5092 manmeri na pikinini.

Nau wapela grup lain grup jimnesium i tokaut olsem gavman i wok long westim taim tumas long painim rot na ol samting bilong go aut na painim bodi bilong ol lain manmeri ya.

Toshitami Kaihara klap i tok ol klap manmeri bilong em bai i go het long painim bodi bilong ol lain ya bikos ol i no inap long westim taim moa long pulim toktok i go i kam wantaim gavman.


AMERIKA: Kot bilong biknem Amerika futbol man, OJ Simpson i no painimaut yet husat i as tru bilong kilim indai meri bilong OJ Simpson, Nicole Brown Simpson na boi pren bilong em long las ya.

Ol loya bilong OJ Simpson i tokaut long kot olsem long taim meri bilong OJ Simpson i dai, ol i sekim blut long han bilong em na dispela blut i no olsem bilong OJ Simpson o boi pren bilong em.

Narapela witnes meri tu i tokaut olsem haus bilong em i klostu long haus bilong OJ Simpson. Na long taim meri bilong OJ Simpson na pren man bilong em i bin dai, em i harim dok i singaut na tupela man i lusim haus na ronawe go aut. Narapela i ron bihain na singautim narapela tasol i no kolim nem bilong em.

I gat moa witnes i wok long kamap yet tu long kot na dispela kot i wok long go longpela yet.

NEW AXION LEMON GREASE STRIPPER



**ISI WE LONG
KLINIM OL DIS
NA SOSPEN
BILONG YU!**



WAN SOLWARA NIUS

Boeng 707 bai i ron long Pasifik

FIJI: Balus kampani bilong Fiji, Air Pasifik na balus bilong Tonga, Air Tonga i sainim wanpela pepa long tupela bai bung wantaim na kisim Boeng 707-300 balus long mekim wok na ron namel long tupela kantri, Redio Nu Silan i ripotim.

Tupela kantri i sainim ol pepa we i stretim ol toktok long dispela samting long Fua'amotu ples balus long Tonga. Dispela em bihain long king bilong Tonga, King Taufa'ahau Tupou 1V na Praim Minista bilong Fiji, Sitiveni Rambuka i tes ron long Boeng long dispela wik.

Balus ya bai i karim pleg bilong tupela kantri wantaim, ripot i tok. Tupela kantri i haiarim balus long Australien Wolwaid Aviesen Sevisis. Na ol wokman bilong Air Pasifik bai i lukautim na ranim balus ya.

Ripot i tok tu olsem plen i stap pinis long ol kebin kru lain bai i bilong Tonga.

Dil ya bai i givim namba wan sans long Tonga long lisim wanpela intenesel, balus, bihain long em istap long baksait na larim ol arapela kantri i stap long franlain bilong aviesen industri.

Ripot i tok sans ya i kamap taim ol balus kampani long ol arapela kantri i bungim hatpela taim long no kampim profit.

Sampela ripot i tok pasin long apim nem bilong kantri i anpela long ol as we i gat 10-pela nesene elain long rijon we i gat 10 milien pipel tasol.

Longpela rot long balus i karamapim, bikpela mani tumas long lukautim balus na nogat gutpela hap long ol turis long stap long em i sampela long ol as long mekim maket long Pasifik rijon i hatpela tru.

Solomon Ailans i pulim 160 tausen dola

SOLOMON AILANS: Bihain long disisen bilong Forum Fiseris ejensi long Honiara i sasim na pulim ol trensefem mani long ol sip i painim fis long ol solwara bilong ol Forum memba kantri, Solomon Ailans i pulim moa long 160 tausen dola long mani bilong Amerika. Ripot ya i kam long Solomon Ailans Brotkasting Kopresen.

Pastaim ol sip bilong ol ausait kantri i save mekim wok bisnis long pis long ol atun pis antap long bik solwara. Tasol long Julai 18, 1993, Forum Fiseris Ejensi i tambuim dispela kain wok antap long bik solwara.

Ripot i tok stat long tambu i go het long Julai, 1993, Solomon Ailans Fiseris divisen i tok inap i kam nau, ol i wokim 170 wok bisnis long pis long Honiara.

Ripot i tok tu olsem planti em ol sip bilong ol korea husat i gat laisens long painim pis na ol arapela abus bilong solwara long ol liklik ailan kantri olsem Marshal, Federetet Stet bilong Maikronesia, Kiribati na Solomon Ailan.

Ripot i tok tu ol sip i save pulim namel long 5-600 ton pis bipo long ol i kamp long Honiara. Na gavman i sasim 2 dola long mani bilong Amerika long wan ton hevi bilong pis.

Solomon Ailan i kisim strongpela toksave olsem ol sumatin bilong em husat i skul long PNG bai ino bungim hevi

SOLOMON AILAN: Gavman bilong Solomon Ailan i akseptim pinis strongpela toktok i kam long PNG Hai komisina long Honiara, Joseph Asaigo olsem em i makim maus long gavman bilong em long garantim sefti long ol sumatin bilong Solomons husat i stap long ol edukesen institusen long PNG. Solomon Ailans Brotkasting Kopresen i ripotim dispela samting.

Pemanen seketeri wantaim Solomons edukesen ministri, Derek Sikua i tok kabinet i sindaun skelim na toktok long dispela samting pinis. Na ol i wanbel long em.

Mista Sikua i tok gavman i tok oraitim tu long ol nupela na olpela sumatin bilong Solomon Ailan i ken go hetim stadi long PNG Yunivesiti bilong Teknoloji.

Ripot i tok tu olsem ol Solomon Ailans sumatin i bin pret long stap skul long PNG bihain long gavman bilong ol i involvim ol yet wantaim long ol hevi long Bogenmvil Ailan.

Fiji bai i riviuwim ol eviesen lo bilong em

FIJI: Bihainim ol nupela senis we i kamap long eviesen bisnis, ministri bilong turisim na sivil eviesen i laik riviuwim ol eviesen lo bilong kantri.

Turisim ministri bilong Fiji, Harold Powell i tokaut long dispela samting long taim em i opisele opim wanpela semina bilong Intenesel trenspot Wokas federesen long Nadi long dispela wik.

Siksti deleget bilong Fiji, Australia, Nu Silan, Bangladesh, India, Indonesia, Japan, Kiribati, Malaysia, Pakistan, Papua niugini, Ripablik bilong Korea na Vanuatu i bin stap long tupela de semina.

Mista Powell i tok olsem ol yunien na ol wokman long sivil eviesen bisnis long Fiji na tu long Esia Pasifik rijon i mekim bikpela wok long pulim ol turis i kam insait long ol kantri.

- (antap) Ol meri Vietnam i sindaun long Britis refusi kem. Laip i hat tru bikos no gat Vietnam i wok yet na ol i kalkal tasol long han bilong Red Cross.
- (aninit) Ol skul tisa i sindaun kalkai na dring bihain long ol i wok hat tru long makim tes pepa bilong skul.

Olpela kalabus lain bai kot egensim Japan gavman.

Wanpela lain manmeri insait long wol bai holim wanpela kot long dispela mun egensim gavman bilong Japan. Dispela kot bai sas \$750 milien we ol olpela paitman bilong woa i laik holim egensim Japanis gavman.

Moa long 22,000 meri bilong Australia husat i bin kisim bikpela hevi tu long taim bilong woa aninit long han bilong ol ami bilong Japan tu bai sapotim dispela kot.

Dispela lain bai kot wantaim gavman bilong Japan bikos ol i tok long taim bilong woa, ami bilong Japan i mekim kain kain pasin na bagarapim ol manmeri bilong Briten, Nu Silan, Holan na Australia.

Gavman bilong sampela kantri na tu long Holen na Briten i soim sapot pinis long sapotim ol lain ya long sanapim gavman bilong Japan long kot.

Tasol Foren Minista bilong Australia, Gareth Evans i mekim dispela lain i belhat taim em i sakim tok bilong ol long i no inap long sapot.

Ripot i tok gavman bilong Australia i wok strong long stapim ol dispela lain manmeri insait long planti kantri ya long rausim dispela kain kot egensim gavman bilong Japan.

Wanpela lapun paitman bilong woa, Harry Rynenberg i tok no gat wara, bikpela wok hat long san, karim kago wok olsem kago boi, no gat marasin i sampela bikpela samting we i kilim planti man i dai long woa.

Mista Rynenberg i tok long dispela taim, ol ami bilong Japan i no gat wanpela samting long amamas o kisim biknem long en.

Kain gavman i mekim long ol trangu meri na ol liklik pikinini insait i no wanpela birua i no gutpela pasin tru, tapu bai i tok.

Enem gavman lapun husat i bin stap long taim bilong woa. Kam inap na i bungim hevi long bun bilong woa na tu skul bilong ol bagarap pinis bikos ol gavman ol bikpela mekim maus.

BETELNUTS & SAGO

PH: 86 2743 FAX: 86 2743

FOR FAST SERVICE:

WEWAK/HAGEN K220 - for ONE 50kg bag (Minimum order 20 bags)

WEWAK/MORESBY K312 for ONE 50kg bag (Minimum order 9 bags)

ORDINARY AIR SERVICE

WEWAK/HAGEN K200 - for ONE 50 kg bag
 WEWAK/HAGEN K597 - for THREE 50 kg bag
 WEWAK/MORESBY K302 - for ONE 50 kg bag
 WEWAK/MORESBY K690 - for THREE 50 kg bag
 WEWAK/TARI K293 - for ONE 50 kg bag
 WEWAK/MENDI - K278 - for ONE 50 kg bag
 WEWAK/TABUBIL K299 - for ONE 50 kg bag
 WEWAK/PORGERA K299 - for ONE 50 kg bag
 WEWAK/GOROKA K242 - for ONE 50 kg bag
 WEWAK/WAPENAMANDA K277 - for ONE 50 kg bag
 WEWAK/LAE-K258 for ONE 50kg bag

DAKA OR MUSTARDS:

WEWAK/HAGEN - K100 for ONE 25 kg
 WEWAK/OTHERS - K120 for ONE 25 kg

SAKSAK OR SAGO

WEWAK/HAGEN K40 - for ONE 25 kg bag

* Cost includes Air Freight Contact: Peter Devis, Dagua Market P.O. Box 89 WEWAK ESP.

Fri baibel

Stadi kos

Husait em i God na wanem samting em (God) I laikim yumi mekim? Bilong wanem yumi kamap?

Bilong wanem yumi stap hia?

Wanem samting bai kamap taim yumi dai?

Bekim dispela askim bai yumi lukim long Fri baibel kos stadi long pas. Long tok Englis. Dispela lesan bai givim gutpela tingting na save long yu. Na bai ya kisim gutpela laip bihain. Oitisa long U.S.A. bai lukautim ol lesan bilong yu long helpim yu. Plis salim nemna adres bilong yu. Klia na salim long mipela.

WORLD BIBLE SCHOOL
 PNG, P.O. Box 9345,
 Austin, Texas 77266 USA

BISNIS LONG PAPUA NIUGINI

Buka depo pulap nau long kopra beg

ALOYSIUS SAMI I raitim

BUKA kopra depo long Not Solomons i bin kamapim moa kopra long las mun. Dispela i winim namba we depo i bin kisim long ol arapela taim. Na dispela samting bai i go het yet long ol taim i kam bihain.

Namba bilong ol bek kopra we depo i kisim long Januari, 1994 i stap olsem 14,853 olgeta. Na hevi bilong ol em 1400 metri ton.

Menesa bilong Kopra Marketing Bod (CMB) long Buka, Steven Bolam i tok as long prodaksen bilong kopra long las mun i go antap em ol papamama i hatwok moa long wokim kopra long kisim mani. Na peim skul fi bilong ol pikinini bilong ol.

Mista Bolam i tok long ol arapela yia, stat long sindaun long Buka i kamap orait, CMB i no save kisim bikpela namba bilong kopra olsem.

Mekim na ples we ol i save putim ol beg kopra long Buka depo i pulap nogut tru. Hevi long spes bilong putim ol bek kopra i kamap long Buka depo nau. Olsem na ol i hipim ol beg ausait.

Bikos hevi i kamap, Mista Bolam i singaut long ol lokol siping kampani long helpim ol long rausim ol kopra kwiktaim long Buka bris. Em ol kampani olsem Kostel Siping na Pasifik Niugini Lain.

Long nau, sip MV Mortimer i stap long Buka bris long karim ol kopra long hap. Tasol em i gat hevi long ensin na i stap. Ol i kisim MV Beumaris, tasol sip ya tu i no pinisim ol kopra. Kopra haus i pulap yet na moa slip ausait long depo, Mista Bolam i tok.

Long dispela wik Mande, Januari 31, Buka CMB i kisim moa long 17,000 beg. Na moa i kam yet. Mista Bolam i tok depo bai bungim hevi yet wantaim spes long putim kopra inap ol sip i kam long helpim ol.

Ol Koiken na Magon papagraun long Wewak laikim hotel indastri olsem kompensesen



• Nupela Boram Intanesenel ples balus long Wewak taim ol wokman i wokim yet long tripela yia i go pinis. Ol papagraun i askim nau gavman long givim binsic wok long ol olsem kompensesen bilong dispela hap graun em ples balus i stap long en.

PASIN bilong askim gavman long baim kompensesen em i wanpela samting tude insait long Papua Niugini. Dispela em long graun we ol gavman sevis olsem rot, bris, skul, haus sik na ples balus i stap long en.

Planti papagraun i save putim petisen o askim bilong ol i go long gavman na askim gavman long baim kompensesen long mani.

GODFRIED YASSAFAR I raitim

Ol papagraun bilong ples Koiken na Magon long Wewak taun, Is Sepik provins, tu i bin askim gavman long baim kompensesen i go long ol. Dispela em long hap graun bilong ol we Boram ples balus i stap long en.

Tasol ol i no laikim o askim gavman long givim ol mani. Nogat. Ol i laikim gavman long

baim kompensesen i go long ol long sait bilong binsic o investmen.

Bihainim dispela tingting bilong ol na tu long lukim olsem tingting bilong ol i karim kaikai, mausman bilong ol, Ralph Perry i paitim toktok na warkurai wantaim nesenel gavman long 1993 na las yia.

Mista Perry i paitim toktok wantaim Lens na Fisikel Plening dipatmen, Komes na Industri dipatmen, Dipatmen Bilong Praim Minista, Sivil Eveasen dipatmen, Provinsal Afeas dipatmen, Jastis dipatmen, Dipatmen Bilong Is Sepik na Kalsa na Turisim dipatmen.

Taim Mista Perry i paitim toktok wantaim ol dispela dipatmen long 1993, em i tokaut

long ol wanem kain samting ol papagraun bilong Koiken na Magon i laikim olsem kompensesen.

Mista Perry i tokaut long nesenel gavman na ol dispela gavman dipatmen olsem em wantaim ol pipel bilong em i no laikim gavman long givim ol mani olsem kompensesen. Tasol ol i laikim olsem nesenel gavman i mas putim kamap wanpela developmen projek i go moa long pes 12

KLINA KLINA KLINA

KLINA KLINA

KLINA



...usim olgeta dei!

* Em strongpela hap sop!

* Em save stap longpela taim!

* Em isi wei long mekim samting klin!

BISNIS LONG PAPUA NIUGINI

Ol bisnis wok long groa gen long Buin

VERONICA HATUTASI i raitim


WOK bisnis long Buin distrik i kirap isi isi nau. Dispela em bihain long olgeta bisnis wok i bin pas long 6-pela yia olgeta taim pait namel long ol sekyuriti fos memba na Bogenvil Revolusinari Ami i kamap long Bogenvil.

Ol ripot i kam long Buin distrik menesa, Paul Mitu, i tok tripela tred stoa long Buin taun eria i op nau. Na givim helpim long ol pipel long hap. Paul Bana i papa long wampela bilong ol dispela stua. Papa bilong narapela tupela stoa em James Dising na Martin Baubake.

Mista Mitu i tok ol pipel i stat long klinim ol gaden kakao na kokonas bilong ol. Ol sief long eria na ol bikman nau i strongim tu ol pipel long planim rais.

Ol Kaunvil ov Sief long Makis na Lenoke eria i kirapim pinis ol rais projek we ol pipel i planim rais long gaden bilong ol. Strongpela toktok i go nau long ol pipel long ol arapela COC eria long bihainim ol brata bilong ol na kisim rais projek i go long ol eria bilong ol, Mista Mitu i tok.

Provinsal Ikonmik Sevisis Divisen na ol DPI wokman i baim pinis ol mesin bilong helpim ol pipel bilong Buin long go hetim wok lbiong planim, lukautim



• Taim ol bisnis i kirap gen long Bogenvil, planti i baim ol mesin samting olsem tairaita, feks mesin, komyuta na potokopi mesin. Tasol i nogat saveman long stretim. Olsem na tupela kampani, Hakena Koperesen long Buka wantaim BEST i salim man long poto, Raphael Gini i go trening long Mosbi wantaim Remington Pitney Bowes kampani. Bihain long tripela mun, Raphael i lukautim opis bilong Remington nau long Buka. Na sevisim nau ol mesin. Foto: Aloysius Sami.

na klinim rais. Tasol ol mesin i stap yet long Buka, wetim trenspot long kisim ol i go long Buin.

Long wankain taim tu, ol lain husat i gat laik long statim kakaruk projek i givim nem bilong ol pinis long ol

lain bilong Ikonmik Sevisis. Mista Mitu i tok dipatmen bai salim ol bebi kakaruk wantaim kaikai bilong ol.

Tumbuna marasin kamapim kampani

GODFRIED YASSAFAR i raitim

LONG nau yet, taim mipela i painim sik, mipela i save go long haus sik na kisim marasin bilong ol waitman long pinisim sik. Sampela taim mipela i save go long ol famasi (marasin stua) na arapela bikpela stau long baim marasin bihainim wanem sik mipela i kisim o i gat. Tasol long bipo, ol tumbuna bilong mipela i save yusim ol samting bilong bus olsem lip, skin, rop, wara na plawa bilong diwai, lip bilong gras na tu olsem arapela samting olsem marasin long pinisim sik. Nau bihainim kankain marasin ol waitman i kisim i kam insait long kantri, mipela i no moa yusim o luksave long ol bus marasin ol tumbuna bilong mipela i bin yusim bipo. Wampela bikpela samting i olsem mipela i no luksave olsem tredisenel (bus) marasin

long sosaiti bilong mipela i ken putim mani go insait long poket bilong mipela. Mipela i no luksave olsem ol marasin bilong bus we ol tumbuna bilong mipela i bin yusim i ken kamapim wampela bikpela o liklik kampani. Na i ken helpim ekonomi bilong kantri. Long wankain taim, holimpas na luksave yet long wanem kain ol tumbuna marasin mipela i gat long sosaiti bilong mipela. I kam inap long nau, wampela Papua Niugini meri yusim tredisenel marasin long kamapim wampela liklik kampani. Na i wok long wokim ol tredisenel marasin na salim long ol bikpela stua na famasi. Wampela liklik invesmen nius leta bilong Invesmen Promosen

Atoriti (IPA) ol i kolim LUKSAVE i tokaut olsem dispela meri soim aut olsem tredisenel marasin i gat bikpela wok insait long sosaiti bilong mipela. LUKSAVE nius leta bilong IPA i tok dispela meri ranim wampela 100 pesen Papua Niugini sitisen kampani. Dispela kampani wok long wokim na salim ol marasin bilong ol sik i save kamap long skin bilong ol manmeri na pikinini.

Ol marasin bilong skin, LUKSAVE i tok, i stap long tripela rot bilong yusim-krim i gat wel na hevi bilong em inap long 30 gram, krim nogat wel na hevi bilong em inap long 30 gram na wel-20 mililita. Dispela tripela marasin i stap nau long ol Siti Famasi stau insait long kantri.

Ol papagraun laikim bisnis

i kam long pes 11 olsem kompensesen. Long dispela ol kibung em i holim wantaim nesenel gavman na ol gavman dipatmen, Mista Perry i givim plen bilong dispela developmen projek i go long ol. Aninit long dispela developmen plen, Mista Perry i laikim olsem gavman i mas wokim

wampela hotel, motel o hospitaliti indastri long Boram nambis klostu long Boram ples balus. Dispela developmen plen bai kos samting olsem K2 milien. Mista Perry i tokaut olsem em wantaim ol pipel bilong em i askim nesenel gavman long wokim dispela developmen projek insait long

5-pela yia. Stat long dispela yia i go inap long yia 2000. Em i tok long nau yet, em i wok long warkurai wantaim Fes Asisten Seketeri bilong Polisi na Plening divisen bilong Praim Minista dipatmen, Clement Samunara long dispela plen bilong ol.

Bikpela wel kampani long PNG baim moa sia

JOE KANEKANE i raitim

BIKPELA wel kampani long Papua Niugini ol i kolim Oil Search Limited i baim pinis 25 pesen moa sia insait long PPL161 long BP Exploresen, long kampani i ken mekim moa wok painimaut insait long dispela projek.

Kampani i baim dispela sia long 55 milien Ameriken dola.

Siaman bilong Oil Search, Trevor Kennedy i tok dispela dispela muv i karim groa bilong kampani i go klostu long ol rot bilong mekim kamap bikpela ol wok developmen bilong painim, kisim na salim wel insait long kantri.

"Mipela baim moa sia long strongim ol wok bilong Oil Search insait long kantri olsem wampela bikpela wel na ges kampani, na moa sia bai helpim kampani long kamautim wel long stretpela taim," em i tok.

Menesing dairekta blong Oil Search, Peter Botten tu i mekim wankain toktok olsem siaman blong kampani. Em i tok moa sia bai helpim kampani long apim risev wel beis bilong ol long i go moa long 70 pesen, na skruim namba blong ol wel barel i go klostu long 40 milien barel.

Mista Botten i tok PPL161 o eria

wok i kamap nau long painim wel i gat bikpela namba bilong wel ol i no drilim o kisim yet. Bikos i gat strongpela bilip olsem ol ol risev o ekstra wel long dispela ol hap i sanap klostu long 50 na 150 barrel.

Em i tok tu olsem dispela muv bilong baim moa sia i soim olsem kampani i wok long kamap isi isi olsem wampela bikpela wel kampani insait long saut pasifik na esia rijon.

"Ol dirling o wok bilong painim wel i soim olsem i gat gutpela rekot long ol wok painimaut bilong mipela, na mipela i gat strongpela bilip olsem bai i gat moa developmen long Gobe na Saut Is Gobe wel", em i tok.

Kampani i tokaut olsem em i bin salim moa long 38.63 milien sia. Wampela sia i kos 84 Ameriken sen. Long ol dispela sia, kampani i tingting long kisim bek moa long 30 milien Ameriken dola long helpim wok bilong kampani.

Ol kampani i gat sia insait long PPL161 i sanap olsem:

Oil Search Ltd	10.017 pesen
Chevron	25 pesen (opereita blong projek)
BP Exploresen	25 pesen
BHP petroulem	12.5 pesen
Mitsubishi	6.25 pesen
Ampolex	21.23 pesen

10-pela manmeri makim PNG long turis kibung

PETER KASIA i raitim

TURIS Promosen Atoriti (TPA) bilong Papua Niugini i salim pinis 10-pela manmeri bilong kantri i go long Australia. Ol bai stap insait long wampela kibung bilong 'National Eco-tourism Startup'. Kibung i bin stat asde, Trinde Februari 1 long Kenbra, wampela biktaun long Australia. Kibung bai pinis long Februari 7.

Dispela kibung em ol i holim bilong helpim na trenim ol husat manmeri i save gat laik long wok bisnis long turis bisnis. Ol bai kisim gutpela save long ronim ol dispela kain bisnis, we ol narapela manmeri bilong Australia na ol liklik kantri bilong Pasifik tu bai stap insait long en.

Ekting Sief Eksekyutiv bilong TPA, Eva Arni long dispela wik Mande i tokim Wantok olsem dispela Kibung long Kenbra bai givim ol dispela 10-pela lain wampela gutpela tingting long lainim moa long ol wok bilong ronim ol turis bisnis olsem ol liklik ges haus, lodges, na ol narapela kain wok olsem.

Insait long ol dispela 10-pela lain, 7-pela em ol opereta o papa bilong ol kain turis bisnis olsem ges haus, tour opereta na tour guides, wampela bilong CUSO na tupela em bilong TPA yet.

Misis Arni i tok amamas tru long ol dispela lain olsem ol i bin wokhat tru long developim wok bilong turis indastri long kantri. Na nau yet ol i wokbung wantaim TPA bilong go hetim dispela kain wok.

"Taim mipela i bin makim ol dispela lain bilong makim PNG, mipela i bin traum long makim ol manmeri long olgeta hap bilong kantri," Misis Arni i tok.

Ol lain husat i stap nau long Australia em Maggie Wilson, mama bilong Haus Poroman long Maun Hagen, Alois Meteos, papa bilong Sepik Adventure Tours bilong Ambunti, Richard Budu, papa bilong Wasi Fall Tours long Lake Kutubu, Boston Tusikai, papa bilong Mansava Lodge long Kavieng, Neville Cleto, hap papa bilong Smile Tours long Mosbi, Alos Yagas, dairekta bilong Madang Visitors Bureau

long Madang, Wallace Andrew, papa bilong Kinawale Ges Haus long Alotau, Cicilia Ronderos husat i makim ol CUSO, na tupela man bilong TPA yet, Akame Tunama na John Kambowa.

Misis Arni i tok kain kibung i gutpela tru bilong givim trening long ol PNG manmeri husat i gat ol gutpela save long kirapim ol turis indastri o bisnis insait long kantri.

Em i tok ol lain husat i gat laik long go insait long ol dispela kain bisnis em TPA bai helpim ol.

"TPA i luksave olsem ol liklik opereta bilong ol turis indastri o bisnis mas i gat gutpela trening. Na nau yet TPA i kamapim na luksave pinis long ol wanem eria em bai givim trening long ol manmeri husat i laik go insait long turis bisnis," Arni i tok.

Misis Arni i salim bikpela amamas i go long Air Niugini balus kampani, husat i bin givim hap prais tiket long ol dispela 10-pela manmeri long go long Australia.

PNG LAIPSTAIL

Tingting bilong ol Aitape pipel long agro fores projek

PLANTI toktok i bin kamap long las yia long bikpela Agro Fores Developmen long Aitape distrik long Wes Sepik Provins.

Taim dispela agro fores projek i kisim tokorait, namba wan kampani go insait long karim aut dispela projek em Arrow Pacific i sainim tokorait long wokbung-Join Vensa Kontrak (JVC) wantaim wanpela papagraun kampani ol i kolim Siau-Batai Pty Ltd. Bihain long sampela taim, wanpela arapela kampani nem bilong en Damansara i baim aut Arrow Pacific. Na go het long sainim pepa na arapela samting bilong JVC wantaim ol Pai, Siau, Batai na Talama papagraun.

Bikpela protes o egens i bin kamap long ol papagraun. Planti ripot i kamap long ol niuspepa na tu long redio long dispela projek. Ol papagraun i salim komplek na egens i go tu long ol gavman dipatmen.

Bihainim ol dispela komplek, Busgraun Komiti long Aitape i oganaisim na askim Minista Bilong Agrikalsa na Laipstok, Bernard Narokobi long go long Aitape. Na toktok wantaim ol papagraun na arapela pipel insait long projek eria long kisim toktok bilong ol.

Agrikalsa na Laipstok minista, Mista Narokobi go na holim ol miting wantaim ol papagraun bilong projek eria long Fonde, Disemba 29 i go inap long Fraide, Disemba 30 long las yia.

Ripota *Godfried Yassafar* i raitim dispela ripot bihainim ol ripot em i kisim long *Busgraun Komiti* long ol miting Mista Narokobi holim wantaim ol papagraun bilong projek eria. Ripot ya i toktok long tingting bilong ol pipel.

YAKAMUL: Ol pipel i tokaut olsem Damansara i no bihainim stretpela rot long kisim tokorait bilong ol papagraun. Kampani no paitim toktok wantaim olgeta papagraun. Planti paul na krangi pasin i kamap. Ol i tok i nogat gutpela awenes kempen i kamap long tok klia long ol papagraun long dispela projek. Ol i les long welpam projek. Ol i laikim ol arapela agrikalsarel projek olsem kofi. Ol i tokaut tu olsem ol i no stap insait long dispela JVC Damansara i sainim wantaim ol papagraun. Na tu ol i no save long wanem kain samting i stap insait long Memorendum ov Andastending (MOU).

LEMIENG: Ol pipel i tok sapos ol i larim Damansara i go insait long bus na graun bilong ol, kampani bai mekim ol i kamap olsem ol kalabus manmeri. Ol i tok ol i no laik long leba manmeri bilong dispela ovasis kampani. Na bai no inap stap olsem papagraun. "Mipela i no nidim tumas mani. Dispela samting i kam long kastam bilong arapela man. Mani no inap helpim mipela tumasgraun i lukautim mipela," ol pipel bilong Lemsieng i tok. Ol i tok ol i bin makim ol mausman bilong ol yet. Tasol Damansara i abrusim dispela ol mausman na makim ol mausman long laik na tingting bilong ol. Dispela i soim olsem Damansara i no rispektim ol.

"Mipela i laikim developmen. Tasol developmen i mas kamap bihainim gutpela na stretpela rot. Developmen i mas givim bikpela helpim i go long ol pipel na i no investa/divelopa kampani," ol pipel long ples Lemsieng i tokaut.

SIAU: Kampani no sindaun na kaikai wantaim ol pipel. Ol i tok kampani gat interes o laik long sainim tasol JVC. Kampani kamapim ol paul na krangi pasin-yusim mani na ol arapela samting long baim tokorait bilong ol pipel. Ol pipel i no givim sapot long Damansara long karim aut dispela agro fores projek.

SUAIN: Tupela lain papagraun tasol i sapotim Damansara. Ol i amamas long kampani katim diwai bilong ol na planim welpam. Ol arapela lain papagraun long i tok nogat long dispela projek i kamap. Ol lain husat i les i tokaut olsem nogat gutpela toktok i bin kamap. Gavman i no kam insait long helpim ol pipel long paitim toktok wantaim kampani. Kampani no sindaun wantaim ol pipel na paitim toktok.

ULAU: Ol i laikim kampani long karim aut wok. Long wanem ol i laikim developmen i mas kamap long eria bilong ol. Tasol ol i tokaut olsem gutpela awenes kempen long skulim ol pipel mas kamap. Dispela em long tok klia long ol pipel na ol i ken luksave long wanem kain wok bai kamap.

Sampela bilong ol i tok ol i laikim developmen. Tasol ol i nogat sans long stadi gut long JVC. Ol i tok disisen na rait bilong graun mas stap wantaim ol pipel. Na i no wantaim gavman o kampani.

PES: Ol pipel husat i sapotim Damansara i tokaut olsem dispela projek i mas go het. Ol i tok Aitape i nidim developmen. Olsem

dispela projek i mas go het long kamapim gutpela sindaun long ol pipel. Ol lain husat i no sapotim Damansara i tok developmen i gutpela. Tasol ol i mas skelim na glasim gut ol samting na hevi ken kamap bihainim ol bikpela developmen projek.

MALOL: Ol pipel i tokaut olsem ol i no laikim kampani.

Bikpela tru ol i tok olsem ol i no amamas long dispela JVC. Mista Narokobi tokaut long ol pipel olsem ol i no ken larim kampani grisim ol long kamapim paul na krangi pasin. Na go het long sainim ol pepa. Mista Narokobi tokaut olsem dispela projek bai go het inap olgeta papagraun i tokorait. Sapos i gat hevi stap yet, projek bai no inap

kamap. "Long nau yet, projek i no kisim gutpela tokorait yet. Gutpela tokorait bai kamap long mun Mei o Jun sapos olgeta samting i orait," Mista Narokobi tok.

Em i tok long nau yet, em i no lukim ol plen bilong kampani long wokim ol samting olsem rot, bris, skul, helt senta, plis stesin na pos opis. Dispela

em i wanpela nupela projek long eria bilong yupela. Tasol sampela bilong yupela i les, sampela i laikim na ol arapela i stap long namel.

Em i askim ol pipel bilong Aitape long no ken hariap long stretim ol samting long wokim dispela projek i go het. Bikos dispela i ken kamapim hevi long bihainim taim.



Taim bilong klinim skul....1995 skul yla i bin stat long las wik. Long sampela hap bilong kantri, bikpela ren i pundaun na mekim ol gras i bikpela stret. Olsem na ol sumatin i mekimsave stret long katim gras na klinim skul eria. Long dispela poto yu ken lukim ol pikinini helpim ol papamama long klinim Katolik Sande skul klasrum long Popondetta las wik. Poto: Daniel Mona.


Kalsa bilong ol Teptep pipel i stap nau long vidio kaset na buk

PETER KASIA i raitim

SANDE, Janueri 8, 1995 em i wanpela bikpela de we ol pipel bilong Teptep long boda bilong Morobe na Madang provins bai no inap long lus tingting long en taim oli stap laip long dispela graun. Long dispela de, wanpela bikpela bung i bin kamap long dispela liklik stesin. Na ol i lukim namba wan vidio kaset na buk we i toktok long laip na pasin tumbuna long ples bilong ol. Nesenel Misium na Nesenel Kalsa Komisn i bin go pas long dispela de. Na i presentim o givim dispela vidio kaset na buk i go long ol pipel bilong Teptep. Ples Teptep i stap antap long ol bikpela maunten bilong "Finista

Rens" long namel o boda mak bilong Morobe na Madang provins. Baundri mak bilong dispela tupela provins i soim olsem ples Teptep i stap namel long Kabwum distrik bilong Morobe na Raikos distrik bilong Madang provins. Teptep stesin long dispela de em i bin pulap tru long ol pipel husat i bin kamap long witnesim na lukim video kaset na buk. Dispela vidio kaset ol i givim nem o taitel olsem "Nayudos Amun Union Kalsa So." Insait long dispela vidio kaset i gat ol tumbuna stori bilong ol pipel bilong ples olsem Nankias, Nambis, Yupna, Domons, Oroua na

Dispela vidio kaset ol i givim nem o taitel olsem "Nayudos Amun Union Kasls So." Insait long dispela vidio kaset i gat ol tumbuna stori bilong ol pipel bilong ples olsem Nankias, Nambis, Yupna, Domons, Oroua na Sam. Ol dispela ples i stap klostu long Teptep stesin.



• Mista Ombone bilong Nesenel Kalsa Komisn i givim vidio kaset na buk i go long Mr Saonu na Mista Puap. Mrs Kaira bilong Nesnel Misium i sanap na lukluk i stap.


Sam. Ol dispela ples i stap klostu long Teptep stesin. Bipo long ol i putim aut dispela vidio kaset na buk, i bin gat planti ol samting i bin kamap olsem ol siagsing tumbuna, kainkain pilai na tu bikpela kaikai. Wanpela man husat i bin go kamap long dispela de em nesnel Palamen memba bilong Kabwum ilektoret-Ginson Saonu. Mista Saonu i tok olsem dispela vidio kaset na buk em wanpela oganaisesen ol i kolim Skul Bilong Wokim Piksa i bin kamapim long Goroka. Dispela oganaisesen i kisim bikpela sapot na helpim i kam long Yuni-versiti ov Teknoliji long Lae. Bihain long bikpela

kaikai ol i bin presentim dispela tupela samting i go long tupela sinia opisa bilong Nesenel Misium- Julie Kaira and Mr Wally Ainui na opisa bilong Nesenel Kalsa Komisn - Kaiku Ombone. Mista Saonu i tokim ol pipel bilong Teptep olsem ol i mas amamas. Bikos dispela tupela samting em bikpela samting insait long laip bilong ol na tumbuna pasin bilong ol. Em i tok tu olsem kalsa na pasin tumbuna bilong ol pipel long bipo i no save kamap ples klia. Na wantaim dispela vidio kaset na buk ol narapela pipel insait long kantri na ausait tu bai ol i ken lukim na save.

Ples Teptep i stap antap long ol bikpela maunten bilong Finista Rens long namel o boda mak bilong Morobe na Madang provins. Baundri mak bilong dispela tupela provins i soim olsem ples Teptep i stap namel long Kabwuk distrik bilong Morobe provins na Raikos distrik bilong Madang provins.



•Wanpela tumbuna singsing grup i mekimsave long paitim kundu na brukim skru long Teptep stesin.



SKRUIIM TOK

Lep i go long rait

- 1. Rop bilong kilim pis
- 5. Rose na Jean
- 11. I gat tupela long pes bilong yu
- 12. Iektoret bilong Sir Julius Chan
- 15. Wanpela diwai
- 17. Birua pis bilong solwara
- 18. Ples bilong givim sut
- 21. Nevi bilong Ingran i gat dispela nem long ol sip bilong ol
- 23. Kekeni ... mase
- 24. Man, tasol em i olsem meri
- 26. Dispela sios bai amamasim 100 yia bilong em long PNG.

- 28. Biaha, Toro Phantomen tripela
 - 29. Mista (to Kuanu-atu)
 - 30. Singsing bilong ol Siasi.
 - 32. Arnold ... Wanpela Wes Irian em ol Indonesia kilim
 - 33. Burns Philp
 - 34... Rarua, namba wan Hai Komisina bilong PNG long Australia.
 - 35. Em tru
 - 37. Pablik Sevi Komisi
- Antap i go daun**
- 1. Ol binatang i save wokim haus long gras bilong man
 - 3. Yuntifet Nesensel
 - 4. Em i save subim

- kaikai i go daun long nek
- 5. Singsing bilong ol yangpela Simbu
- 6. Sikis, seven nain
- 7. Bipo ol plisman save pasim dispels kain kala laplap
- 8. ... Taim!
- 9. 12-pela
- 10. Yu tok (Motu)
- 13. Pati bilong Pater Momis
- 14. Wanpela kain loli pela kain
- 20. Bilong dring wantaim bret o bisket long moning
- 21. Taim bilong dring aspro
- 22., Julius Chan na Pita Lus i gat dispela namba.

- 23. Strongpela samting na i no inap long man i brukim long han
- 24. Ol liklik birua bilong ol sayor fama
- 25. Kaikai bilong ol pis
- 27. I no daunbilo
- 28. Retpela, waitpela na grinpela em tripela
- 29. Man i gat dispela sik bai kus planti na em i luk olsem lapun man
- 31. Yau
- 36. Amerika

Ol Ansa bilong Skruim tok long pes 17

Papamama kamapim hevi long marit na ol pikinini kisim mekimsave

LEO WAFIWA
i raitim

TUDE long Papua Niugini i gat bikpela hevi nau long sindaun i no save kamap gut namel long ol marit. Na tu marit i save bruk na ol pikinini save paul nabaut.

Ol lain husat i save kisim bikpela hevi long dispela em ol meri na pikinini.

Planti taim ol meri save soim pes long ol welfea senta, na tu long famili plening. Na askim long sampela aida long kisim sapot mani long papa, husat i lusim ol.

Long ol plis stesin, em i no nupela hevi long ol plisman.

Ol mama save kamap long plis stesin wantaim wanpela pikinini long han na putim komplek olsem papa i spak na krosim na paitim ol. Dispela kain laip stail i kamap bikpela nau long gutpela kristen kantri, Papua Niugini.

Long namba wan wik bilong mun Janueri, wanpela marit i laik pait long Jacksons intansenenel ples balus long Mosbi. Marit ya i bilong Simbu. Planti manmeri wantaim pikinini i kam bung na lukim dispela marit i wok long pulim toktok i go i kam.

Meri tromoi wanpela hap toktok long man olsem "mi no save olsem wanem na mi maritim yu. Yu no wanpela gutpela man. Yu no save tingim mi na ol pikinini. Yu save kisim potnait mani na go raun spak wantaim ol poroman na poromeri bilong yu."

Meri ya i gat namel long 20 na 25 krismas. Em karim tupela pikinini long sait sait. Bikpela pikinini man i gat 6 0 7-pela krismas samting. Na namba tu pikinini i gat samting olsem 5-pela krismas.

Klos laplap bilong em i bruk liklik long sait taim em i pait wantaim man bilong em.

Ol pikinini i putim ol singles na trausis em i luk olsem mama i no wasim long tupela wik samting.

Papa bilong dispela tupela pikinini i putim gutpela klos laplap. Em putim wanpela nupela stokmen su, wantaim wanpela blu jins, yelopela Winfield Kumul singles na aiglas.

Papa i sanap arere long wanpela nupela Nissan Bluebird ka we glas long baksait em meri i brukim, taim tupela i pait.

Planti manmeri kam

bung na papa kwiktam kalap long ka na tekov. Taim ka i tekov, wanpela meri insait long ka i apim het bilong em.

I luk olsem man ya i mas raun wantaim nupela meri, na namba wan meri i kros long dispela.

Namba wan meri pulim bikpela pikinini man long han na karim narapela long sait, na givim sisti i go antap long bas stap. Em tok long go lukim ol lain bilong em, bai ol paitim man bilong em na kisim ka olsem kompensesen o sapot mani.

Dispela em wanpela gutpela piksa bilong planti hevi olsem em i save kamap namel long ol marit nau insait long kantri.

Tumbuna taim

Bipo long taim bilong tumbuna, ol papamama o kandre na anti save makim meri long man o man long meri i maritim. Maski man na meri i no pren longpela taim long save gut long pasin bilong tupela wanwan, bai tupela i gat gutpela sindaun bihain taim. Dispela pasin bilong makim na redim marit i bikpela long Melanesian sosaiti, na tu long planti hap bilong dispela graun.

Tasol wanpela samting em ol dispela marit bilong taim bipo i no save bruk. Marit i stap amamas wantaim na ol pikinini i kamap gut bikos olong bilip o kastom.

John Seso em wanpela bikman bilong Sandaun provins. Em i gat moa long 50 krismas. Nau yet em i kam stap wantaim pikinini meri bilong em long Mosbi, na limlimbur liklik.

Seso i tok long taim bipo, i gat as bilong ol marit i kamap. Sampela taim man i maritim meri long narapela wanpispin o haus lain bikos ol i laik stapim kros pait pasin, em i bin kamap namel long ol long longpela taim.

Na marit ya i olsem mak bilong gutpela sindaun o pis. Olsem na wantaim dispela rispek, man na meri bai tingim na sindaun gut.

Seso i tok tu olsem sampela taim, man laik kisim moa graun na marit long meri we i nogat brata na susa. Tasol em (meri) i gat planti graun. Olsem na taim man i tingim dispela, em bai lukautim gut meri bilong em. Tru olsem liklik hevi save kamap namel long ol marit. "Olsem



marit bilong mi. Wanpela samting i holimpasim marit bilong mi na meri bilong mi. Olsem na mitupela bai stap amamas wantaim inap mitupela indai," Seso i tok.

Seso i marit olsem. Taim em i yangpela man, papa bilong meri (Sumo Mego) i go long bikbus long holimpasim pik. Tasol pik i gat moa strong na klostu kilim Sumo.

Seso i go limlimbur raun tu long bus na harim bikpela nais tru. Em kamap na lukim olsem Sumo i nidim helpim. Seso kisim bikpela hap diwai na kilim indai dispela pik.

Bekim long dispela, Sumo givim em pikinini meri bilong em wantaim wanpela hap graun. "Mi tingim dispela na save rispektim marit bilong mi. Maski mi kisim namba tu, tri o foa meri, mi no inap rausim namba wan meri bilong mi."

Antap long hailans na tu long Papua rijon, ol man save tromoi bikpela mani tru long baim meri. Na dispela em wanpela samting we i holim pasim marit.

Marit bilong tude

Tude wanwan marit long ples em ol papamama i makim. Na tu planti bilong ol dispela marit i no save kamap gut. Kros pait save kamap namel long ol dispela marit.

Planti yangpela i

marit long ol taun na siti. Dispela em bihain long tupela i poro na raun wantaim, slip wantaim na save long tupela yet long sampela taim.

Ol saveman na save-meri long wok bilong kamapim gutpela sindaun olsem long ol welfea senta i tok long gutpela marit i kamap, man na meri i save save gut tru long tupela yet pastaim. Sapos tupela i gat wankain lak long planti samting tupela i ken mekim wantaim, marit bai kamap gut.

Na tu i gat sampela hevi em i save kamap namel olsem long sait bilong man o meri i dring spak na i no tingim ol pikinini.

Tasol i gat sampela hevi i wok long kamap long ol yangpela manpela meri bilong tude. Tupela wik i go pinis, Wantok i tok pilai wantaim tripela yahgpela, tupela meri Is Sepik na wanpela boi Kavieng.

Ol tripela yangpela i wok long stori i stap na Wantok i tromoi hap tok pilai olsem, "hei tupela liklik susa bilong mi. Em naispela boi Kavieng ya. Yutupela gat laik orait toksave tasol."

Na kwiktam tupela wantaim i bekim, "yu go em brata bilong mitupela ya."

Tupela yangpela kum katim meri Sepik wantaim stail boi Kavieng i wok wantaim long wanpela opis, moa long

wanpela yia nau. Ol i save lukim ol yet, tok pilai long moning, belo taim na apinun. Na tu long wiken, sapos ol i bung bai ol i stori liklik pastaim o tok moning o apinun.

Wanpela samting tasol em ol i no save long wanem samting ol i save laikim long mekim long fri taim bilong ol. Ating olgeta tripela i gat wankain laik o kain kain laik.

Tasol dispela bekim bilong tupela susa em i wanpela bikpela hevi insait long ol Melanesian sosaiti tude, olsem Papua Niugini.

Taim wanpela yangpela man o meri i save long tupela yet long longpela taim, hariap tru tupela bai kolim tupela yet olsem susa brata. Na taim wanpela i askim laik long narapela, toktok na tingting bilong brata susa bai kamap. Na dispela i save stapim tupela long kamap poro raun, na bihain kamapim gutpela marit.

Taim wanpela nupela man o meri i kam askim laik, kwiktam bai man o meri i yesa tasol. Na planti bilong ol kain pren olsem save stap long wanpela yia tasol na marit i kamap pinis. Na bihain bai ol hevi kamap. Bikos tupela i no save long tupela yet.

Tasol sampela em i gutpela. Ol save poro i go moa long pes 17



□ Kanage em i wanpela strongpela misinari. Olgeta Sande em i save go long misa. Em i save bihainim stret olgeta samting na toktok i stap long Baibel. Bikpela samting i olsem em i no marit. Taim ol manmeri na poroman bilong em i askim em long watpo na em i nogat laik long marit, em i save tokim ol olsem: Wanem, mi mas marit long stap laip long dispela graun. Wanpela taim nau Kanage wantaim wanpela poroman bilong em i go limlimbur long taun. Tupela raun i go na Kanage i lukim wanpela yangpela meri. Em i lukim dispela yangpela meri na meri ya i kukim em wansait stret. Poroman bilong Kanage luksave pinis long dispela samting. Mekim i go nogat na Kanage tokim poroman bilong em olsem: Peren, meri ya maski kum katim, wara wasim na mambu tu i katim em ya. Poroman bilong Kanage lap na tokim em: Mi ting olsem ol strongpela Kristen i no save aigris o mangalim samting bilong arapela man. Kanage harim poroman bilong em i tok olsem na em i tok: Gutpela poin bilong yu. Tasol toktok bilong mi bai no inap kamapim trupela samting. Mi toktok long kisim swit tasol long strongim mi long stap wankain yet.

Yava Kanage
MOSBI

■ Kanage i go raun long Wewak taun long wanpela Sarere moning. Skul holide tu na taun i paia stret long kainkain pes. Kanage bungim sampela poroman bilong em na ol i sanap na stori stap long aste nait. Ol i sanap stori stap na Kanage lukim wanpela hapkas PS Kantri na Wopa Kantri meri wantaim ol poromeri bilong em i wokabaut i kam. Ol i wokabaut i kam na dispela hapkas PS na Wopa meri saitim stret long beksait bilong Kanage. Na Kanage piim olsem ol skin gras bilong meri ya i tasim skin bilong em. Kanage tanim na tokim meri ya olsem: Hones, poro yu karim stret ya. Tam meri ya i harim olsem, em i tanim lukluk long Kanage long lek i go antap long namel bilong em na tokim: Hones, poro yu ova lod stret ya. Kanage kirap na tokim em: Maski, yu kamap na kamap tumas. Meri ya harim olsem na askim Kanage: Kamap long wanem hap-long daunbilo bilong yu? Karim lap na tokim meri ya: Kain bilong yupela ya, i no save luksave long wantok. Meri ya wantaim ol pren bilong em harim olsem na putim hangasip long maus na lap.

Man Wantok
WEWAK

□ Kanage wantaim meri bilong em i marit nupela na stap. Wanpela nait nau tupela i slip i stap. Kanage em man bilong slip olsem enimol. Em i slip dai olgeta. Tasol misis bilong em i no slip. Em i wok long slip na tingting long marit laip bilong em wantaim Kanage bai gutpela i nogat. Em tingting i go na tingting bilong em i paul olgeta. Em nau em i kirapim Kanage na tokim em olsem: Kanage, mi wok long tingting planti ya. Mi no save sapos marit laip bilong mi wantaim yu bai gutpela o i no gutpela. Yu gat wanem kain tingting?

Kanage klinim tupela ai bilong em na tokim misis bilong em: Yu save o nogat. Mitupela i stap wantaim long wanpela mun nau. Mitupela i no stap wantaim longpela taim yet na yu gat dispela kain tingting. Bikpela samting yu mas luksave i olsem Baibel i tok taim wanpela man na meri marit, tupela i kamap wanpela bodi tasol. Olsem na nau mi givim mi yet ba bodi bilong mi go long yu. Na yu tu mas mekim wankain samting. Yu mas givim yu yet, bodi bilong yu na dispela samting tu i kam long mi. Meri bilong Kanage harim Kanage tok "dispela samting" na em i tokim Kanage: Mi ken givim i kam long yu tasol i mas stap sotpela taim tasol na kam bek long mi.

Nangu Power
WEWAK



Big Bro REBO

30 Minit I LEP I GO FULTAIM ...

30 Min I LEP,

TICK! TICK! TICK!

SKOA I STAP LONG "PNG-14" NA "AUSTRELIA-10" ...

OL AUSTRALIA I PILAI STRONG NAU ...

FULBEK KISM BAL NA MEKIM BREK IGO ...

TAKOLIM EM!!

LONG KONA STRET EM KALAP NA PUTIM TRAI ...

GIT WAN, BRET! NAU YUMI LEVOLIM SKOA WANTAIM OL P.N.G!

WHEN



Spak MAIK

"ER.. MIPELA I HOLIM MISIS BI-LONG YU LONG HIA.. EMI BIN SAS LONG NEGLIJENS DRAIVING, EMI NO STOP LONG RET-LAIT NA TU MIPELA I SASIM EM LONG RESIST OF AREST ..."

MERI BILONGI MINISTA MAIK I STAP LONG POLIS STESIN ... OL POLIS IBUKIM EM ...

BILONGI WANEM NA MI BAIM KAR BILONGI EM! AAAH!! NAU LUKIM, EM BRUKIM OLGETA LO BI-LONGI TREFIK!

SOB!

NAU EM I GO LONGI TREFIK OPTIS ...

YES BIKMAN!

MI LAIK LUKIM MERI BILONGI MI.. ER.. MISIS SIPAKI MAIK .. EM LOK-AP LONGI HIA.. MI MINISTA MAIK.

OH-YES! EMI STAP!

"ER.. INAP YU TOKIM MI HAMAS LONG BEIL MONI?"

WET, MI GO KISM SAS BUK!

KKK

UMN.. MISIS BILONG YOU I GAT PLANTI SAS TRU NA ..ER.. BEIL MONI I GO ANTAP TRU!

HAMAS! BAI MI PEIM TASOL!

K500 TASOL!

K500!?! * 0000H!!!

Driman bilong planim purpur (plawa) kamap trupela

ALOYSIUS SAMI i raitim

"WANPELA samting mi wok long tingim yet taim mi kisim wok olsem wanpela woda plisman em long planim purpur plawa long klostu long haus na gaden long haus bilong mi. Dispela em long gavman stasin long hap mi stap na wok long en long Kuberia haus kalabus long Bogenvil, Not Solomons Provins."

Dispela em toktok bilong wanpela man husat i bin wok olsem wanpela woda plisman wantaim Dipatmen Bilong Koreksenel Institutun Sevis (CIS). Nem bilong man ya em Nicholas Ratri.

Mista Ratri stat wok olsem woda plisman long Februari 10 1969 i kam inap long Februari 10 long 1989 na em i pinis. Em i pinis long CIS bihain long 20 yia na tu bihain tasol long em i kisim namba olsem Sajen Mesa.

Mista Ratri stap long pensen na long wanwan yia em i save kisim mani long 20 yia sevis bilong em long CIS.

Em i gat 8-pela pikinini tripela pikinini meri na tupela pikinini. Tupela em bilong wanpela arapela meri em i wok long lukautim.

Taim em i pinis long wok, Mista Ratri wantaim famili bilong em i lusim Keveria haus kalabus na ol i wokim haus na stap long ples Hangan. Dispela em long Tsitalato eria long hap bilong Buka Ailan. Long Hangan, wanpela bikipela na strongpela tingting i kamap long Nicholas olsem em i mas planim purpur plawa klostu long haus bilong em. Tasol em i luksave olsem ol purpur bai no inap gro o

kamap gut. Bikos i nogat inap spes o graun. Arapela samting tu i olsem ol liklik pikinini na ol enimol olsem pik na dok bai bagarapim ol purpur.

Dispela tingting bilong planim purpur i no lus long het bilong Nicholas. Olgeta taim em i save tingting long dispela wok. Bikos long dispela strongpela tingting bilong em, em i kamap wantaim tingting bilong lusim ples Hangan na i go wokim nupela ples bilong em arere hap graun we Hutjena haikul i stap long en. Bikos nogat manmeri yusim dispela hap graun. Olsem na graun i gat gutpela gris long mekim ol samting i gro gut.

Bihain long em i stap long Hangan samting olsem 5-pela yia, em i kisim famili bilong em na ol i go wokim nupela ples na haus arere long Hutjena haikul. Na ol i wokim ol liklik gaden na planim ol kaikai na purpurplawa em i save driman long planim.

Bihain long em i planim purpur na ol i kamap bikipela na luk nais, ol poroman, wantok na tambu bilong em i stat long aigris na mangalim. Planti i go na askim em long katim sampela na kisim i go na planim arere long haus bilong em. Tasol em i luksave olsem dispela i no gutpela. Long wanem sapos em i givim aut, em bai sot long saplai. Olsem na em i salim purpur bilong em long samting olsem K2 na K4 long wanpela han. Sampela em i putim i go insait long ol plawa kontena na salim long K15 i go inap K40 long ol bikipela. Taim em i kisim mani, em i save



• Mista Ratri wantaim meri bilong em i sindaun i stap arere long sampela plawa bilong tupela.

yusim dispela mani long baim ol plawa we em i nogat long plawa gaden bilong em.

Taim Wantok i go stori wantaim em, Nicholas i tokaut olsem em i gat tingting nau long wokim plawa gaden bilong em i go bikipela. Bikos planti manmeri

na tu ol lain bilong gavman tu i wok long askim long plawa bilong em.

Long nau yet, Buka taun i nogat ol gutpela plawa. Olsem na em i wokim bikipela neseri bilong Buka Taun Komisin.

Planti plawa bilong

Nicholas i stap long ol kontena. Em i save baim ol kontena na bihain penim ol. Na putim graun i go insait na planim plawa. Long wanem, taim ol bikipela bung, festival na seremoni kamap, ol manmeri save go na hairim



• Mista Ratri putim yunifom bilong woda plisman na sanap namel long sampela plawa bilong em.

ol plawa bilong em. Kos bilong hairim ol plawa bilong em long wanpela de em samting olsem K100.

Nicholas i askim nau Dipatmen Bilong Praimeri Industri (DPI) long givim em sampela helpim. Dispela em long kisim sampela helpim long sait bilong mani sapos em i laik go het moa long planim plawa.

Em i tok sampela taim em i save raitim pas i go long ol poroman bilong em long ol arapela provins. Na ol i save salim plawa i go long em.

Taim wanpela skul o gavman i laikim plawa, famili bilong em i save wokim neseri. Kos bilong wokim neseri em K5 long wanpela aua. Tasol long sait bilong ol sios, em i save givim fri sevis olsem ofa i go long Papa God. Long

Sande, Nicholas wantaim famili bilong em i no save salim plawa. Bikos Sande em i de holi bilong Papa God.

Em i tokaut olsem long nau yet, plawa gaden bilong em i winim pinis moa long wanpela hekta. Tasol em bai wokim i go moa bikipela.

Bikipela samting i olsem dispela olpela woda plisman i no larim driman bilong em i go lus nating. Nogat. Em i strongim dispela tingting o driman bilong em stat long taim em i joinim CIS long holim wok olsem wanpela woda plisman i kam inap long taim em i lusim o pinis long wok.

Driman bilong Nicholas i wanpela gutpela piksa o eksampel long mipela ol arapela manmeri. Long wanem samting o kaikai bilong toktok, driman o plen bilong mipela bai no inap kamap o karim kaikai sapos mipela i no mekim wanpela samting. Sapos mipela i laikim toktok bilong mipela i karim kaikai olsem mipela i laikim long en, orait tuhat i mas pundaun long pes na skin bilong mipela taim dispela samting i kamap, mipela bai lukim toktok bilong mipela i karim kaikai olsem mipela i laikim.

Mipela i mas luksave olsem olgeta samting i save kamap long hatwok bilong man. Nogat wanpela samting i save kamap long laik bilong em yet. Sapos mipela i toktok long mekim wanpela samting na sindaun tasol, sore tumas hatwok bai popaia.

Planti manmeri save toktok long wokim ol samting bihainim tingting na plen ol i gat.

Papamama kamapim hevi na ol pikinini kisim taim

1 kam long pes 15

longpela taim pastaim, na save long ol yet gut. Na bihain bai ol i marit, sapos ol i lukim olsem olgeta samting i stret.

Bel marit

Na tu planti marit i save kamap taim man na meri i painimaut olsem meri i bel pinis. Bikos taim tupela i pren, tupela save slip wantaim. Dispela i egensim bilip bilong ol

lotu. Tasol pasin ya i hat long stapim.

Taim meri i bel, man i nogat moa rot nau. Lain bilong meri bai tokim tasol man long maritim pikinini meri bilong ol. Maski man na meri i nogat bikipela laik tru long marit. Wantaim dispela kain marit, hevi bai kamap namel long bihain taim.

Bikipela mekimsave long ol dispela hevi

save go bek long ol pikinini. Pikinini bai nogat gutpela klos laplap, kaikai, na tu bai i no inap amamasiom em yet gut sapos papamama i stap wantaim.

Tasol husat bai kisim asua long dispela. Ating asua mas go bek long papamama. Tupela i no tingting gut, glasim laip bilong bihain taim, na mekim

disisen we i no karim kaikai na bagarapim ol pikinini bilong bihain taim.

Wanpela arapela samting i olsem planti yangpela meri na tu sampela marit meri long soaiti bilong mipela long nau yet-bikipela tru long ol taun-i save laikim mani. Ol i nidim moa mani long stap long taun. Dispela nid o laik bilong ol moa

mani save kamapim tu hevi long famili bilong ol.

Sapos mipela i skelim o glasim gut ol samting, mipela i ken luksave olsem planti meri long ol taun olsem Mosbi na Lae i save bihainim ol man husat i gat mani.

Planti meri husat i gat gutpela sindaun long famili bai sapatimdispela hap tok.

Planti taim ol maritmeri save kros na pait wantaim ol man bilong ol. Long wanem man bilong ol i paul raun wantaim wanpela arapela maritmeri o wanpela singel meri.

Sampela taim ol maritman i save bungim hevi wantaim meri bilong ol. Na ol i save rausim meri bilong ol. Watpo na dispela i save kamap? Bikos

meri paul wantaim wanpela o ol arapela man long wokim pamuk pasin.

Ol manmeri husat i save wokim dispela samting i no save luksave olsem ol lain husat bai kisim mekim-save o bungim bikipela hevi bihainim dispela pasin em ol pikinini.

Ol pikinini no sapos long bungim ol hevi. Nogat.

MUSIK NA TELEVISEN

PAPUA NIUGINI




Sama Flame autim namba wan kaset bihain long 15 yia

"MISKEN" long tokples bilong ol Karkar long Madang provins em i nem bilong wanpela masalai husat i save stap long hul bilong ol volkeno na husat i save mekim maunten i pairap. Tasol taim maunten i pairap o paia, em i no min olsem masalai ya i laik kilim ol pipel o bagarapim ol. Maunten i pairap tasol long soim ol pipel olsem masalai ya i stap yet. Na tu long soim ol pipel olsem ol i mas bilip yet olsem i gat masalai stap.

Misken em i wanpela singsing i stap long wanpela nupela kaset bilong ol Sama Flame bilong Karkar Ailan insait long Madang provins. Kaset ya em ol i bin katim long CHM studio long Mosbi long las yia na i stap pinis ausait long ol stua.

Nem bilong dispela grup SAMA em nem bilong tupela klen insait long long Karkar Ailan. Tupela klen ya em Sabai Darem na Mangar Maror. SAMA em ol i putim namba wan hap nem bilong tupela klen wantaim long kamapim dispela nem bilong ben.

Dispela kaset em i namba wan kaset bilong ol. Grup ya em



PRODUCED BY CHM SUPERSOUND
P.O. BOX 1106, BOROKO, PORT MORESBY

• Poto i soim karamap bilong kaset bilong Sama Flame Misken.

man i go pas long ol Cornelius Maguna i bin kamapim long 1979. Bihain long ol i pilai raun inap long 15 yia olgeta, ol i kamapim namba wan kaset bilong ol.

Insait long dispela namba wan kaset bilong ol, man husat i raitim na singim olgeta singsing em ben lida bilong ol yet Cornelius Maguna. Maguna yet i raitim olgeta singsing

na em i singim ol singsing ya long tok pisin, tokples Takia, Waskea, Manam na ol narapela tokples bilong Madang.

Ol singsing em i raitim long Karkar Ailan i stap olsem wanem, sindaun bilong ol manmeri na wanem samting ol manmeri save mekim long amamasim ol yet wantaim ol ples i stap klostu long ol long bikples na tu long ol liklik ailen klostu.

Cornelius yet i singim olgeta singsing long dispela kaset na em i kisim helpim i kam long Michael Savage, David Kare, Joseph Savage na Donald Savage. Na long mekim musik bilong ol i kamap moa gutpela, ol i kisim helpim long ol lain long studio olsem Richard Mogu, Billy Griffin, George Luff, David Saun na Thomas Lulungan.

I KAM LONG Ela Motors OL WIL BILONG NESEN

AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- | | | |
|---------|---------------------------|-------------------------------|
| 1 (1) | Zombie | The Cranberries (ISI/POL) |
| 2 (2) | Tomorrow | Silverchair (SONY) |
| 3 (3) | All I Wanna Do | Sheryl Crow (A&M/POL) |
| 4 (4) | Short Dick Man | 20 Fingers (LIB/FES) |
| 5 (5) | Stay Another Day | East 17 (LON/POL) |
| 6 (6) | Always | Bon Jovi (MER/POL) |
| 7 (7) | On Bended Knee | Boyz 11 Men (MO/POL) |
| 8 (14) | Here comes the Hotstepper | Ini Kamoze (COL/SONY) |
| 9 (34) | Another Night | MC Sar & The Real McCoy (BMG) |
| 10 (10) | Come Out and Play | Offspring (SHOCK) |

LONDON TOP TEN SINGLES

- | | | |
|---------|----------------------------|---------------------------------|
| 1 (1) | Stay Another Day | East 17 (London) |
| 2 (2) | Love Me For a Reason | Boyzone (Polydor) |
| 3 (3) | Cotton Eye Joe | Rednex (Internal Affairs) |
| 4 (4) | Think Twice | Celine Dion (Epic 2) |
| 5 (5) | Here Comes the Hotstepper | Ini Kamoze (Columbia) |
| 6 (6) | Whatever | Oasis (Creation) |
| 7 (19) | Total Eclipse Of The Heart | Nicki French/Bags Of Fund |
| 8 (21) | Glory Box | Portishead/Go! Beat |
| 9 (9) | Tell Me When | The Human League (East West) |
| 10 (10) | Set Me Free | N-Trance (All Around the World) |

NAU FM 96 FM - MONDAY TO FRIDAY

- | | |
|-------------|--------------|
| 0000 - 0600 | Night Moves |
| 0600 - 1000 | Ricky Kipau |
| 1000 - 1500 | Eli Webb |
| 1500 - 1900 | Nikki Linges |
| 1900 - 0000 | H.B. Brew |

SATURDAY

- | | |
|-------------|-----------------|
| 0000 - 0700 | Night Moves |
| 0700 - 1200 | Morning Show |
| 1200 - 2000 | Kanawi Danomira |
| 2000 - 0000 | PM |

SUNDAY

- | | |
|-------------|----------------------------|
| 0000 - 0600 | Night Moves |
| 0600 - 1000 | American Country Countdown |
| 1000 - 1400 | Rick Dees Weekly To 40 |
| 1400 - 1800 | Kanawi Danomira |
| 1800 - 2200 | Gold With Dick Bartley |
| 2200 - 0000 | PM |

EMTV TELEVISEN

THURSDAY 2ND FEBRUARY, 1995

- 5.00 ITN NEWS
- 5.30 DAYBREAK NEWS
- 6.00 TODAY SHOW
- 8.00 SESAME STREET
- 9.00 STATION CLOSE
- 10.17 STATION OPEN
- 10.20 CRICKET
- 12.30 18 FOOT SKIFF RACING
- 5.00 WONDER WORLD
- 5.27 EMTV TOK SAVE
- 5.29 EMTV NEWS BREAK
- 5.30 HOME AND AWAY (G)
- 6.00 NATIONAL EMTV NEWS
- 6.30 A CURRENT AFFAIR (G)
- 7.00 SALE OF THE CENTURY
- 7.28 LOTTO DRAW
- 7.30 NEIGHBOURS
- 8.00 FIZZ
- 9.00 THE BUSINESS WHOW
- 9.30 THE EVENING SHADE
- 10.00 LOVE & WAR
- 10.30 COUNTRY PRACTICE
- 11.30 NATIONAL EMTV NEWS REPLAY
- 11.57 MEDITATION WITH PASTOR WALO ARNI
- 12.00 STATION CLOSE

FRIDAY 3RD FEBRUARY, 1995


- 5.00 ITN NEWS
- 5.30 DAYBREAK NEWS
- 6.00 TODAY SHOW
- 8.00 SESAME STREET
- 8.57 EMTV TOK SAVE
- 9.00 VIDEO CLIP
- 9.05 TBA
- 10.20 CRICKET 4TH TEST
- 12.30 18 FOOT SKIFF RACING
- 5.00 WONDER WORLD
- 5.27 EMTV TOK SAVE
- 5.29 DAY BREAK NEWS
- 5.29 EMTV NEWS BREAK
- 5.30 HOME AND AWAY
- 6.00 NATIONAL EMTV NEWS
- 6.30 A CURRENT AFFAIRS
- 7.00 SALE OF THE CENTURY
- 7.28 LOTTO DRAW
- 7.30 RUGBY LEAGUE SEVENS
- 10.00 MAZDA JACK
- 10.57 EMTV TOK SAVE
- 11.00 SALE OF THE CENTURY
- 11.30 NATIONAL EMTV NEWS REPLAY
- SATURDAY 4TH FEBRUARY, 1995
- 9.25 JOURNEY TO THE WEST
- 10.20 CRICKET 4TH TEST

12.30 CRICKET 4TH TEST

- 5.00 BEYOND 2000
- 5.55 VIDEO CLIP
- 5.27 EMTV TOK SAVE
- 6.00 NATIONAL EMTV NEWS
- 6.30 MOVIE "Babar The Movie"
- 8.00 NCDC NEWS
- 8.24 EMTV TOK SAVE
- 8.27 VIDEO CLIP
- 8.30 EVENING SHADE
- 9.00 GILLETTE
- 9.30 WOPA WORLD CHAMP
- 11.00 HAWAII 5-0
- 12.00 CRICKET HIGHLIGHTS
- 12.30 NATIONAL EMTV NEWS REPLAY

SUNDAY 6TH FEBRUARY, 1995

- 10.12 CHIT CHAT WITH SIR PAULIAS MATANE
- 10.15 VIDEO CLIP
- 10.20 CRICKET
- 12.00 TBA
- 12.30 CRICKET
- 5.00 BONANZA
- 5.55 VIDEO CLIP
- 6.00 NATIONAL EMTV NEWS
- 6.30 WONDERFUL WORLD OF DISNEY



- 7.30 RAY MARTIN PRESENTS OLIVIA NEWTON JOHN SING WITH JOY MOVIE "Unchained"
- 10.45 CHIT CHAT WITH SIR PAULIAS MATANE
- 10.50 EMTV TOK SAVE
- 10.53 CHURCHES MAGAZINE
- 10.40 CRICKET HIGHLIGHTS
- 12.20 NATIONAL EMTV NEWS REPLAY
- 12.37 CHURCHES MAGAZINE
- 12.40 MEDITATION WITH PASTOR WALO ARNI
- 11.50 STATION CLOSE

PNG TOP TWENTY

AS AT 28/01/95

- | NO. | SONG | ARTIST |
|---------|---------------------|-----------------|
| 1 (1) | Kantri Blong Yumi | Reks Band |
| 2 (2) | Tariga Iau | Painim Wok |
| 3 (3) | Rabaul Town | Barike |
| 4 (4) | Island Bougainville | Crew 5 |
| 5 (6) | Dust Over Rabaul | Wong/Bowman |
| 6 (5) | My Bougainville | Dabsy Yapuc |
| 7 (14) | Leva Blong Mi | Painim Wok |
| 8 (8) | Rabaul Taun | Basil Greg |
| 9 (13) | Rabaul I Tapunang | Charles Kivovon |
| 10 (7) | Ebony & Ivory | Wong/Bowman |
| 11 (9) | Missing You | Crew 5 |
| 12 (12) | My Love | Leonard Kania |
| 13 (10) | Sepik Meri | Basil Greg |
| 14 (11) | Lus Lain | Greg/Telek |
| 15 (15) | Manus Island | Keni Lucas |
| 16 (16) | Kolwin | Leonard Kania |
| 17 (0) | Salim Ting Ting | Kokorats |
| 18 (0) | Ia Madi | Emfo Band |
| 19 (0) | Avurigo | Dokona |
| 20 (18) | Everything I Own | Keni Lucas |

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Nehemaiiah kukim bebi Nema long ston



LONG bipo bipo tru i gat wanpela man na meri bilong em i stap antap long wanpela liklik maunten. Nem bilong dispela liklik maunten em Mussy. Na nem bilong dispela man em Nehemaiiah na meri em Maren.

Nehemaiiah i wokim wanpela bikpela raunpela haus antap long maunten Mussy na tupela i save stap. Na gaden bilong tupela i stap klostu tasol long wanpela bikpela wara.

Tasol tupela marit ya i gat wanpela bikpela hevi tru i save daunim tupela. Ol i stap longpela taim tru na Maren i no karim wanpela pikinini liklik. Nehemaiiah i tokim Maren olsem tupela i mas gat pikinini bilong lukautim tupela na mekim ol


wok nabaut. Bikos taim bilong tupela tu i wok long sot nau.

Wanpela de tupela i sindaun i stap na Nehemaiiah i singaut i go long Maren na tromoi tok olsem, "Maren, olsem wanem tru na yu no karim pikinini liklik. Planti taim tru mi bin slip wantaim yu tasol yu no gat bel." Nehemaiiah i tromoi toktok olsem pinis na tupela i go slip.

No long nait, Maren i slip i stap na pilim bel bilong em i pen. Em kirap go ausait long haus na karim wanpela pikinini meri. Maren i kisim pikinini i go insait gen long haus na putim em antap long bed.

Klostu tulait i laik bruk nau na Nehemaiiah i kirap olsem, em kirap srukim tanget bilong em i kam antap long skru na siksti i go long lukim wanem dispela samting i krai long bikmoning stret. Taim em i kamap, man Nehemaiiah i amamas stret long lukim liklik pikinini meri i slip antap long bed bilong Maren i stap.

Em tanim bek lukluk long meri bilong em na tok, "Man olsem



wanem tru na yu karim pikinini meri ya. Yu no bin gat bel liklik." Maren i bekim na tokim man bilong em, "Bilong wanem na yu tromoi dispela kain askim long em? Bel bilong mi i bin pen aste tasol na mi go ausait long haus. Na

long dispela taim yet mi karim dispela pikinini."

Orait tupela marit ya i sindaun na tingting nau long wanpela nem bilong givim pikinini meri ya. Tupela tingting i go na Maren i tokim man bilong em Nehe-

maiih, "Yu papa bilong haus na famili. Olsem na em wok bilong yu long painim wanpela nem na givim long dispela liklik pikinini meri."

Lapun Nehemaiiah harim olsem na brukim het long tingting. Em sindaun tingting arere long paia i stap na klia nau. Em bai kisim tupela namba wan hap long nem bilong, "Ne" na tupela namba wan hap long meri bilong em "Ma". Olsem na em givim nem "Nema" long pikinini meri ya.

Ol tripela ya i stap gut tru i go inap taim pikinini i winim tupela kris-mas olgeta. Orait long wanpela de nau Maren i lusim liklik Nema wantaim papa bilong em na em i go long gaden bilong painim kaikai. Bikos olgeta kaikai long haus i pinis. Em nau Maren i wokim liklik Nema i slip long bilum, hangamapim em long wanpela han bilong diwai arere tasol long haus na siksti i go long gaden. Papa Nehemaiiah tasol i stap wantaim pikinini meri ya na was long en i stap. I no longtaim nau

liklik Nema i kirap na krai.

Nehemaiiah i traim long pinisim krai bilong liklik pikinini meri bilong em i go tasol no gat. Liklik Nema i hatim krai yet. Papa Nehemaiiah i mekim i go no gat na bel bilong em i hat olgeta. Hariap tasol em kirap wokim paia na kukim wanpela ston. Taim ston ya i hat olgeta, em kirap kisim na pusim i go insait long nek bilong liklik Nema. Papa Nehemaiiah i kisim liklik wara na kapsaitim antap long ston. Em nau smok i kamap long ston ya i sut i go insait olgeta long lewa bilong liklik Nema na kilim em.

Bihain Nehemaiiah i putim liklik Nema long bilum na hangamapim em long dispela hap han bilong diwai em mama Maren i bin lusim em long taim na go long gaden.

Taim mama i kamap bek long haus, em i lukluk i go na ting olsem pikinini meri ya, Nema i slip gut tasol i stap. Mama Maren i go tromoi bilum kaikai antap long haus na siksti i kam daun long go

na karim liklik Nema. Tasol taim em i kamap klostu long bilum na lukluk i go insait, liklik Nema i no meknais o pulim win. Maren i traim long kirapim liklik meri i go na no gat olgeta. Em lukluk i go insait gen long bebi na lukim hap ston em papa i bin kukim pikinini meri long en.

Maren i wari nogut tru na krai i no inap long moning. Taim tulait i laik bruk, Maren i karim bodi bilong liklik Nema i go antap long wanpela liklik maunten klostu tasol long haus na kalap i go daun. Na em tu i dai. Papa bilong Nehemaiiah i lukim olsem na em tu i sem nogut tru. Em kirap kisim wanpela rop na hangamapim em yet na i dai.

Planti pipel bilong Kainantu long Isten Hailans provins i save long dispela maunten Mussy na stori bilong em. Na dispela liklik ples i stap yet. Tasol bikbus i karamapim nau

Ali Tom
P.O. BOX 2385,
Boroko, N.C.D.

Mi wari long pasin bilong meri na komplem bilong mama bilong mi



Dia Laiplain,

I NO longtaim i go pinis, mi maritim wanpela naispela yangpela meri mi bin bungim em long arapela taun long las yia. Papamama bilong mi laikim em taim papamama bilong em i kisim em i kam long haus bilong mipela. Tupela sait wantaim i bung na warkurai long baim meri bilong mi. Lain bilong mi baim pinis hap mani pastaim long mi lusim ples na go bek long skul long siti.

Nau mama bilong mi raitim pas na tokim mi olsem meri bilong mi save les long kukim kaikai na wok. Tasol em i save laikim long go long maket wantaim ol susa bilong mi. Meri bilong mi nogat bikpela save. Tasol mi laikim em na les long lusim em.

Mi nogat wanpela seving akaun long beng. Mi no bin salim sampela presen o mani go long ples o meri bilong mi. Mi save dring bia tumas na raun wantaim ol pamuk meri. Mi bon long stap long dispela kain lus laip o olsem wanem?

Ol stadi bilong mi hat tumas. Tasol mi pilim gutpela long stadi na i gat bilip olsem mi bai greduet. Tasol mi gat wari long komplem bilong mama na pasin bilong meri bilong mi.

EASY-GOING

Dia Pren,

Planti samting i mekim mipela i tingting planti sapos yu laikim meri

bilong yu. Wanpela i olsem yu tokaut olsem yu save raun wantaim ol pamuk meri. Na ating yu save mekim

pasin nogut wantaim ol. Mipela i tingting long wanem rot meri bilong yu bai laikim yu tru sapos yu wok long mekim kain samting olsem. Yu ting em i gutpela long yu ken mekim dispela samting tasol meri bilong yu mas abrusim kain pasin olsem? Sapos ansa bilong yu i "YES", yu ting em i moa gutpela?

Yu tokaut olsem yu no save salim mani na ol arapela samting i go long ples. Bikos yu save spenim mani long bia na ol arapela samting. Dispela i min olsem yu save spenim mani long yu yet. Na yu no save tingting long helpim papamama na meri bilong yu. Tasol yu laikim olsem meri bilong yu mas helpim papamama bilong yu. Watpo na meri bilong yu bai tingting long helpim papamama bilong yu taim yu yet no inap mekim dispela samting? Yu ting dispela em bikos yu gat save na em i nogat?

I gutpela olsem yu luksave long ol pasin nogut bilong yu. Na yu askim yu yet sapos dispela ol samting na pasin i gutpela o nogut. Long bekim askim bilong yu long "stap lus laip", mipela i tok dis-

pela i no tru. Nogat wanpela man/meri bon long stap lus laip. Wanwan man/meri wokim disisen long wanem kain laip em i laikim bihainim dispela fridom God i givim. Nogat wanpela man/meri o samting i pusim yu long i gat dispela kain pasin. YU mekim dispela samting bikos yu yet wokim disisen long wokim.

Yu wokim disisen long kamapim o wokim dispela pasin. Dispela i no min olsem dispela pasin bai kamapim bikpela amamas long yu. Taim mipela i yusim fridom bilong mipela, mipela i ken wokim samting o pasin i no gutpela. Olsem na mipela i askim yu long go het na skelim na glasim ol pasin bilong yu long meri bilong yu na tu ol arapela pipel.

Taim yu skelim na glasim ol pasin bilong yu yet, na stat long kamapim sampela senis, dispela bai gutpela taim long yu long tingting long ol pasin bilong meri bilong yu. Bikpela tru em pastaim long meri bilong yu i abrusim pasin pamuk na tu helpim papamama bilong yu, yu mas namba wan long abrusim pasin pamuk na helpim papamama bilong yu. Sapos yu mekim dispela tupela

samting, yu bai stap long gutpela rot long stretim hevi bilong yu. Na kamapim gutpela prensip wantaim meri bilong yu. Yu mas luksave olsem long marit laip, tupela sait wantaim (man na meri) i mas helpim wanpela na arapela long kamapim gutpela marit. Insait long marit laip, man na meri save


kamap wanpela bodi. Long wokim dispela samting, tupela i nidim taim long stap na toktok wantaim. Dispela em long save long wanpela na arapela.

Tupela i mas lainim long soim rispek na laikim wanpela na arapela. Tupela i mas wokim samting long wanpela na arapela na

tu long laikim prensip bilong tupela yet. Dispela bai no inap kamap sapos tupela i stap longwe long wanpela na arapela. Yu bin aplai long kisim marit haus tu o nogat? Inap meri bilong yu i kam na stap long sampela hap we i klostu long yu?

LAIPLAIN

Ansa bilong Skruim tok



Pasin bilong nogat luksave, helpim na sapotim daunim Is Sepik Provins.

ADDY LAVAKS i raitim

WANPELa bikpela tok-tok i wok long kamap nau long ol bosboi na bosmeri bilong pablik na praivet sekta insait long Is Sepik Provins long wanem kain tingting na plen ol i gat long kamapim sampela gutpela senis long ekonomik wok insait long provins.

Dispela ol tingting na plen ol pipel bilong Is Sepik i no kamapim nating o tromoi ston i go long ol hetman na hetmeri bilong provins. Nogat. Ol i bin luksave pinis long planti bikpela miting o bung long painim sampela tingting na rot long senisim provins long wok developmen long kamapim gutpela sindaun long ol pipel bilong provins.

Wantok i kisim planti toktok na ripot long pablik na praivet sekta long wanem kain samting ol bai kamapim sapos ol i gat inap mani long paus bilong ol. Dispela em long pulim o bringim mani go insait long provins na gutpela wok developmen i ken kamap long dispela yia.

Toktok bilong ol oganaisesen long praivet na pablik sekta i tru long wokim ol dispela samting. Na tu long kirapim ol nupela industri we i ken pulim mani long kamapim moa developmen na mani.

Tasol i gat bikpela luksave i stap olsem taim ol i kirapim na ranim ol

developmen wok o projek, ol i no save pinisim olgeta wok bilong ol. Planti taim ol wok kamap i save ron gut long sotpela taim tasol na bihain pundaun o pinis nating long hap rot o namel. Na nogat wanpela gutpela samting o kaikai i save kamap long dispela ol wok.

Taim ol industri pundaun, nogat wanpela saveman olsem ol dispela oganaisesen i nupela i wok long toktok long dispela samting i stap i save kam insait. Na givim han long sapotim na lukim olsem industri ken ron gut na karim kaikai.

Nogat wanpela wok o samting i save kirap na sanap long strong bilong em tasol. Nogat. Olgeta samting na wok i mas kisim sampela kain helpim, strong na sapot na wokbung. Dispela ol samting i mas kam long ol pipel, gavman na praivet sekta. Ol bisnis i save ron gut long dispela rot.

Taim gavman na praivet sekta i laik kirapim wanpela wok, mipela ol pipel na tu ol arapela oganaisesen i save rabisim na bagarapim. Na mipela i save tok em i samting bilong praivet sekta o em i samting bilong gavman o em i samting bilong dispela man o meri. Em bai mekim wanem samting long mi-givim mi kaikai,

Taim gavman na praivet i laik kirapim wanpela wok, mipela ol pipel na tu ol arapela oganaisesen i save rabisim na bagarapim. Na mipela i save tok em i samting bilong praivet sekta o em i samting bilong gavman o em i samting bilong dispela man o meri. Em bai mekim wanem samting long mi-givim mi kaikai, givim mi mani na klos. Dispela kain tingting nogut i save banisim na karamapim tingting bilong mipela long luksave long gutpela bilong ol wok kamap o developmen wok insait long provins.

givim mi mani na klos. Dispela kain ol tingting nogut i save banisim na karamapim tingting bilong mipela long luksave long gutpela bilong ol wok kamap o developmen wok insait long provins.

Long nau yet, long Is Sepik Provins, sapos ol mipela i lukluk i go bek long las 10-pela yia, nogat wanpela bikpela komesel industri kirap long provins na sanap strong. Nogat tru stret. Ol liklik projek o bisnis wok i kamap tasol bihain long sampela taim i pundaun. Bikos i nogat gutpela pasin bilong wokbung, givim helpim na sapot na luk-

save i kam long ol pipel.

Tude, ekonomik wok, sosel wok, politikel wok na tu spot i pundaun olgeta na i no save ron gut long provins. Long wanem i nogat gutpela sapot, helpim, wokbung na luksave i kam long provinsal gavman, praivet sekta na ol pipel. Pasin bilong sanap long strong bilong wanwan i moa bikpela long Is Sepik Provins.

Wanpela arapela samting i olsem taim wanpela industri o wok i kirap na ron gut na stat long pulim bikpela mani, ol man husat i

save ranim dispela wok i save kisim mani na putim i go insait long poket bilong ol. Taim dispela pasin i kamap, strong bilong dispela wok o industri surik i go daun. Na i no longtaim na wok i pundaun.

Taim wanpela industri ron gut, ol bosman bilong dispela industri no save tingting long helpim na sapotim ol liklik projek, spot grup,

meri na tu ol opisa bilong provinsal gavman i kamap bung na paitim toktok long painim ol we na rot long kirapim bisnis insait long provins. Na tu long kisim ol ovasis investa i kam insait long provins long kirapim na ranim ol join vensa bisnis o projek wantaim ol pipel bilong Is Sepik provins. Na tu wantaimprovinsal gav-

bikpela bisnis haus o oganaisesen insait long provins. Kain ol bisnis haus olsem Garamut Entaprais, Tang Mou, George Seeto, Sepik Konstrak-sen, Skul Bilong Stukakipa, Marani Treding, Ela Motos na tu ol arapela. Asua i olsem ol i no kam na bung wantaim long paitim toktok wantaim ol pipel. Na askim ol pipel long



• Planti lokal bisnis manmeri na ol gavman opisa i rin bung long wanpela semina i bin kamap long las yia na toktok long ol kainkain bisnis wok insait long provins. Planti manmeri long ples i bin kamap tu long dispela semina.

Tude, ekonomik wok, sosel wok, politikel wok na tu spot i pundaun olgeta na i no save ron gut long provins. Long wanem i nogat gutpela sapot, helpim, wokbung na luksave i kam long provinsal gavman, praivet sekta na ol pipel. Pasin bilong sanap long strong bilong wanwan i moa bikpela long Is Sepik Provins.

yut grup na tu ol arapela lain. Ol i lusim tingting olsem industri o bisnis wok bilong ol i stap long strong bilong olgeta manmeri.

Bikpela luksave i stap nau long Is Sepik Provins olsem wanwan manmeri tasol i gat tingting long kirapim na ranim ol bisnis wok. Planti stap tasol long bagarapim na rabisim ol wok kamap long provins.

Long las yia long mun Oktoba wanpela bikpela semina ol i kolim Sepik Invesmen Semina i bin kamap long provins. Is Sepik provinsal gavman na Semba ov Komes na Industri i go pas long oganaisim na putim kamap dispela semina. Long dispela semina, ol lokal bisnisan na

man.

Bihainim dispela semina, em i taim nau ol pipel bilong provins i mas luksave olsem Is Sepik provins i wok long kam bihain tru long ol arapela provins insait long kantri long sait bilong wok bisnis na tu developmen. Na ol pipel i mas bungim tingting, het na save wantaim na kirapim sampela gutpela wok bisnis na projek. Long wanem dispela em i wanpela gutpela rot long givim moa mani go long provinsal gavman. Na provinsal gavman bai yusim dispela mani long developim ol ruel eria na long wankain taim givim gutpela sevis i go long ol pipel bilong provins.

Wanpela bikpela asua i luk olsem i stap long ol

kirapim ol liklik na bikpela projek. Na ol bai givim helpim na sapot i go long ol long sait bilong mani na rot bilong lukautim na ranim gut projek.

Arapela hevi o asua i stap long ol komesel beng olsem Wespek na Papua Niugini Benking Koporesen.

Dispela tupela beng i no givim inap o gutpela helpim na sapot i go long ol pipel. Dispela i tru bikos long dispela Sepik Invesmen Semina long las yia, planti manmeri komplek long ol polisi bilong dispela tupela beng we i toktok long sait bilong kisim dinau mani. Planti pipel i luksave olsem ol polisi bilong ol komesel beng long kisim dinau mani hat tumas. Dispela i banisim ol pipel long kisim helpim na sapot i kam long ol komesel beng long kisim dinau mani long kirapim na ranim ol bisnis wok na projek.

Sapos provinsal gavman i mekim dispela samting na stretim toktok wantaim ol komesel beng insait long provins, ating planti manmeri bai amamas long kirapim ol liklik na namel sais bisnis wok na projek. Long wanem ol bai kisim dinau long beng long putim kamap ol dispela samting.



• Wanpela waitman i wok long skulim o tok klia long sampela man long yusim wokabaut somil long katim timba. Dispela em bihain long wanpela lokal bisnis grup i baim dispela wokabaut somil.

Ol bikman na meri no sapatim ol NGO

MICHAEL KOMA i raitim

PLANTI bikman na meri insait long kantri i no save lukluk na helpim o sapatim ol wok em ol praivet ogenaisesen i save mekim long olgeta hap bilong kantri.

Ol praivet ogenaisesen em ol Non Gavman Ogenaisesen (NGO). Dispela i min olsem ol i no wok aninit long nem bilong wanpela gavman.

Dispela toktok em Jenerel Seketeri bilong Melanesian Silidarityunien (MSU), Petty Lafana i tokim samting olsem 200 pipel, em planti bilong ol em ol literesi tisa long Kundiawa long las wik Fonde.

"Planti pipel i no save luksave long ol wok bilong developmen olsem literesi awenes, em ol lain bilong NGO i save mekim long olgeta hap bilong kantri," Lafana i tok.

Em i tok moa olsem ol developmen program bai kamap gut tru insait long ol rurel eria sapos gavman i lukluk long wok bilong ol NGO.

Mista Lafana i tok olsem Integrel Humen Developmen i stap insait long mama lo bilong kantri. Na sapos ol manmeri long grasrut level i no save long rit na rait o kisim save moa, dispela lo bai i no inap kamap tru.

Prinsipel edvaisa bilong Simbu Yut na Komyuniti Sevis, Robert Gagma i tok PNG i ken kamap wanpela narapela kain ples tru sapos gavman i lainim ol manmeri long ples stat long taim yumi kisim independen long 1975 i kam inap nau.

Mista Gagma i tok tenkyu tu long PNG Trust, wanpela NGO husat i go pas long wok bilong lainim ol manmeri long rit na rait long olgeta hap bilong kantri.

Provinsel Non Fomel Edukesen Opisa, Edward Kawale i tok em i amamas tru long Dipatmen bilong Viles Sevises na Provinsel Afeas long putim moa mani i go insait long literesi awenes program long dispela yia.

Fri skul tingting daunim stended bilong skul long Manus

FELIX RAMRAM i raitim

MANUS Provinsal minista bilong Edukesen i toktok strong long ol lida i mas kamapim senis nau long apim bek stended bilong edukesen insait long Manus provins.

Minista bilong Edukesen, Michael Kuweh i tokaut long dispela bikos em i luksave olsem mak bilong skul insait long ol hai skul long provins i pundaun pinis.

Mista Kuweh i tok planti papamama i no luksave long wanem samting em fri edukesen. Ol i ting olgeta senis gavman i laik kamapim insait long wok bilong stretim edukesen o skul i gutpela tasol.

Em i tok ol senis olsem tu i mekim ol pikinini bilong mipela i kisim dispela sans long ting olsem olgeta samting i fri. Olsem na ol i no save wari long lainim gut samting long skul. Na dispela tu i mekim ol papamama i kamap slek gen. Bikos ol i ting ol samting bai fri.

Mista Kuweh i tok mak we ol skul manki long ol Manus provinsal hai skul i save kisim

long bipo long tes i no moa stap tude. Dispela mak i pundaun pinis. Na dispela i wok long daunim level bilong edukesen insait long provins.

Em i askim nau ministri bilong Edukesen wantaim dipatmen na divisen long hariap kamapim stended bod komiti bilong provins, we ol i ken sindaun na glasim gut mak o save bilong ol studen insait long Manus.

Minista i askim ol papamama tu long rausim kain tingting olsem wanpela hai skul long Manus provins i gutpela moa long narapela. Bikos olgeta hai skul i save skulim wankain samting. Tasol ol studen yet i no save wokhat long lainim.

Membra i kisim taim tu long tok amamas i go long ol skul bilong misin we i wok long helpim tu long strongim mak bilong edukesen insait long provins long longpela taim i kam inap nau.

Em i askim ol long wok strong long holim yet wankain rekot bilong ol gen long dispela yia, 1995.

Skul bilong rit na rait kamap gut long Sinasina

MICHAEL KOMA i raitim

LITERESI na awenes program i bin kamap gut tru insait long Sinasina distrik bilong Simbu provins. Dispela ol kain skul i bin stat long 1986 we ol Katolik yut bilong Sen Michael's i bin statim. Dispela program i wok long ron gut i kam inap nau na planti moa lain i laik skul tu long hap.

Astingting bilong ol long kirapim dispela skul bilong lainim long rit na rait em long skulim ol yangpela long kisim

save long rit na rait long tok pisin.

Ol samting olsem buk bilong ol sumatin na ol tisa em ol i save kisim long Kristen Press long Madang. Ol i save lainim ol yangpela long ol samting olsem ol namba, tok inglis na sosel sains.

Skul ya i bin kamap bikpela. Na planti ol lain long eria bilong Koge na ol ples i stap klostu i bin kamap long skul. I no ol Katolik tasol i save go. Memba bilong ol arapela sios long eria i save go tu long skul ya. Ol Katolik yut i save tok olsem ol i no wari long toktok bilong ol lotu i egen-

sim wanpela narapela.

Nem bilong dispela skul em 'Skul Bilong Rit na Rait'. Skul i bin pas long 1987 bihain long bikpela pait i kamap. Tasol ol sumatin husat i bin skul long dispela taim i save gut tru long tok pisin.

Bihain long 1991, wanpela praivet ogenaisesen long Mosbi, PNG Tras i statim gen dispela skul we ol i yusim nupela stail. Stail bilong tis em tupela kain nau long sait bilong Stori na Buk wok.

Distrik literesi kodineta, Boehner Pangasa i tokim Wantok olsem nau yet namba bilong ol literesi skul i

save long rit na rait long tok pisin. Ol samting olsem buk bilong ol sumatin na ol tisa em ol i save kisim long Kristen Press long Madang. Ol i save lainim ol yangpela long ol samting olsem ol namba, tok inglis na sosel sains. Skul ya i bin kamap bikpela. Na planti ol lain long eria bilong Koge na ol ples i stap klostu i bin kamap long skul. I no ol Katolik tasol i save go. Memba bilong ol arapela sios long eria i save go tu long skul ya. Ol Katolik yut i save tok olsem ol i no wari long toktok bilong ol lotu i egen-

sim wanpela narapela. Nem bilong dispela skul em 'Skul Bilong Rit na Rait'. Skul i bin pas long 1987 bihain long bikpela pait i kamap. Tasol ol sumatin husat i bin skul long dispela taim i save gut tru long tok pisin. Bihain long 1991, wanpela praivet ogenaisesen long Mosbi, PNG Tras i statim gen dispela skul we ol i yusim nupela stail. Stail bilong tis em tupela kain nau long sait bilong Stori na Buk wok. Distrik literesi kodineta, Boehner Pangasa i tokim Wantok olsem nau yet namba bilong ol literesi skul i

save long rit na rait long tok pisin. Ol samting olsem buk bilong ol sumatin na ol tisa em ol i save kisim long Kristen Press long Madang. Ol i save lainim ol yangpela long ol samting olsem ol namba, tok inglis na sosel sains. Skul ya i bin kamap bikpela. Na planti ol lain long eria bilong Koge na ol ples i stap klostu i bin kamap long skul. I no ol Katolik tasol i save go. Memba bilong ol arapela sios long eria i save go tu long skul ya. Ol Katolik yut i save tok olsem ol i no wari long toktok bilong ol lotu i egen-

*Morgan
Equipment Pty Ltd
are pleased to
announce their
change of company
name to:*

UMW Niugini Pty. Ltd.

(FORMERLY MORGAN EQUIPMENT PTY LTD)

*Effective from 1st February
1995*

LAE
Aircorps Road
Phone: 42 2444

PORT MORESBY
Morea Tobo Road
Phone: 25 5766

RABAUL
Kokopo
Phone: 92 8367

HONIARA
Ranadi Industrial Estate
Phone: (677) 30171



STIHL

KOMATSU MANTOU

Anga Afiang gat nupela haus lotu nau



• Sampela bilong 500 manmeri husat i kamap long opim nupela haus lotu.

JOE YAKU BUIAM i raitim

MOA long 500 kristen manmeri bilong Luteran sios i bin kamap long bikpela bung bilong opim nupela haus lotu insait long Kaiapit distrik long Morobe provins las wik.

Haus lotu ya i stap insait long Anga Afiang kongrigesen long Kaiapit distrik yet.

Hetman, pasto, paris lida wantaim ol kongrigesen manmeri olgeta i amamas na wanbel tru long kamapim dispela samting.

Long dispela open de tu, ol manmeri i amamas long lukim sampela

pikinini bilong ol i kisim konfemasio blesing, we i kamap long sem taim long opim dispela nupela haus lotu.

Siaman, Simon Ingir bilong ples Anga i bin go pas long kamapim dispela amamas de bilong dispela nupela haus lotu na dispela konfemasio klas.

Dispela i bin wanpela bikpela samting ol manmeri bilong ples i kamapim long wokim haus lotu bilong ol yet.

I gat 7-pela kongrigesen olgeta i kamapim wanpela paris ol i kolim Gama insait long Kaiapit seket.

Erima Komyuniti skul senisim nau akademik stended bilong ol studen

VERONICA HATUTASI i raitim

ERIMA Komyuniti skul long Mosbi i wok nau long senisim na makim nau akademik stended bilong ol studen bilong em.

Hetmistres bilong skul, Mary Bita i tok ol tisa i wokhat nau long lukim olsem plen bilong ol bai karim kaikai. Na skul i ken sanap long wanpela level olsem susa skul, Secred Heartt Hohola na sampela arapela moa skul olsem.

Misis Bita i tok tu olsem skul i redi long statim "top ap" klas long 1997 skul yia. Dispela i min olsem ol bai kisim ol studen long grad 7 na 8.

Em i tok namba bilong studen em skul i kisim long dispela yia i winim 600. Erima Komyuniti skul i gat 14 klas na 15 tisa.

Antap long dispela, skul i gat 5-pela sapot wokman meri. Em i tok namba bilong ol studen bai goap. Bikos ol bai kisim namel long 45 na 50 sumatin long wanwan klas. Tasol taim skul yia i go, sampela studen i save trense i go ausait long ol arapela provins.


Las yia i gat 48 sumatin i trense olusim skul. Planti em ol papamama bilong ol i muv i go long ol arapela hap o provins.

Hetmistres i tok tu olsem ples we skul i sanap long em i wanpela ami kem long taim bilong Wol Woa 2. Ol

mak i stap na hap we ol studen i asempli long en em simen bilong ami kem. Taim ol ami i wokim sampela sivik meintenens long sampela taim i go pinis, ol i painim ol katres samting insait long skul pilai graun.

• (raithan) - **Hetmistres Mary Bita. Long tupela yia nau, em i holim wok olsem hetmistres bilong Erima Komyuniti skul long Mosbi.**

• (daunbilo) - **Ol studen i mekimsave long dikim graun long dispela wik. Dispela wik planti skul insait long kantri i wokhat long klinim skul. Ol foto: Rodney Kamus.**



Hai skul fi antap long Oro

DANIEL MONA i raitim

Skuk fee long Oro Provins i go antap olsem ol nadapela skul insait long kantri. Fopela hai skul long provins i bin kisim skul fee i go antap pastaim Provinsial Edukesen Bod is bin makin K300 long skul fi long one one hai skul.

Nesenal gavaman i bin givin K32 millin long Saplai Bil long Palamen las yia tasol ol skul long Oro provins i tokim ol papa mama long ol sumatin long baim ful fi long wanem last yia wanpela skul i bin pas taim gavaman i no bun givim ful moni bilong ol long fri edukation subsidi.

Skul hedmasta bilong Martyr's high Skul Mista Benstean Lovi i tok ol skul fi bilong ol sumatin i mas bai strait pastaim na taim gavaman i givin subsid skul ol skul bai bekim moni bilong ol sumatin.

Em i tok i hat tru lo lonim skul sapos i no gat moni na tu ol gavaman long Waigani is save isi tumas long givim moni i go long ol skul. Em i tok las yia skul bilong em i no kisim moni long numba bilong ol sumatin na taim ol i givim liglig moni skul i bin pas long wanem i gat lik lik moni i no inap long ronim skul i go pinis long disemba las yia.

Long dispela yia Martyr's skul fi go olem K450 i go untap long K550 long taim pais bilong ol geta samting i go antaim. Popondetta Hai skul is kisim fee bilong ol nuipela sumatin olsem K150 i go antap long K170 long ol lain slip long haus bilong ol. Ol nupela sumatin i save slip long skul i go antap olsem long K250 i go antap long K320. Ol olupela sumatin em K150 long ol lain slip long haus bilong ol na K300 long ol lain i slip long skul.

Tupela hi skul Baraji na Emboto tu i bin kisim fi bilong ol i go antap tu.

Long dispela wik long Popondetta ol sumatin insait long town long Popondetta hai skul i bin wok hat tru long katim ol bikpela grass long eria bilong skul.

Rain tu i bin stap yet long las mun Januari i kamap lon taim bilong skul.

Las wik planti sumatin i bin kam long airpot long Popondetta i go long skul long Martyr's na nadapel hap long skul.

Planti skul op pinis, tasol Sen Marty's Hai skul nogat

DANIEL MONA i raitim

TAIM ol arapela skul long provins na kantri i op long dispela wik Mande Januəri 30, Sen Marty's Provinsal Hai skul long Popondetta, Oro provins i stap pas.

Asua long skul i no stat em stenbai jenereta bilong ol i bagarap. Hevi i stap long tupela wik pinis. Na skul i wetim yet olupela jenereta i kam long Lae. Ol bin salim jenereta i go long Lae. Bikos em tu i bin gat trabel long en.

Hetmasta bilong skul, Benstead Lovi, i salim ol manki i go bek long ples. Tasol ol sumatin i kam long longwe ples, na bilong ol arapela provins i stap bek long skul.

Taim ol i kisim bek jenereta long Lae, ol bai salim toksave long provinsal redio stesin long ol sumatin i go bek long skul.

Enrolmen bilong skul long dispela yia i stap olsem 650. Na olgeta sumatin i save slip long skul. Engliken Sios i papa long dispela skul.

Skul fi long dispela yia long Martyr's i go antap long K100. Ol papamama i peim K550 long wanpela boda sumatin. Long las yia, ol bin peim K450.

Mista Lovi i tok bikos long prais bilong ol samting long stoa, na tu long kos bilong ol arapela samting bilong yusim long skul i go antap, skul tu i apim skul fi.

Na em i apil long ol papamama long peim ful fi kwiktaim. Bikos em bai i hat long baim ol samting sapos ol no kisim hariap ol peimen long ol papamama.

Long las yia, skul i bungim hevi long mani i sot long baim ol samting. Bikos ol i ting skul bai kisim subsidi mani hariap i kam long gavman. Sapos skul i kisim subsidi mani, orait, ol bai peim bek hap mani i go long ol papamama, Mista Lovai i tok.

MOSBI, Nesenal Kapitel: Wanpela yangpela meri Tapini insait long Sentrel provins bai i kalabus long fopela mun wantaim bikpela mekim save long em i rong long planim mariwana.

Nem bilong en em Margaret Kaini wantaim 18 krismas bilong Tapini.

Ol i painim em i rong long planim ol diwai mariwana long wanpela gaden long Sewaimage drien klostu long Waigani maket.

Sampela lain ibin toksave long ol plis long dispela samting na ol plis i go na holim pasim em.



Roy Yaki askim SH gavman long skelim gen 1995 baset

JOE KANEKANE i raitim

MEMBA blong lalibu/Pangia na minista bipo blong trenspot, Roy Yaki i askim pinis premier blong sauten hailen, Francis Awesa wantaim ol lain memba blong gavman blong em long lukluk gen long baset blong dispela yia olsem bai baset i ken i luksave long ol nid blong lo pipel stret na i no long amamasim ol politisen.

Mista Yaki i tok olsem dispela baset i no gat wanpela kliia piksa long wanem samting em premier i laik long wokim long wanem plenti blong ol projek we i gat nid long en i no kisim sampela halivim moni long ol i ken go het long wok blong ol.

"Dispela baset i no gat daireksen, no gat as, no gat plan blong bihain. Em wanpela shopping lis blong ol memba na i no save gat sampela rot blong ol polisi insait long dispela baset we i ken halivim wok developmen insait long provins", em i tok.

Mista Yaki i tok olsem plenti blong ol projek i kisim moni i blong halivim ol lain husait i stap insait long gavman long kisim biknem blong ol na dispela i no halivim tumas ol pipel long kisim ol sevis long wanem ol samting we o i gat bikpela nid tru.

Noken sasim Kimbe toilet Memba mas soim EDF mani bilong Nawae pipel

Dia Edita,
Mi laik komplèn egensim ol taun kaunsil bilong Kimbe taun we ol i save laik kisim mani tu long pablik toilet bilong Kimbe maket.

Mi lukim dispela i wanpela kain pasin we i no save kamap long narapela provins bilong PNG.

Olsem wanem tru na trangu ol mama i laik go long toilet na bai i gat sekyuriti i sindaun was long dua bilong toilet i stap.

Taim ol trangu mama i laik go insait long yusim toilet, ol i mas tromoi 20 toea pastaim long sekyuriti na bihain ol i ken go na yusim toilet.

Dispela em wanpela rabis pasin tru

bikos mi no amamas long lukim ol taun kaunsil i kisim mani long olgeta kain kain liklik samting olsem.

Dispela em i wanpela rabis pasin tru em yupela i mekim bikos olgeta hap bilong provins i no gat dispela kain pasin.

Yupela i daunim tru nem bilong ol pipel bilong Wes Nu Briten provins olsem na no inap yupela lusim dispela pasin na larim toilet i stap fri long ol mama na olgeta arapela tu i ken yusim.

Em tasol komplèn bilong mi long toilet bilong Kimbe maket.

**JOHN REX
KIMBE**

Pri edukesen polisi em giaman tasol

Dia Edita,
Mi bin amamas tru long harim nesanel gavman i bin tokaut long kamapim pri edukesen long kantri.

Dispela pri edukeseb polisi i bin wok gut tru long las yia i kam na nau mi harim olsem 1995 bai i no gat pri edukesen.

Dispela i mekim mipela planti papamama i tingting planti bikos toktok i wok long senis senis na dispela i no gutpela tru long ol pipel bilong Papua Niugini.

Planti palamen memba i save go long ples bilong ol na tokim ol pipel long dispela

samting. Na long mipela ol Simbu tu, ol memba bilong mipela i save tokim mipela olsem bai i gat pri edukesen long 1995 aninit long gavman bilong Sir Julius Chan.

Ol pipel i ting bai i gat pri edukesen long dispela yia bikos Fainens minista tu i bin tokaut long dispela. Olsem na planti papamama insait long Papua Niugini i amamas tru.

Tasol ol nesanel gavman i wok long senisim toktok na ol i tok olsem bai i no gat pri edukesen.

Ating yupela ol lida i save giaman long kamapim ol lo na polisi

long wokim biknem bilong yupela tasol.

Ol samting we i mas kamap long helpim ol pipel, yupela i no save strongim na holim long i mas kamap na stap long sevim pipel.

Mi no amamas tru long dispela senis bilong gavman na tu mi no laikim wanpela memba nau long kam toktok bulsit long mipela ol pipel bilong ples.

Em tasol komplèn bilong mi na husat arapela i laik sapotim mi bai mi amamas tru long sapot bilong yupela.

**MICHAEL MACK
KIMBE**

Putim moa PNG musik long EMTV musik

Dia Edita,
Mi wanpela sikman long Angau haus sik long Lae na long makim olgeta sik man na meri na ol wasman bilong ol mi laik autim

tingting na wari bilong mi. Mipela save putim TV bilong mipela on long 6 klok apinun long olgeta de. Long wanpela wik mipela i save laikim

progrem bilong Trinde na Fonde long sait bilong musik.

Tasol long Trinde mipela i no save amamas tumas long wanem planti singsing bilong ol waitman na wanpela o tupela singsing tasol bilong yumi yet long PNG.

Mipela save ai slip long taim ol singsing bilong waitman i save kamap long wanem ol i save pulim i go longpela taim tru na i nogat gutpela tingting insait long ol singsing ya.

Plis long mekim mipela i amamas moa long lukim TV, traim na pilaim moa PNG musik. Em tasol na yu husat i laik bekim pas bilong mi, rait tasol i kam long Wantok Niuspepa na mi ken lukim.

**Fixie Karosa
Lae**

No ken salim graun long kisim mani

Dia Edita,
Mi save les tru long harim ol man long olgeta provins ol i save toktok long graun na askim gavman long givim ol mani. Ino longtaim i go pinis wanpela man Simbu long Chuave distrik i bin singautim gavman long baim em K150 tausen. Long tingting bilong mi yet, dispela i no stret long wanem graun yumi mas tingim ol tumbuna bilong yumi ino mekim dispela graun. Na maski long singaut olgeta taim long gavman long givim mani long wanem nau yet gavman bilong yumi i gat bikpela hevi tru long mani. Yumi mas kisim mani long hatwok bilong yumi yet.

Em tasol liklik toktok bilong mi na yu husat i laik bekim orait rait tasol long *Wantok* na bai mi ken lukim.

**Paul Koroga
Kimbe**

Chan/Haiveta gavman apim prais tumas

Dia Edita,
Mi no amamas long gavman bilong Chan na Haiveta long apim prais bilong ol kaikai long stua na giamanim ol manmeri long ples long peim moa. Mipela ol manmeri long ples i no save long rot bilong mani long kantri. Na tu gavman i no givim mani long wanwan manmeri long ples long lukautim lamili bilong ol na ronim ol wok bisnis.

Gavman maski long giamanim ol manmeri long ples long ken kain tok nambaut. Yu mas tingim olgeta pipel insait long kantri na lukim ol long gutpela pasin we bai sindaun bilong mipela olgeta i hevi amamas

Chan na hHaiveta maski long sutim toktok i go long gavman bilong olpela praim minista Paias Wingti long paulim mani. Wingti em wanpela namba wan lida tru bilong lukautim kantri. Mipela ol grasrut pipel i laikim em tru long wok em bin mekim olsem long ol skul, helt senta na ol narapela sevis.

Mipela i no amamas long i gavman bilong Chan na Haiveta long wanem mipela i wok long bringim moa hevi i kam insait long kantri.

**Roka Hova
Goroka**

Dia Edita,

Mi laik komplèn i go long nesanel memba bilong Nawae ilektoret, Amos Yamandi olsem,

Mi laik askim inap memba i tokaut long we em i putim dispela EDF mani, bilong wanem na em i no pinisim rot bilong mipela long ples bikos taim em bin tok olsem em i

Ol marit plisman i laik kamap yangpela man

Dia Edita,
Komplèn bilong mi i sut long sampela plisman long pasin ol i save wokim. Dispela em ol lain marit plisman.

Ol dispela lain i save olsem ol i marit. Na ol i gat ol pikinini na meri i stap.

Tasol long taim bilong wok, klia long ol. Taim ol laik opsait long ka, ai bilong ol i lukluk long ol hap sait nabaut. Dispela em ino gutpela pasin yupela plisman i mekim.

Marit wanpela taim na inap. Wanem kain meri yupela i laikim? Namba wan meri yu maritim i wankain olsem tasol ol narapela meri long wol. Na tu, Bikman Antap i tok marit wanpela taim tasol.

**Elly Manga
Is Sepik provins.**



Dia Edita,
Mi laik autim behevi bilong mi long ol manmeri husat i save smok long ai bilong ol non smoka (ol lain husat i no save smok).

Mi sapotim wanpela lo gavman i tokaut long em long 1993. Dispela em long ol pipel long noken smuk long ka, PMV na long hap we planti manmeri i bung long em.

Mi sapotim strong dispela lo bikos nau mi ekspiriensim tru hau smuk i afektim man.

Mi wanpela manki bilong smok pastaim tasol nau, mi lusim pinis. Olsem na taim ol man i pulim smok long pes bilong mi, smok i smel nogut tru long nus bilong mi. Olsem na bihainim lo bilong gavman na traim soim rispek long ol lain husat ino save smuk.

**Rodney Kowi
Sauten Hailans
provins**

gat pik na sawol, mi save harim em man bilong spak tumas na wokim maus wara toktok long ol pipel bilong Nawae, long taim bilong palamen, mi ting mi no save harim em toktok liklik long hevi bilong ol pipel long ples, em giamanim mipela long pilim fom bilong EDF pepa na kisim mani, tasol em tu

no gat kaikai bilong em na i luk olsem em mas benkim ol dispela EDF mani long pasbuk akaun bilong em yet.

Plis dispela em ol sampela hevi we mi lukim memba bilong Nawae i no stretim yet olsem na mi askim.

Bikos i gat planti manmeri tu bilong Nawae ilektoret husat i mekim ol dispela askim na ol

tu i laik save long ansa bilong memba long dispela.

Plis inap memba i ken kam ausait na tokaut klia long mipela ol pipel.

Em tasol wari bilong mi na mi bai amamas long sapot bilong ol arapela tu.

**NEMBA DUMENG
POPONDETA**

Ol plisman long Bialla save paul tumas

Dia Edita,
Mi laik autim liklik wari bilong mi i go long pasin ol plisman long Bialla i save mekim long ol marit man. Sapos taim ol i kisim wanpela maritman long prenim pikinini meri bilong em, ol bai sasim em long bagarapim meri na dispela kain pasin em i no stret long ai bilong mi.

Planti taim mi save lukim dispela kain pasin i save kamap

long Bialla taun tasol em ol plisman bilong Bialla taun tasol i save mekim dispela kain pasin long olgeta man long Bialla.

Mi laik lukim olsem dispela kain pasin i mas pinis long nau dispela nupela yia 1995. Sapos yu husat i laik bekim dispela pas orait rait tasol i kam long *Wantok*.

**Benson Natoigen
Bialla**

Raikos memba bosim olgeta samting

Dia Edita,

Mi laik autim belhevi bilong mi i go long nesanel memba bilong mipela long Raikos, Samuel Paliwa. Long wanem em i makim maus bilong ol pipel long pait long gavman na kisim ol samting long helpim ol.

Insait long ilektret bilong em long Raikos, i gat wanpela kampani ol i kolim long Raikos

Holding Pty Ltd. Dispela kampani i bilong ol papagraun long hap.

Orait, mipela ol pipel i gat wari long ol dispela poin:

- memba yet i siaman bilong Raikos Holding Pty Ltd.
- Em yet i lukautim olgeta EDP mani.
- Em i bosim long rausim mani bilong Raikos Holding kampani.

• Nogat wanpela dairekta o papagraun i gat han long sainim dispela Raikos Holding pasbuk.

• Memba yet i kamapim Raikos Holding kampani na.

• Bilong wanem em yet i makim ol dairekta papagraun. Mi bai amamas tasol long lukim tingting bilong ol arapela

**Ronny Singlrau
Madang provins.**

Kastoma givim mani na kampani givim sevis

Dia Edita,
Mi sapotim pas bilong brata Dic Yua Edwin we i kamap long *Wantok* bilong Disemba 22. Brata ya i autim belhevi long ol liklik pikinini i baim sip.

Ating i gat as na Lutheran Siping i save kisim mani long ol pikinini. Mi bilip olsem ol pasindia ino inap komplèn tumas long baim sip sapos Lusip i givim gutpela sevis i go long ol pasindia bilong em.

Welfea na sefti bilong ol pasindia i mas kam pastaim long mani o bisnis. Kastoma i bringim mani na kampani i save ronim ol sevis bilong em na baim ol wok manmeri bilong em.

Mi wanpela pasindia husat i yusim ol sip bilong Lutheran Siping long baim sip. Mi lukim sampela samting we i baim sip. Lusip i baim sip long lukluk long ol, bikim na kamaun bilong ol

pastaim bipo long em i go het long wokim bisnis. Hia nau sampela samting we mi ting Lusip i mas lukluk strong long ol:

1- Wokim haus pasindia, putim toilet na bikpela ples long baim tiket long em. Save, ol pasindia imas sindaun gut taim ol i weit. Na tu, sapos ol i laik go long toilet, ol bai i go we?

2- Klinim ol bet slip long sip. Kokros, musmus na doti ino isi. Traim na putim ol klinpela matres na painim rot long kilim ol musmus na kokros.

3- Noken pulumapim na sakim sip tumas. Planti pasindia ino save gat gutpela hap long sindaun o slip gut taim sip i rot antap long solwara.

4- Sekyuriti bilong ol sip i mas baim sip rispek na baim sip helpim ol sip. Sekyuriti bilong ol sip long ol, ol

Sekyuriti i stap long lukautim ol sip na pasindia bilong ol.

5- Tokim sampela ol kru long noken haitim ol meri long rum bilong ol na karim ol raun long sip nating. Bikpela toksave i stap long ol manmeri nating i go long rum bilong kepten na ples slip bilong ol kru. Tasol i luk olsem lo ya ino tambuim ol kain meri olsem.

Sapos ol meri tru bilong ol kru, orait, pasindia i gat rait long save. Ol baim sip na yet sampela ol i wokim fri trip tasol.

Stretim ol dispela hevi na ol pasindia bai i amamas tasol long baim ol kain fi bilong pasindia na kage Welfea na sefti imas kam pas long mani o bisnis. Nogat pasindia bai nogat mani. Sapos inogat mani, bai nogat manmeri i wok long kampani.

**J C Noke
Madang**

Bia na smok i nogut long helt bilong ol meri

Dia Edita,

Mi laik komplem long pasin ol susa bilong mi i save mekim tasol mi save olsem dispela komplem tu em arapela meri i ken lukim na skelim tu.

Mi no save amamas long lukim ol meri i smok na dring bia long ai bilong mipela ol man. Bikos Papua Niugini i no olsem hap bilong ol waitman we olgeta kain kain marasin i stap long stua na yu ken kisim lng helpim bodi bilong yu egens birua bilong smok na bia.

Mi lukim planti gutpela yangpela meri i

save smok long taun na tu long ol ples. Na skin bilong ol i save go no gut olgeta bikos smok i daunim strong na smatpela bodi bilong ol.

I gat hevi bilong smok i stap we ol meri i ken kisim.

Taim ol i marit na i gat bel long pikinini, poisin bilong smok i ken ron long blut bilong ol na go kamap long bilum bilong pikinini we em bai kisim kaikai long en.

Na dispela bai bagarapim tru helt bilong dispela pikinini we yu yet bai pilim pen long karim.

Bia tu bai mekim

wankain hevi long pikinini olsem smok.

Taim meri i dring bia, dispela poisin (alcohol) bai go insait long blut bilong meri na kamap long pikinini na het bilong dispela pikinini long bel bilong meri i no inap kamap strong na gutpela taim pikinini i kamap bikpela.

Na tu pikinini bai bikpela na lainim hari-ap long smok na dring bia bikos poisin bilong tupela samting ya i stap pinis long blut bilong em.

Plis ol meri yet i mas tingim bodi bilong ol na lukautim egens ol kain samting no gut bilong ol waitman olsem.

Larim ol man yet i ken kisim bia na smok bikos ol i ting bodi bilong ol i strongpela egens ol samting ya. Tasol sapos pawa bilong tupela samting ya i kisim ol man no gut, bai ol tu i pilim bikos ol i no masin o ain.

Plis tingim gut bodi na laip bilong yupela na lusim ol kain samting no gut olsem.

Em tasol komplem bilong mi na husat arapela i laik bekim em welkam tasol long rait long Wantok bai mi ken lukim.

LAMBERT LISSAI
AITAPE

No ken baim kaikai na salim gen long maket

Dia Edita,

Mi wanpela man husat i stap long Kimbe na mi lukim pasin ol meri i save baim kaikai long narapela hap na go salim gen long narapela maket i no gutpela.

Ol i save skelim ol dispela kaikai i go liklik tru na salim long sek-sen 10 maket we prais bilong ol tu i save antap tru long prais ol i baim long en.

Yupela mekim dispela kain pasin i no gutpela tru long mipela ol man-

meri long hia bikos yupela i soim tru olsem kaikai i sot olgeta long Kimbe.

Yupela tu i mas save olsem narapela lain i kilim skin long wokim gaden long painim mani. Na ol i kam salim kaikai long maket.

Yupela arapela i no ken bagarapim maket bilong ol bikos sapos ol i belhat, bai ol i sasim kaikai bilong maket i go antap moa.

Na tu sampela bilong ol kaikai yupela i salim ya i wanpela o tupela

de i go pinis taim yupela i baim long papa bilong gaden na go salim gen.

Plis lusim dispela kain pasin bikos em i pasin bilong sem na tu i soim olsem man bilong yupela i no wok mani na yupela i stap painim kain kain rot long wokim mani.

Plis no ken salim kaikai bilong arapela lain gen long maket.

FLIERL DIDARR
KIMBE

Minista Baing i no helpim olgeta pipel

Dia Edita,

Mi no amamas long sampela pasin we nesenel open memba bilong Makam, Andrew Baing, i mekim long ol pipel long ilektret bilong em.

Em long ol tok promis we em i mekim long kamapim ol samting olsem:

- ol wok developmen long distrik bilong ol

- helpim ol bisnis grup long kamapim rais, kakaruk, pik, givim wok long ol yut na

- givim wok didiman na wok long rot long Onga Wafa

Mi tok memba ya i giamanim stret ol pipel long ol i raitim aplikesen tasol kam bek bilong em, em i helpim ol tambu na wanblut bilong em tasol.

Sapos yu lukluk i go long ol bikpela wok em i putim long graun long Morobe na Makam ilektret bilong em, yu bai lukim nau olsem ol waitman i kam insait na kisim wok. Em ino kisim ol man PNG long wok.

Ol pipel long Kaiapit ino kisim mani we gavman i save givim aut long

helpim komyuniti we ol i kolim long slas fan. Mani ya i save stap long han bilong ol nesenel palamen memba na ol i save tilim aut. Dispela mani em ol pipel long Kaiapit ino lukim wantoea liklik.

Nogat. Ol tambu na wanblut tasol i kisim. Na long planti ol arapela man husat i aplai long fans, em i putim aplikesen bilong ol long toilet.

Orait, mi laik tok olsem sori Makam Open Memba Andrew Baing, dispela em i laspela yia bilong yu. Narapela samting tu em yu wok long palamen tasol bai yu pinis bikos yu, minista bilong kusai. Namba tri long en em

yu maritim waitmeri na yu kisim ol waitman i kam long Makam. Olsem nau, yu nogat inap taim long kirapim Kaiapit distrik.

Yu laik sapatim, bagarapim o yu yet i pilim olsem wanem, rair i kam long Wantok Niuspepa na mi bai i lukim.

Morobe provins

No ken salim ol seken han kolos long stua

Dia Edita,

Mi laik komplem long ol sampela liklik bisnis nabaut long Papua Niugini we ol i save laik salim ol seken han kolos long stua bilong ol.

Mi no amamas tru long ol dispela stua i save salim ol seken han kolos olsem bikos mi lukim ol dispela kolos em ol sampela lain manmeri i werim pinis na bihain ol i salim gen.

Planti manmeri i painim sik na tu mipela PNG i kamap olsem seken han kantri long ol arapela kantri long wol.

Kantri bilong mipela PNG i sanap pinis long lek bilong em olsem independen kantri na mipela i mas soim olsem mipela i ken lukautim ol liklik hevi na wari bilong mipela yet.

Ol dispela seken han kolos long stua i no gutpela tru long ai bilong planti PNG manmeri bikos em ol samting narapela man i werim pinis. Na bihain ol i salim gen long mipela long werim.

Plis mi ting gavman bilong mipela i mas strongim ol lo long dispela kain samting na tu givim kain wok bisnis olsem long Papua Niugini manmeri yet.

Em tasol komplem bilong mi.

JUREX SELE
GOROKA

Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982 Boroko, NCD.



Nem: Stiff Connie
Krismas: 21 yias (man)
Edres: Buvussi Street 8, Portion 004 1323, Kimbe, WNBSP.
Save laikim: Tok pilai, ritim niuspepa na pilai gita.

Nem: Maliko Miok
Krismas: 20 yias (man)
Edres: Wayalas Brothers, P. O. Box 134, Wabag, Enga province.
Save Laikim: Lotu, pilai volibal na painim abus long bus.

Nem: Make Pink
Krismas: 21 (man)
Edres: Wayalas Brothers, P.O. Box 134, Wabag, Enga province.
Save Laikim: Wokim gaden na ritim buk.

Nem: Tumaga Yukuti
Krismas: 21 (man)
Edres: Watalas Brothers, P. O. Box 134, Wabag, Enga province.
Save Laikim: Pilai ragbl na wokim gaden.

Nem: Lyabum Kambao
Krismas: 16 (meri)
Edres: Watalas Brothers, P. O. Box 134, Wabag, Enga province.
Save Laikim: Wokim bilum, go lotu na pilai basketbal.

Nem: Kuras Yapao
Krismas: 18 (meri)
Edres: Watalas brothers, P. O. Box 134, Wabag, Enga province.
Save Laikim: Wokim bilum, pilai volibal na harim musik.

Nem: Debera Kunda
Krismas: 18 (meri)
Edres: Watalas Brothers, P. O. Box 134, Wabag, Enga province.
Save Laikim: Wokim bilum tasol.

Werim tumbuna bilas Ol lida bilong Is Sepik i stret long mekim musik vidio klip no save wok bung

Dia Edita,

Mi rait long komplem long ol musik manmeri bilong yumi yet long kantri. Long wanem, ol ino save wokim gut ol vidio klip long TV. Dispela em long sait bilong tumbuna bilas. Long olgeta Trinde na Fonde nait, mi save fultaim long vidio na lukim tupela kain pilai.

Wanpela em bilong waitman na narapela em bilas long ol tum-

buna bilong yumi. Insait long PNG, i gat kain bilas bilong tumbuna we ol manmeri na pikinini i lukim na amamas long en. Mi komplem bikos mi laik lukim mo tumbuna bilas long ol vidio klip. Na mi no laik lukim ol man i werim hap hap klos bilong waitman na tumbuna wantaim.

Kapman Nime
Mosbi

Dia Edita,

Mi gat belhevi long ol provinsal na nesenel politisen bilong mipela long Is Sepik.

Wanem taim ol bai bung wantaim na kamapim sampela gutpela developmen long Wewak taun?

Dispela pasin long ol provinsal na nesenel lida bilong Is Sepik long bung na putim het wantaim na toktok ino kamap.

Olsem na nogat senis i kamap long Wewak taun. Ples i stap liklik yet olsem bipo.

Long mi yet, Wewak taun i luk olsem wanpela banis pik o kau. Na gavman ino wari liklik long stretim

Wewak taun.

Sapos yu wanpela bikman bilong narapela hap na yu kam festaim long Wewak, bai yu lukim taun olsem wanpela masis bokis tasol.

Na dispela i asua bilong husat? Sir Michael Somare, Pita Lus na sampela arapela lida moa. Mi kolim tupela bikman ya bikos ol i tupela long ol papa bilong kantri.

Mi askim yutupela lida long traime wokim taun bilong yumi, Wewak i kamap gut liklik na populesen long Is Sepik bai i amamas.

James Malouwas
Wewak

Ol provinsal na nesenel lida bilong Lufa i no stretim rot yet

Dia Edita,

Komplem bilong mi i sut long ol provinsal na nesenel memba bilong mipela long Lufa.

Long dispela taim, i nogat gutpela rot i go long Gouno na Unavi. Long tingting bilong mi, mipela i westim taim long votim ol memba tasol taim ol i win, ol i save lus tingting long

helpim ol pipel husat i givim vot long ol.

Na ol i tingim famili na hauslain bilong ol tasol. Mipela long Lufa i gat hevi long bikpela rot i go olsem long Gouna na Unavi. Long nau, i luk olsem rot ya i fit long ol pik na hos long yusim.

Bikos taim mipela i sindaun long ka na

bihainim dispela rot, mipela i klostu brukim baksait long kalap nabaut.

Mipela ol pipel i askim strong ol lida long pait strong long gavman long givim mani i kam insait long stretim gut dispela rot.

Tom Kewa
Mosbi

Wantok toksave

Dia ol rida,

Wantok i amamas long olgeta gutpela komplem na wari yupela i save salim i kam long 'Pas i go long Edita'.

Plis toksave olsem raitim gutpela pas olsem long komplem na wari yu gat long wanem samting insait long laip na sindaun bilong mipela long kantri.

Tasol no ken raitim pas long bagarapim narapela brata na susa long pasin bilong em o bilas bilong em na tu no ken yusim ol tok no gut long komplem bilong yu.

Bikos Wantok bai i lusim sampela pas we inap kamapim belhat na birua na putim tasol trupela pas we i gat gutpela komplem na wari long en.

BUK BILONG OL SEVISIS

BICYCLE REPAIRS

BICYCLE CLINIC

For Repairs & Spare Parts

Call into Small Industries Centre, Ahuaia Street opp Waigani Drive, next to Seeto Kui.

MON - FRI 0800 AM - 4.30PM
SAT 0800 - 1200NOON


ENQUIRIES 25 2135 ANNA OR JUSTIN

ELECTRONIC

**PAPA BILONG OL TV
SAPOS TV BILONG
YUPELA I BAGARAP
SEKIM WANTAIM MIPELA**

O'KAM NA LUKIM MIPELA LONG OLGETA
LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT
■ REPAIRS TO T.V.'s, RADIOS, ETC.



We are located at the corner of wards road and Spring/Garden Road, Hohola.
P.O. BOX 3572 BOROKO, N.C.D. PHONE: 25 1952 FAX: 25 4743

HAIR TREATMENT

Nambawan taim mipela bringim marasin bilong groim gras long ol kela het i kam insait long PNG. Mipela rejista pinis na lgat setifiket bilong salim dispela marasin long PNG.

Rait ikam tasol long mipela nau long kisim moa toksave.

**PNG SALES MANAGER,
NATIONTRADE PTY LTD, P.O. BOX
1957, LAE, MOROBE PROVINCE.**

OUTBOARD MOTORS

JOHNSON OUTBOARD MARINER OUTBOARDS

Toba Motors husat i gat ol brens na opis i stap long olgeta hap tasol i save salim ol Mariner na Johnson Outboard Moto. Mipela i gat autbod moto long olgeta aplikesen we prais bilong ol i gutpela long ol arapela. Long kisim gutpela sevis na helpim long kantri, ringim Toba Motors POM long 217874, Lae 422611, Rabaul 921866 na Alotau 611246.

PANEL BEATERS

BOROKO PANEL BEATERS

"Beat the kina devaluation"

WHY BUY A NEW CAR?

Simply give your car a new look! with DUPONT PAINTS

Recondition your present one.

PHONE US NOW ON
25 2092

TOWING SERVICES AVAILABLE AFTER 24 HOURS
SERVICES PH: 26 1431

EXCELLENT TRADESMANSHIP AND QUALITY
FINISH IS GUARANTEED.

PANEL BEATERS

CARLOS BODY WORKS

"Beat the kina devaluation"

WHY BUY A NEW CAR?

Simply give your car a new look! with DUPONT PAINTS

Recondition your present one.

PHONE US NOW ON
21 7947

EXCELLENT TRADESMANSHIP AND QUALITY
FINISH IS GUARANTEED.

PASSPORT & VISAS

COLIN RITCHIE PTY LTD.

PHONE: 25 6707

Specialising in: Passport,
Visa, Entry Permit Processing.

YOU CAN RELY ON US.

Fax: 25 3623.

P.O. BOX 436, BOROKO

POOL SERVICES

GP GUNI POOL SERVICE

PHONE: 26 1256

We specialise in: Fresh & Salt Water Pools, Installation of above Ground Pools, Salt Chlorinators, Decking, Fencing, Pumps, Filters, Chemicals and monthly cleaning contracts. We also repair, Pool Pumps, Salt Chlorinators, Pool Liner, Patching, Air Tools, Hydraulic Tools, Compressors, etc.

FOR SALE

HOSE FITTINGS

Hydraulic hose and fittings: The best prices in town

Phone: 25 8166

Fax: 25 8757

SCALES

ELECTRONIC AND MECHANICAL SCALES

Long skelim ol kago bilong yu, mipela i gat ol skel bilong helpim yu. Long supamaket na stok teking. Long fama na fising. Long skelim gol, bilong yusim tu long ol leboteri, haus sik, fektori, haus mit, bekeri. Sapos yu laik skelim ol samting mipela i ken helpim yu. Rausim hevl long het bilong yu na ringim Gilbert long 212455 o fax 212140 na tingim, sevis nem bilong mipela. New Guinea Vending Services P/L PO BOX 6933, BKO, NCD

SECOND HAND CLOTHING

PAY LESS

MIX BALE 50 K. K165 Only
LUCKY DRAW: 1 Ticket per Bale
1st Prize: Return Ticket for Two to Cairns (Air Niugini).
2nd Prize: 20" Colour TV
3rd Prize: 20 Bales 50kg.
4th Prize: 1 bale 50kg.
5th Prize: 1 BMX 20"

OUTSTATION ORDERS MOST WELCOME
P.O. Box 159, Waigani. Phone: 25 1477 Fax: 23 2895

**WE ARE AT VARAHE ST GORDONS
OPPOSITE HIRITANO ELECTRICAL**

TRAINING


BAIBEL TRENING SENTA

Wanpela nupela we long kisim save long tok bilong God. I gat ol aplekesen bilong 1995 long tok Pisin na Inglis M/W/F nait. Mipela kisim ol pei bilong skul nau. Sapos yu laik save moa, raitim pas i kam long P.O. Box 72, Badili, NCD.

**Yu ken edvetais hia
long K10 tasol long
wanpela wik. Long
painimaut moa long
dispela, ringim Augustine,
Jack or Joe long
telipon namba 25 2500.**

BALIM

**Weekend Sport
long Fraide na
bai yu lukim
WINA bilong
Benson & Hedges
Golden Spots Sta.**



SPORT
WEEKEND

EM I SPOT NIUSPEPA BILONG PNG STRET!

COLOD



RAGBI LIG

NIUS



LONG Fraide bai Papua Niugini Wol Sevans tim bai lusim Mosbi na go daun long Brisbane long Australia na pilai long Wol Coca-Cola Sevans Ragbi Lig wantaim ol tim bilong Sidni Lig, Fiji, Nu Silan, Westen Samoa, Japan, America, Inglen South Afrika na planti narapela kantri moa. PNG bai salim 12-pela man olgeta long dispela resis. Tenpela em ol pilai na tupela opisals. Hia *Wantok* ripota Rodney Kamus i kisim liklik stori bilong wanwan pilai bilong PNG tim husat bai stap insait long dispela resis.

Nem: Elias Fordley Paiyo
Betde: Septemba 22, 1972
Ples mama i karim em: Mt. Hagen, Westen Hailens Hom Provins: Enga
Klab: Mosbi Tarangau
Longpela: 160cm
Hevi: 84 kg
Posisen: Huka, Faiv-eit, Hapbek, Senta
Hamas taim em i pilai ol bikpela pilai: 1990-1994 Viper 1990-1993 Southern Zone 1994 Vipers Sevans Townsville 1993 Presidents 13 vs Young Guns 1991 Southern Zone vs French Roosters

Nem: Stanley Gene
Krismas: 21

Bungim PNG Wol 7 asait tim

Ples mama i karim em: Goroka
Hom Provins: Isten Hailens
Klab: Goroka Royals
Longpela: 175 cm
Hevi: 80 kg
Posisen: Hapbek, Faiv-eit, Huka
Hamas taim em i pilai ol bikpela pilai: PNG Colts, PNG Kumuls 3 Tests, President 13, Highlands Zone, Goroka Lahanis.

Nem: Petrus Thomas
Betde: Februari 2, 1973
Ples mama i karim em: Mendi
Hom Provins: Southern Highlands
Klab: Mendi Bulldogs
Longpela: 180 cm
Hevi: 75 kg
Posisen: Winga
Hamas taim em i pilai ol bikpela pilai: 1993-1994 Mendi Muruks 1993 Presidents 13 tim 2 1994 PNG Colts 1994 Presidents 13 1995 World Sevans

Nem: Daroa Ben-Moide
Betde: 3-1-1963
Ples mama i karim em: Tauram General Hospital, Mosbi
Hom Provins: Daru Westen Provins
Klab: Paga Panthers
Longpela: 185 cm
Hevi: 95 kg

Posisen: Prop, Second Row, Huka
Hamas bikpela pilai em i pilai pinis: Kumul Utility Foward since 1988
Posisen: Mosbi Vipers Presidents 13 PNG Sevans 1993-1994 Southern Zone 1982-1987 Wellington Rep 1987-1988(Nu Silan)

Nem: David Gomia
Betde: Februari 18, 1970
Ples mama i karim em: Kundiawa
Hom Provins: Chuvave, Chimbu
Klab: Mt. Hagen Hawks
Longpela: 175 cm
Hevi: 84 kg
Posisen: Senta, Winga
Hamas bikpela pilai em i pilai: 1991 Highlands Zone vs Australia 1991-1994 Mt Hagen Eagles 1992 Highland Zone vs Great Britian 1993 PNG vs Fiji PNG Presidents 13 vs Cowboys 1994-PNG vs France, PNG vs Kiwis 1995- World Sevans

Nem: John Okul
Betde: Novemba 24, 1972
Ples mama i karim em: Banz Sipil Village
Hom Provins: Western Highlands
Klab: Lae Tarangau
Longpela: 175 cm
Hevi: 90 kg

Posisen: Senta, Fulbek
Hamas bikpela pilai em i pilai: 1991 Highlands Zone vs Kangaroos 1992,93,94 Lae Bombers 1993 Presidents 13 1994 PNG Colts vs France 1992 2 Test against Kiwis 1995 World Sevans

Nem: Michael Toivita
Betde: Jun 24, 1969
Ples mama i karim em: Lese Ilava, Gulf
Hom Provins: Gulf
Club: Mosbi Paga Panthers
Longpela: 175 cm
Hevi: 79 kg
Posisen: Winga, Senta
Hamas bikpela pilai em i pilai: 1992-1994 Mosbi Vipers 1992, Vipers, World Sevans 1993 Kumuls, World Sevans 1994 Kumuls, World Sevans 1995 Kumuls World Sevans

Nem: Philip Boge
Betde: August 19, 1967
Ples mama i karim em: Mosbi Haus sik
Hom Provins: Nesenel Kapitel Distrik, Hanuabada
Klab: Mosbi Hawks
Longpela: 178 cm
Hevi: 75 kg

Posisen: Fulbek, Senta
Hamas bikpela pilai em i pilai: 1990-94 PNG Kumuls 1990-1995 Mosbi Vipers, Presidents 13 1992-1995 World Sevans.
Nem: Badi Dou (kosa)
Betde: Januari 1958
Ples mama i karim em: Ialibu
Hom Provins: Southern Highlands
Wok: Developmen Opisa
Longpela: 6 ft 2
Hevi: 90 kg
Posisen: Coach
Hamas bikela pilai em i stap: Kosim Southern Zone long 1986 egensim Kiwis Trena PNG Presidents 13 1986 Kosim Southern Zone 1991 Kosim Wol Sevans long 1992 i kam inap 1995 nau. Kosa bilong PNG Colts vs French
Nem: Mathew Natusch (menesa/trena)
Betde: Epril 28, 1967
Ples mama i karim em: Upper Hutt, Nu Silan
Hom Provins: Nu Silan/New Ireland, PNG
Klab: Mosbi Tarangau
Longpela: 178 cm
Hevi: 79 kg
Posisen: Menesa, Trena, Physiotherapist
Bikpela pilai em i stap: 1994 Vipers 1994 Kumuls vs NZ Kiwis 1994 PNG Womens Soccer, Oceania Tonamen 1994 PNG Netbal Skwat.

1995 COCA-COLA WORLD SEVENS DRAW BRISBANE & SYDNEY

FRIDAY FEBRUARY 3, 1995 - BRISBANE SATURDAY February 4-5, 1995 - SYDNEY

Group 1 Manly Parramatta Cronulla-Sutherland Illawarra	Group 2 St George North Sydney Great Britain Penrith	Group 3 Sydney Bulldogs South Sydney Sydney City Roosters Newcastle	Group 4 Western Suburbs Western Reds Brisbane South Queensland
Group 5 North Queensland New Zealand Canberra Auckland	Group 6 USA Sydney Tigers Fiji Russia South Africa	Group 7 Papua New Guinea Canada Gold Coast Japan	Group 8 Western Samoa Morocco France Tonga Italy

- First place in each pool will qualify for the quarter finals of the Coca-Cola World Sevans Cup.
- Second place in each pool will qualify for the quarter finals of the Trophy competition.
- Winfield Cup Teams who fail to qualify first or second in their pool will be eliminated from the competition.
- International teams who fail to qualify first or second in their pool with the exception of groups two and six will participate in the Plate finals.
- Note: Due to the structure of the draw there will be two cross pool games involving teams from Groups six and eight. They are Fiji (Group six) V France Group eight) and South Africa (Group six) V Italy (Group eight).

SUNCORP STADIUM - BRISBANE Friday February 3, 1995.

Group 4 Western Suburbs Western Reds Brisbane South Queensland	Group 5 North Queensland New Zealand Canberra Auckland	Group 7 Papua New Guinea Canada Gold Coast Japan	Group 8 Canada Japan Western Reds South Queensland New Zealand Auckland Japan Gold Coast Western Suburbs South Queensland Canberra Auckland
6.00pm 6.20pm 6.40pm 7.00pm 7.20pm 7.40pm 8.00pm 8.20pm 8.40pm 9.00pm 9.20pm 9.40pm	Papua New Guinea vs Gold Coast vs Western Suburbs vs Brisbane vs North Queensland vs Canberra vs Canada vs Papua New Guinea vs Brisbane vs Western Reds vs North Queensland vs New Zealand vs	vs vs vs vs vs vs vs vs vs vs vs vs	

Note: Winfield Cup teams finishing third and fourth in their pool are eliminated.

SYDNEY FOOTBALL STADIUM

Saturday February 4, 1995.

Group 1 Manly Parramatta Cronulla-Sutherland Illawarra	Group 2 St George North Sydney Great Britain Penrith	Group 3 Sydney Bulldogs South Sydney Sydney City Roosters Newcastle	Group 6 USA Sydney Tigers South Africa Russia Fiji	Group 8 Western Suburbs Morocco France Tonga Italy
---	---	--	--	--

2.00pm 2.20pm 2.40pm 3.00pm 3.20pm 3.40pm 4.00pm 4.20pm 4.40pm 5.00pm 5.20pm 5.40pm 6.00pm 6.20pm 6.40pm 7.00pm 7.20pm 7.40pm 8.00pm 8.20pm 8.40pm 9.00pm 9.20pm	Manly Cronulla-Sutherland St George Great Britain Sydney Bulldogs Sydney City Roosters USA Fiji South Africa Western Samoa France ENTERTAINMENT Manly Parramatta St George North Sydney Sydney Bulldogs South Sydney USA Sydney Tigers Fiji Western Samoa Morocco	vs vs	Parramatta Illawarra North Sydney Penrith South Sydney Newcastle Sydney Tigers Russia Italy Morocco Tonga Cronulla-Sutherland Illawarra Great Britain Penrith Sydney City Roosters Newcastle Russia South Africa France Tonga Italy
--	---	--	--

• All Winfield Cup teams finishing third, fourth or fifth in their pool are eliminated.
 • All international teams finishing third, fourth or fifth with the exception of groups two and five will participate in the plate.

SYDNEY FOOTBALL STADIUM

Sunday February 5, 1995.

PLATE QUARTER FINALS

• International teams finishing third to fifth in their group with the exception of international teams in groups two and five.

11.00am 11.20am 11.40am Noon	3rd 4th 3rd 3rd	Pool 6 Pool 7 Pool 8 Pool 7	vs vs vs vs	5th 4th 4th 5th	Pool 8 Pool 8 Pool 6 Pool 6
---------------------------------------	--------------------------	--------------------------------------	----------------------	--------------------------	--------------------------------------

TROPHY QUARTER FINALS

• Teams finishing second in each pool

12.20pm 12.40pm 1.00pm 1.20pm	Group 1 Group 3 Group 5 Group 7	vs vs vs vs	Group 2 Group 4 Group 6 Group 8
--	--	----------------------	--

CHAMPIONSHIP QUARTER FINALS

• Teams finishing first in each pool

1.40pm 2.00pm 2.20pm 2.40pm	Group 1 Group 3 Group 5 Group 7	vs vs vs vs	Group 2 Group 4 Group 6 Group 8
--------------------------------------	--	----------------------	--

ENTERTAINMENT

PLATE SEMI FINALS
 3.45pm PSF1
 4.05pm PSF2

TROPHY SEMI FINALS

4.25pm TSF1
 4.45pm TSF2

CUP SEMI FINALS

5.05pm CSF1
 5.25pm CSF2

PLATE FINAL

5.45pm

TROPHY FINAL

6.20pm

CUP FINAL

6.55pm

NOTE: • Cup final 10 minutes each way
 • All other games seven minutes each way

Politik no inap stap Banz lig long go het

JAMES SAKUL i raitim

I GAT planti toktok i kamap nau long wok bilong Banz Ragbi Lig. Dispela em bihain long planti hevi i bin kamap bihain long ileksen bilong Isten Hailens provinsel gavman tupela hevi i go pinis.

Tasol weki bilong politik i no i nap stapim lig resis long Banz.

Man husat i go pas long Banz Lig, John Harris i tok klia long wik i go pinis olsem em i baim pinis fi bilong go insait wantaim PNGR-FL.

Em i tok olsem nau yet i nogat wanpela hevi i stap. Na ol klab i mas stretim ol yet wantaim ol pilai bilong ol na kam insait long Banz lig resis.

Em i tok moa olsem i tru olsem ol birua i save bagarapim ol spot insait long Banz. Tasol em i no laikim dispela pasin long kamap.


Harris i tok olsem politik em wanpela man tasol i save win. Tasol long spot em olgeta i save win na amamas tu wantaim. Olsem na em i laikim olgeta yangpela long lus tingting long politik na joinim spot.



• Bikman bilong Wol Karate husat i save stap long Japan i sikan wantaim ol lain karate studen bilong PNG long las wiken.




• Das i kirap long David Unagi ragbi lig resis long Godens long las wiken. Poto JOE KANEKANE.




• (namel lephan) Ol susa ya i mekim save long pilai volibal insait long Sir John Guise Stadium long las wiken.
• (namel senta) Em ol meri bilong Mosbi pablik sevans i mekim save long pilai netbal resis bilong ol long las wiken. Dispela pilai i save strong tru olsem Mosbi netbal sisen.
• (namel ralthan) Susa ya i holim bal pinis na i redi long tromoi i go long wanplala bilong em. Trangu i palnim pren yet.
Poto JACK AMI.




• Kas no gut i kalap antap long beksait bilong em long stapim ron bilong man ya long Mosbi ragbi yunien resis long las wiken.



• Em kain kalap yu inap lukim long etletik resis. Dispela resis i bin kamap long Mosbi long las wiken.

FRENCHBAKEHAUS

 • **CAKES**
 Weddings & Birthdays
 Our speciality
25 1266 Pom
42 5349 Lae

FRENCHBAKEHAUS

 • **CAKES**
 Weddings & Birthdays
 Our speciality
25 1266 Pom
42 5349 Lae

PROVINSAL SOKA NIUS

4-pela tim pait nau long PSSA Kap taitel

BIKPELA salens bilong Mosbi pablik sevans soka resis bai i stap namel long Air Niugini, Teachers, Edukesen na ICPNG long winim taitel bilong NCDPSSA Kap long 1995.

Foapela tim ya i soim pawa bilong ol long las wiken taim ol i bin pilai hat tru long winim ol birua tim bilong ol.

Teachers na Air Niugini i bin stap insait long wanpela kain mesa semi fainel we i olsem gren fainel stret. Bikos tupela em; PTC na Atoni Jenerel i no bin givim isi gem long tupela.

Long dispela as, tupela gem wantaim i bin go long ekstra taim na bihain long penalti kik. Bikos ol tupela i bin dro long fultaim.

Insait long penalti kik, Teachers na Air Niugini i soim strong bilong tupela long winim PTC na Atoni Jenerel.

Long dispela wiken, salens bilong ol foapela tim ya bai i strong olgeta bikos ol bai painim tupela wina husat bai salens long gren fainel long nek wiken. Gren fainel bai i stap long Sir John Guise Stadium.

Teachers i luk strong olgeta bikos em i bin pait strong tru long planti strongpela gem i kam. Na em bai go insait long fil long dispela wiken wantaim moa strong long winim semi fainel na go insait long gren fainel.

Air Niugini tu bai i narapela strongpela tim husat inap gat sans long win

na go long gren fainel.

Tasol tupela tim ya i mas redi tru bikos Edukesen na ICPNG i no inap larim tupela tim ya i win long isi gem.

Edukesen em wanpela tim husat i no gat ol eksperiens pilai olsem long PMSA soka resis o long arapela soka resis bilong narapela provins.

Olgeta em ol wokman tasol bilong Edukesen dipatmen na save bilong ol long soka taim ol i yangpela yet bai helpim ol long mekim arapela tim i kirap no gut.

Edukesen i gat gutpela na strongpela golkipa husat inap sevim planti strongpela kik bilong ol birua tim husat i pilai egensim em.

Edukesen i bin soim pinis dispela pawa bilong ol taim ol i nekim olpela sempion bilong NCDPSSA Kap taitel long las wik wantaim 1-0 skoa long fultaim.

ICPNG tu i gat ol yangpela manki tasol husat inap long pretim beklain

bilong ol birua tim. Ol i gat spit na pawa kik we inap long brukim banis na painim golmak sapos midfil na beklain bilong birua tim i no was gut long ol fowet bilong ICPNG.

Bai gem long dispela wiken i strongpela na gutpela tru long ol manmeri i ken lukim bikos ol tim ya bai i pait strong tru long win na go insait long gren fainel long neks wiken.

Tripela tim bilong ol meri smelim PSSA Kap

TRIPELA tim bilong ol meri i winim pinis mesa semi fainel bilong Mosbi pablik sevans soka resis na i redi gen long semi fainel long dispela wiken.

Ol tim ya em Works husat i nekim NBC long 2-1 skoa long fultaim insait long wanpela strongpela gem tru.

Ol meri NBC i pilai strong tru long nambawan hap bilong resis tasol long namba tu

hap bilong pilai, ol i no strongim banis na Works i go skorim tupela tupela moa gol long winim gem ya long fultaim.

Ol meri bilong Praim Minista tu i soim strong bilong ol long nekim Deced wantaim 3-0 skoa long fultaim.

Tupela tim ya i pait strong tru tasol Praim Minista i gat ol gutpela pilai na eksperiens tu olsem na ol i givim gutpela skul long Deced long fultaim.

Narapela gem bilong Yunivesiti meri wantaim NPF i bin wansait gem stret bikos ol meri Yunivesiti wantaim ol eksperiens meri bilong ol i go insait long fil na i no givim sans long NPF.

Ol eksperiens meri olsem Cathy Davani na Margret Kitchawen i yusim save bilong ol long kamapim ol gutpela gol stret egensim ol yangpela susa bilong NPF. Long fultaim, Yunivesiti i nekim NPF long 4-0 skoa.

Long gem bilong ol meri PTC na Edukesen, i gat liklik straik i bin kamap insait long fill taim ol meri Teachers i wokabout i go insait long fil.

Ol i soim straik bilong ol bikos ol i ting dispela gem egens PTC em bilong ol. Na i no Edukesen.

Olsem na dispela pilai i no bin kamap long las wiken tasol bai i kamap gen long dispela wiken Sarere we PTC na Edukesen bai i bung gen.

As bilong komplem i bin kamap bikos Teachers i no bin save olsem Edukesen i bin holim wanpela apil bilong ol, tupela wik i go pinis. Na dispela apil i bin karim kaikai olsem na poin bilong Edukesen i go antap long 11 abrusim poin

bilong Teachers husat i stap long 10 poin.

Long dispela as, Teachers i lusim tripela poin bilong em na i go daun long 7 poin na Teachers i kisim tri poin na i go antap long 11. Ol meri Woks i stap namba 2 bikos ol i gat 10 poin.

Gem bilong Edukesen na PTC bai kamap gen long dispela wiken bikos tupela i no pilai bihainim dispela straik ol meri Teachers i holim long las wiken.

Wina bilong ol foapela tim long dispela wiken bai painim tupela tim bilong meri husat bai pilai long gren fainel long neks wik Trinde long Sir John Guise Stadium long 6 kilok apinun.



• Ol brata bilong NDCDC soka tim i pullm soken pastaim long ol i go insait long pilai.



• Ol meri Hausing Komisn i sanap stail tru long kisim poto we i soim tru olsem ol bai wanpela strongpela tim tru long traime long Mosbi basketbal resis.

Teacher na Air Niugini pilaim mak bilong gren fainel long las wiken

YAKAM KELO I raitim

TEACHERS i soim tru strongpela pawa bilong em long winim taitel bilong Mosbi pablik sevans soka resis taim em i nekim Atoni Jenerel 3-2 long penalti kik.

Straika bilong Teachers, Kobi Namba i bin skorim las gol bilong kisim tim bilong em i go moa long dispela wiken semi fainel. Hetmasta, John Bips tu i bin soim pawa bilong Teachers taim em i skorim nambawan gol bilong Teachers insait long

penalti kik egens Atoni Jenerel.

Tupela tim wantaim i go insait long fil wantaim bikpela strong na pawa long traime winim narapela.

Ol loya i pilaim strongpela stail bilong ron na tu ol longpela kik i go long golmak bilong Teachers. Ol dispela kik bilong ol i bin kamapim tupela gutpela sans bilong skoa taim bol i go pas long golpos na i kam bek tasol i no gat sapot long ol fowet lain long straikim gen ol dispela bauns bal.

Ol fulbek bilong

Teachers tu i mekim bikpela wok tru long stapim ol strongpela ron na kik bilong Atoni Jenerel.

Straika, Kobi wantaim John Bips i wok long painim ol rot long stat bilong pilai i go long fultaim long painim rot bilong go insait na skoa. Tasol beklain bilong Atoni Jenerel i sanap redi tru long kisim tupela na pasim sans bilong tupela.

Olsem na long fultaim, tupela tim wantaim i dro 0-0 bikos tupela i no inap long skoa.

Teachers na Atoni

Jenerel i go bek gen long ekstra 10 minit salens tasol skoa i stap wankain olsem na tupela i kisim penalti kik.

Atoni Jenerel i bin abrusim tripela kik bilong ol na tupela tasol i go insait. Teachers i tu i abrusim tupela gol bilong na Kobi i kikim las wining gol bilong Teachers long apim skoa i go 3-2 egens Atoni Jenerel.

Long narapela gutpela gem tu long graun 1 i bin stap namel long PTC na Air Niugini.

Tupela tim ya i strong tru we sampela strong-

pela kik i wok long kamap we i kirapim tru bel bilong ol pilai.

Long nambawan hap bilong pilai, PTC i bin traime long givim wanpela opsait long Air Niugini. Fulbek Pombuai i sruk i go aut liklik tasol em i karap no gut long David Karani bilong Air Niugini i wel i go insait na skoa.

PTC i komplem long dispela gol tasol referi i wokim disisen olsem em gol.

Tupela tim wantaim i sanap strong long difens na ol fowet lain bilong tupela sait wantaim i pait strong i go i

kam.

Long namba tu hap bilong pilai, PTC i stat long yusim het na salim bal long spes we biknem pilai bilong Lae, Raymond Nasa i kisim wanpela bal long sait lain na ronim i go insait long beklain eria bilong Air Niugini. Kwiktaim em salim bal ya i go long PNG straiika, Steven Mune na Mune i subim stret insait long umben bilong ol balus manki bilong Air Niugini.

Air Niugini i opim ai na John Forowa, David Karani, Clement Anisana na Polongoch

Kepiniu i stat long pilai wantaim tingting na skelim bal i go i kam long olgeta seksen bilong Air Niugini.

Tasol Fulbek bilong PTC, Peppie Pombuai wantaim Koale Baining i no givim rum long ol lain ya long go insait.

Francis Moyap na Steven Mune i pait strong tru i go tasol referi i winim fainel wisel na tupela tim i dro 1-1.

Long ekstra taim, no gat skoa na tupela dro gen. Olsem na long penalti kik, Air Niugini skorim tripela gol na PTC tupela tasol.

ICPNG na Edukesen tu i winim sans long traim PSSA Kap taitel

YAKAM KELO, i raitim

INVESTIMEN Kopresen (ICPNG) i winim sans bilong pilaim semi fainel long dispela wiken taim em i autim tiket bilong NBC, 1-0 long fultaim bilong Mosbi pablik sevans soka resis.

ICPNG i redi gut tru long winim dispela gem bikos ol i bin holim strongpela trening long las wik i kam long

winim dispela gem bilong ol.

Ol boi bilong ICPNG olsem Ken Zilong wantaim Rosen husat i soim tru kain pilai bilong ol manki Fin-safen i mekim strongpela wok tru long holim midfil na beklain bilong ICPNG egens NBC.

NBC tu i kamapim sampela gutpela sans long skoa tasol bal i save go na i no gat inap sapot long ol fowet lain long pinisim gut ron bilong bal insait

long golmak.

ICPNG i bin skorim nambawan gol bilong ol taim midfil i wokim liklik strail tasol long muvim bal i go long sait lain na bihain bal i kam bek gen long ol. Ol i kisim bal ya na go insait stret long golmak na skoa.

Dispela gol i kamap taim ol biklain bilong NBC olsem Joseph Eladona i muv i go long sait na kwiktaim bal i kam bek we i no gat man long karamapim

ples bilong Joe. Olsem na gol ya i kamap.

Long namba tu hap bilong pilai, tupela tim wantaim i wok hat tru long skoa tasol olgeta gol bilong seken hap i wok long go abrus. Dispela i bin wanpela strongpela raun tru bikos ol beklain tu i sanap strong olgeta na stapim ol gol long kamap.

Long fultaim, referi, Samuel Basim i winim wisel na ICPNG i winim dispela gem egens

NBC 1-0.

Long narapela bikpela salens tu, Edukesen i soim bikpela strong bilong em long autim tiket bilong olpela sempion bilong las yia, ol haus mani lain bilong PNGBC.

PNGBC i traim strong tru long winim dispela gem tasol Edukesen i strong moa long i no ken lus. Bikos Edukesen i save olsem dispela ol lain em olpela sempion bilong ol man long las yia.

Long dispela as, Edukesen i holim PNGBC 0-0 long namba wan hap bilong pilai. Na long namba tu hap bilong pilai, tupela i kam bek long pilai na dispela taim difens i strong moa.

Tasol liklik asua tasol i bin kamap long midfil bilong PNGBC we ol i no was gut long rait winga bilong Edukesen na em i kisim wanpela gutpela sans bal na em yet ronim i go olgeta long golmak na skoa.

Dispela em wanpis gol bilong Edukesen we i mekim em winim PNGBC 1-0 long fultaim.

Long las wiken, ol tim husat i winim gem long go insait long semi fainel long dispela wiken em Edukesen, ICPNG, Air Niugini na Teachers.

Ol foapela tim ya i mekim bikpela pait tru long winim arapela tim long kamap olgeta long semi fainel long dispela wiken.

Karate studen long PNG lainim nupela stail

RODNEY KAMUS i raitim

OL sumatin bilong Papua Niugini Karate Asosiesen i wok long lainim tupela kain stail bilong pait karate we wanpela i no gutpela na i ken bagarapim skin na bodi bilong ol man. Na tu wanpela bilong dispela kain stail bilong karate em ol bai ino nap yusim long pait sapos ol i go pait wantaim ol man long narapela kantri long ol tonamen.

Wanpela bikpela save

man bilong karate long Japan Toru Arakawa husat i bin kam long PNG long las wik. Sarere wantaim ol narapela 8-pela i bin tokaut long dispela bihain long ol i lukim ol Saut Pasifik Gems karate trening skwat i bin mekim ol stail bilong ol.

Arakawa i tok olsem i gat tupela kain stail bilong karate pait. Wanpela em Shotokan na narapela em Kyokushin.

Em i tok olsem nau yet ol PNG sumatin

bilong karate i wok long lainim Shotokan na tu ol i wok long lainim Kyokushin stail. Tasol Kyokushin em wanpela nogut pait na i save bagarapim skin bilong ol man. Olsem na ol i no save yusim dispela pait long ol tonamen.

Em i mekim bikpela singaut tu i go long ol sumatin bilong PNG i mas lainim moa dispela pait bilong Shotokan long wanem olgeta kantri i save yusim dispela pait. Na sapos ol i pait long

Kyokushin tasol, ol bai rausim ol poin bilong ol long bikpela tonamen.

Olsem na em i laikim ol PNG lain i mas traim na go long planti ol bikpela pait long ol narapela kantri we ol bai kisim moa save long dispela pait em ol Japan yet i statim long taim bilong tumbuna bilong ol.

Arakawa wantaim ol lain bilong em i bin kamap long PNG long las wik aninit long progrem bilong PNG na Japan long senisim ol pasin bilong tumbuna.



• Francis Moyap (ralthan) i traim long stapim bikman bilong Air Niugini long las wiken pablik sevans soka resis tasol Air Niugini i strong na winim ol telfon boi 4-3 long penalti kik.

Morobe boksa laik pait long boksen trail

PAULUS TALI i raitim

MOROBE Boksen Skwat i redi long go daun long Mosbi na pait insait long tupela de boksen trail we bai i stat long 3 na pinis long 5 Mas, 1995.

Wanpela biknem boksen man na kosa bilong Morobe Boksa, Jenson Lee i tok bai Morobe boksa i go pait long dispela tonamen long traim holim yet nem bilong Morobe long taitel em i bin winim bipo.

Jenson i tok Morobe i gat planti gutpela paitman long boksen na ol i laik kamapim gutpela pait long soim olsem Morobe boksa i gat nem long pait.

Jenson i tok bipo ol manki Morobe i save pait gut tru bikos long

gutpela wok kosa bilong wanpela biknem paitman na kosa, Mark Basin. Mark Basin i bin kosa bilong Lae long 1988 inap 1991.

Jenson i tok em i laikim bai ol kampani na bisnis komyuniti long Lae i soim sapot long ol yangpela paitman bilong Morobe na givim sponsa long ol i ken putim ol yet i go insait long rot bilong spot.

Bikman ya i tok ol i wok long askim nau long helpim na sponsasip. Sapos husat i laik givim helpim, i ken ringim PNG Intanesenel boksa man, John Sam long 425037.

John Sam em wanpela paitman bilong PNG husat i save pait long ol intanesenel tonamen. Narapela boksa tu husat i stap long Lae em Washing-

ton Banian. Em wantaim John Sam i save pait na i winim pinis gol na silva medel.

Nem bilong ol paitman bilong Morobe em; Washington Banin; (lait flai 48 kilogram), Kevin Sam (Flai Weit 51 kilogram), John Sam (Bantam Weit 54 kilogram), Salby Gegin (Feda Weit 57 kilogram), Jeffrey Waluka (Lait Weit 60 kilogram), Kevin Ragu (Lait Weit 63 kilogram), Joseph Saka (Welta Weit 67 kilogram) Ben Siwai (Lait Midel Weit 75 kilogram), Buka Sanny (Lait Flai Weit 48 kilogram) na Ronnie Noan (Bantam 51 kilogram)

Ol opisel em Jenson Lee olsem trenana na kosa na narapela tupela opisel tu em Timothy Adi na Salome Sangi



• Ol instrakata na tisa bilong Karate Kungfu husat i kamap long Mosbi long las wiken na holim trening wantaim ol yangpela paitman bilong PNG.

Lahi bai senisim presiden na namba 2 bilong em

LAHI Soka Asosiesen (LSA) bai holim bikpela miting long senisim presiden na vais presiden bilong em long dispela wiken Sarere long stedium.

Tresera bilong LSA, Moses Demas i tokaut olsem dispela bung bai i kamap long senisim presiden, Col Ben Nori na vais presiden, Richard Nagai.

Col Ben Nori bai lusim Lae na i go long narapela hap na Richard Nagai i kisim wok olsem vais presiden bilong PNGFA. Long dispela as, lo bilong LSA i no oraitim wanpela man long holim tupela posisen.

Moses i tok tu olsem i gat senis i kamap pinis long afiliesen fi bilong 1995 we wanwan tim bai baim K60 fi bilong ol. Pilaia rejistresen fi bai K10.

Las yia afiliesen fi bilong wanwan tim i bin K30 na pilaia rejistresen i bin K15.

Moses i tok long dispela yia bai gat 7-pela nupela klap i joinim LSA na dispela bai apim namba bilong klap insait long LSA i go antap long 16 olgeta.

Long dispela as, bai asosiesen i kamapim wanpela nupela divisen tu long putim ol tim i go

insait. Nupela divisen ya em divisen 1 we em bai i olsem promosen divisen i go long primia.

Moses i tok ol klap i ken stat long baim fi bilong ol nau long beng na bihain ol i ken kisim risit pepa na givim long em long rekot.

Pri sisen bilong LSA bai i stat long 18 Februari long dispela mun inap mun Mas bai LSA i go gen long propa sisen bilong ol.

LSA bai i stap insait long nau long namba 2 yia bilong ranim soka asosiesen na dispela asosiesen i bin kamap gut tru bikos long ol

gutpela wok menemen bilong asosiesen.

LSA bai wok strong gen long dispela yia long kamapim moa gutpela senis long divelcimp soka insait long siti na tu long wanwan pilaia bilong em.

Long dispela yia bai LSA i lukautim gen Nesenel Klap sempionsip bilong ol man na meri long Lae. Dispela bai namba 2 taim bilong LSA long lukautim dispela nesanel tonamen we namba wan i bin long las yia na dispela yia bai namba 2 taim bilong em.

Ol pilaia i mas yusim taim bilong ol yet long trening

YAKAM KELO i raitim

TRENING bilong ol soka pilaia long Goroka, Hagen, Popondeta na Kimbe i stap long han bilong ol yet long bihainim. Vais presiden bilong Papua Niugini Futbol Asosiesen (PNGFA), Richard Nagai i tok.

Saut Pasifik Gems trening skwat long dispela senta bai i gat trening program long bihainim sapos nesenel het kosa, Posman Kisaku i redim na salim pinis long ol het kosa bilong ol.

Nagai i tok sapos ol i no kism yet trening program, bai ol i ken go insait long trening

wantaim klap bilong ol yet. Na tu ol i mas tingim long wokim trening bilong ol yet inap taim bilong bung long Madang long nambawan trening kem long lsta wiken.

Ol dispela pilaia ya em; (Popondeta) Victor Carson husat em PNG golkipa long 1991 Saut

Pasifik Gems long PNG. (Goroka) Jacob Reuben, (Hagen) Robert Upagai, Robin Malwok na (Kimbe) Chris Kataka na Herman Anis.

Robert Upagai, Robin Malwok na Chris Kataka em ol tripela pilaia bilong PNG Anda 20 skwat husat i bin go pilai long Fiji long las

yia insait long Osenia Anda 20 Tonamen. Tripela manki ya i bin strongpela fos bilong PNG tim long winim Fiji na dro wantaim Solomon Ailan.

Trening program bilong olgeta pilaia insait long Papua Niugini bai i stat long 4 Februari.

Madang, Lae na Mosbi i gat ol nesenel kosa i stap husat bai givim trening long ol pilaia bilong dispela hap senta inap ol i bung long Madang.

Mosbi pilaia tasol bai i no inap go long Madang bikos long kos bilong balus i dia tumas. Tasol ol bai go

bung wantaim arapela pilaia long Goroka long namba 2 trening kem long Kwins Betde.

Vais presiden i askim ol pilaia bilong Popondeta, Kimbe, Goroka na Hagen long yusim het bilong ol na holim gut trening bilong ol sapos ol i no kism yet trening program.



• Ol karate tisa bilong Japan i bin kamap long Mosbi long las wiken i lainim ol yangpela Kungfu paitman bilong PNG.



• Merl no gut i apim bet pinis long tromol antap long bal. Dispela em kain strongpela sofbal resis we i save kamap long Mosbi long olgeta wiken.

Madang redi long statim soka sisen wantaim pri sisen

MADANG Soka Asosiesen (MSA) i laik statim soka sisen bilong em hariap bikos long bikpela program em bai i stap insait long dispela yia.

Madang bai lukautim trening kem bilong nesenel trening skwat husat i holim trening nau long go pilai insait long Saut Pasifik Gems long Tahiti long mun Julai.

Nesenel sempionsip bilong ol meri tu bai i kamap long Madang long dispela yia. Oisem na MSA i lukim olsem em bai i no inap taim long pinisim gut soka resis bilong em long dispela yia bikos long ol dispela nesenel program we i stap long han bilong em nau.

MSA tu bai wok redi long makim skwat bilong em long anda 17 husat bai i go kik long Goroka long nesenel anda 17 tonamen, skwat bilong ol meri na skwat bilong ol man long pilai insait long nesenel sempionsip (PNGFA Kap).

Presiden bilong MSA, Peter Angasa i tok long neks wik Trinde bai eksekutiv bilong MSA i sindaun na bung long statim pri sisen soka resis hariap.

Angasa i ting bai pri sisen i mas stap hariap long mun Februari na i mas pinis insait long tupela wik stret.

Bihain long pri sisen i pinis, propa sisen i mas stat gen long 11 Mas na i ken ron i go inap MSA i pinisim soka sisen long dispela yia.

Dispela em ol bikpela samting MSA i mas sindaun long neks wik Trinde na toktok long en na kamapim taim bilong statim ol pilai ya.

Presiden i tokaut tu long las wiken, SP Gems trening skwat bilong Madang i bin statim trening bilong ol. Trening bilong i bin kamap long

Sarere moning na bai i kamap olsem long olgeta Sarere moning inap long namba wan trening kem we ol arapela senta tu bai i go bung wantaim ol Madang pilaia long Madang. Dispela em long lsta wiken long mun Epril.

Angasa i tok ol pilaia bilong Madang bai trening long olgeta Sarere na long apinun, ol i ken go pilai long klap bilong ol wanwan long taim soka i stat. Dispela em long pri sisen na tu long propa sisen.

PORT MORESBY WOMENS SOFTBALL ASSOCIATION INC. 1994/95 SEASON DRAW - ROUND TWO WEEK 15 - 04/02/95				
Diamond One				
Time	Teams	Vs	Teams	Grade
1030	UPNG I	vs	Carps II	AR
1200	Royals I	vs	Stars I	A
1330	Gazelle I	vs	Carps I	A
1500	Malangan I	vs	Wantoks I	A
1630	Yokomo I	vs	Fujitsu I	A
Diamond Two				
0900	Karanas II	vs	Admiralty II	C
1030	Norths II	vs	Country II	C
1200	Achiever I	vs	Dolphins I	B
1330	Yokomo II	vs	Wantoks II	B
1500	Stars II	vs	Admiralty I	B
1630	Dolphins II	vs	UPNG II	C
Diamond Three				
0900	Stars III	vs	Achiever II	C
1030	Exodus II	vs	Gazelle II	B
1200	Malangan II	vs	Fujitsu II	AR
1330	Tarangau I	vs	Country I	AR
1500	Royals II	vs	Elcom I	AR
1630	Norths I	vs	Exodus I	AR
Bye: 'A' Grade - Karanas I				

Ol pilaia i mas bihainim liklik lo bilong pilai

PLANTI pilaia i wok long lusim tingting long ol kain liklik lo we PNGFA i save kamapim long banisim bodi bilong pilaia long i no ken wogim birua long pilai graun.


Sapos yu lukluk long pilai, bai yu ken lukim klia olsem i gat sampela pilaia husat i brukim lo bilong PNGFA na lokel asosiesen bilong ol.

Sampela bilong dispela lo em olsem long werim sinped bilong was long lek bilong pilaia, werim stret su bilong pilai soka na no ken werim ol arapela samting taim yu pilai long fil.

Birua inap kamap

Dispela em wanpela samting bai yu lukim planti pilai: no save bihainim. Na dispela i soim tru olsem man i laik pilai tasol em i no wari long sait bilong insait birua long fil.

Sapos em i bagarapim nara-pela pilaia, em i no wari tumas na sapos em i bagarapim lek o



bodi bilong em yet, em bai i go long askim kompensesen tasol. Pasiq bilong harim tok na bihainim i moa gutpela long sakim. Bikos dispela i save soim tu long interes na developmen bilong pilaia long i laik kamap gutpela pilaia.

Taim wanpela pilaia i pilai long fil na soken bilong em i pundaun i go daun olgeta long lek bilong em, i gat ol lain i sindaun arere na lukluk na sampela taim bai ol i tok pilai long em.

Arapela i soim piksa
Las wiken mipela i bir tok pilai

long wanpela biknem soka pilai husat i no apim soken bilong em i go antap na tu em i no werim sinpen long banisim lek bilong em.

Tasol wanpela namel long mipela i kirap na tok, man ya i olsem yet long bipo. Em i no man bilong pulim soken na lek bilong em i pilim gutpela long mekim olsem.

Tasol mi pilim olsem kain man olsem husat i gat nem long pilai i wok long pulim tingting bilong arapela long mekim olsem. Bikos em i gat nem long pilai, ol arapela bai tok ating i gutpela long lusim soken i go daun na no ken werim sinped bikos bai i mekim lek bilong yu i hevi long kik.

Dispela em wanpela skul no gut tu bikos narapela man inap painim birua long bihain sapos em i no werim sinped long banisim lek bilong em long i no ken bruk.

Asosiesen i no save strongim lo

Mipela i ken toktok planti long ol kain liklik samting olsem bilong helpim pilaia long abrusim birua na tu long helpim em i pilai gutpela gem, tasol bikpela samting em asosiesen tu i mas was long dispela.

Taim asosiesen i save laik statim sisen bilong soka, ol i save holim miting long strongim ol dispela lo. Tasol taim pilai i save go kamap long namel, ol i no moa was long dispela lo ol yet i kamapim.

Taim referi i kism pilai, ol tu i no save lukluk gut long dispela samting. Ol i amamas tasol long ranim pilai na lus tingting long wanem samting em pilaia i werim long nek, han na lek.

Dispela i soim olsem mipela olgeta i no mekim wok bilong mipela long developim soka long kantri bilong mipela.

Strongim ol liklik samting olsem gen

Nau em nupela yia, ating i moa gutpela long mipela i luksave long dispela kain samting na mipela i ken strongim gen.


Dispela kamapim strongpela liklik lo we i ken banisim pilaia na pilaia i ken pilai gut long abrusim ol birua olsem.

Ol referi tu i mas was long lukim olsem olgeta pilaia i werim sinped na na su bilong pilai soka stret. Ol i mas was tu long ol pilaia i no ken werim ol liklik samting olsem ring o gumi nabaut long han na nek.

Sapos wanpela pilaia i mekim olsem, referi i mas salim em i go aut na stap olsem 5-pela minit pastaim na bihain i kam bek insait na pilai gen.

Asosiesen na Referi i mas sanap strong long banisim interes bilong soka na dispela i ken mekim pilai i kamap gut long nau na bihain tu.

WANTOK SPOTS



PNG gat sans long Wol 7 asait lig resis dispela wiken



• David Buko




• Daroa Ben-Moide




• Michael Toivita



• Philip Boge



• Stanley Gene



• David Gomia



• John Okul

RODNEY KAMUS i raitim

PAPUA NIUGINI 7 asait tim bilong go pilai long Wol ragbi lig 7 asait resis long Brisben na na Sidni long Australia dispela wiken i gat moa sans long go insait long pilai long kwata fainel sapos ol i ken winim Gold Coast.

Tasol kosa Badi Dou i tok olsem dispela i stap long wanwan pilai yet long tokaut stret sapos ol i pilim orait long pilai olgeta pilai o nogat.

PNG 7 aisait tim i gat ol planti gutpela spitman wantaim ol strongpela pilai. Na sapos wanwan pilai i no tokaut long wanem kain hevi em i gat, dispela bai bagarapim pawa bilong tim long win, kosa Dou i tok.

Tasol lukluk long wanem pul ol bai pilai long em, PNG i gat planti moa sans long




• Petrus Thomas



• Elias Paiyo

win na go insait long kwata fainel. PNG i stap long wanpela pul wantaim Japan, Gold Coast na Kanada.

Kanada na Japan husat i nupela long pilai ragbi lig bai no inap givim planti hevi tumas long PNG tim. Tasol bikpela hevi liklik



bai PNG i bungim taim ol i pilai wantaim Gold Coast tim bilong Sidni Winfield Lig.

Gold Coast i no wanpela strongpela tim long Sidni lig. Tasol ol i ken bagarapim sans bilong PNG long go insait long fainel. Lain ap bilong Gold Coast

em i strong liklik long ol pilai olsem Andrew Hodge, Andrew Dunemann, Craig Coleman, Bredan Hurst, Des Clarke, Col Ward, Brian Quinton, Darren Anderson, Paul Latta na Kwinslen Stet ov Origin winga, Adrian Brunker.

Faivpela pilai tasol long tim em namba wan taim bilong ol long pilai long Wol 7 asait resis. Ol pilai ya em Stanley Gene, David Gomia, John Okul, Petrus Thomas na

Elias Paiyo. Tasol ol arapela husat i save moa na bai givim ol strong long pilai em David Buko, Daroa Ben-Moide, Michael Toivita, Philip Boge na Stanley Haru. Ol i bin



• Badi Dou



• Mathew Natusch

makim kantri pinis long dispela resis. Wanpela pilai tasol bilong tim husat i no stap wantaim ol tasol i stap long Australia em namba tu kepten Stanley Haru.

Lukim stori bilong wanwan pilai wantaim Wol 7 asait dro long pes 27

Planti soka senta no kisim afiliesen ripot yet

PLANTI soka senta insait long Papua Niugini i no kisim yet ripot bilong Papua Niugini Futbol Asosiesen (PNGFA) long apim afiliesen fi i go antap long dispela yia.

Seketeri bilong PNGFA, Don Sigamata i tok nesanel bodi i no salim yet ripot bilong PNGFA kibung bilong las mun i go long olgeta soka senta yet. Olsem na long dispela as, ol i no kam yet long baim afiliesen fi bilong ol long dispela yia.

Tasol Sigamata i tok em i wetim yet PNGFA long strongim dispela senis (amendment) pastaim long em i ken salim ripot ya i go long olgeta soka senta long lukim.

Insait long senis ya, bai olgeta A senta we i gat moa long 700 pilai i stap long en bai baim K4,000 olsem afiliesen fi bilong ol long dispela yia. Na ol B senta we i gat olsem 500 pilai tasol i ken baim K1,125 fi.

Dispela senis i kamap bikos long helpim PNG Saut Pasifik Gems soka tim husat bai go pilai long Tahiti long dispela yia.

Bai K500 insait long afiliesen fi bilong ol A senta na K125 insait long K1,125 fi bilong ol B senta bai i go long SP Gems tim.

PNGFA seketeri i tok bikos planti soka senta i no kisim yet opisel ripot bilong dispela senis, ol i no baim yet 1995 afiliesen fi bilong ol.

Tupela nupela soka senta husat i soim laik long pilai insait long ol nesanel tonamen long dispela yia em Kerema na Kiunga.

Kerema i baim pnis K1,000 bilong em long soim olsem em i redi long statim pilai na i laik traim tu long ol nesanel tonamen.

Dispela bai namba wan taim bilong Kerema long go insait long soka resis bilong PNGFA. Na dispela i bin kamap bihainim singaut bilong Don Sigamata we em i askim olgeta liklik senta tu long go insait long ol PNGFA tonamen.



• Ol meri Deced soka tim husat i bin pilai long Mosbi pablik sevans soka resis inap long mesa semi fainel na ol i lus long ol meri bilong Praim Ministas dipatmen 3-0 long las wiken. Poto YAKAM KELO

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.